

Th

A



1045

M

















ALOYSII

LA NUZA

V I T A.

ALLOY

ALLOY

ALLOY



P. ALOYSIVS LANVZA E SOCIETATE' IESV
Obyit Panormi Anno 1656. 21 Octobris. Aetatis suae 65





ALOYSII
LA NUZA

E SOCIETATE IESV

V I T A.

AUTHORE

P. ANDREA

DE PUTEO

EX EADEM SOCIETATE.

EMINENTISSIMO PRINCIPI

CAROLO

S. R. E. CARDINALI

P I O

D I C A T A.



N E A P O L I.

Typis BULIFONIANIS CIOICLXXIX.

Superiorum facultate.

ALLOYST

LA MIA

LOCITATE

V. I. T. A.

LA MIA

P. ANDREA

D. P. P. T. O.

LA MIA

CAROLO

LA MIA

P. I. O.

LA MIA

LA MIA

LA MIA

LA MIA

LA MIA

LA MIA

LA MIA

LA MIA



ENINENTISSIMO PRINCIPI

C A R O L O

S.R.E. CARDINALI

P I O.



*VI dono pium mitto libellum?
Cardinali aqùe factis, ac
cognomento Pio; eum enim
querit sibi libellus Patro-
num, cujus expertus est
Author luculentissimum patrocini-
um. Tanta enim uerò sunt, Eminen-
tissime Princeps, officia, quibus me de-
vinxisti, an exol-
visti? ut ingratus omnium omnino
vive.*

visuerem; nisi votivam tabellam, quam
semper humeris fero, cunctis ostenderem.
Beneficio de se maximo illud non leve
pondus addidit, quod non in immerentem
modo, sed etiam in omninò ignotum con-
tulisti; quem enim ne de facie quidem
noveras, erexisti jacentem, Solis more
aquè fastigia montium, ac depressas
vålles collustrantis. Erit igitur leviden-
se hoc munus, accepti beneficii, grati ani-
mi, perpetua observantiæ monumentum
areperennius. Nunc dignitatis tuæ am-
plissima, familia nobilissima, integerri-
ma vita decora persequi supersedeo; ne
cogam te erubescere plusquam in purpu-
ra; neque, dum nuncupatoriam medi-
tor, historiam, ac penè librum ingrediar
laudum tuarum; quibus nemo omnium
parem unquam afferet stylum, ita ut
non indicta esse videantur. Quamvis
in legendis Aloysii virtutibus multa
etiam Tibi sit memoria occursura virtu-
tum tuarum; quarum nec numerus ob-
strepit

strepit magnitudini; nec numero magnitudo. Ut ad augendam dignitatem tuam nihil omninò jam supersit, nisi ut tanta demum virtus, quod publicum jam omnium votum est, in Vicario Divinitatis solio aliquando consistat. Illucescet sanè, Princeps Eminentissime, dies, cū orbis latitia sua minor, ad tuos pedes pronus accidet. Tunc profectò sentiet Aloysius feliciorē patrociniū tui umbram ne, an Lucem? cum, plaudente terrarum orbe universo, reddes Aloysio Apotheosim pro Patrocinio. Ita voveo
Eminentie Tue

Addictissimus, atque Obsequen-
tissimus servus

Andreas de Puteo.

AMICO LECTORI

A V T H O R.

SUPER Operis hujus instituto, consilioque, quid sentire, Lector amicissime, debeas, commodius non potes, quàm ex ipsa scribendi ratione intelligere. Ingressus nono ab hinc anno Siciliam, lustransque de more Provinciam, vix Saccam Oppidū, Aquis Selinuntiis, & Divi Caloceri præsertim celebre Thermis, attigeram; cū quidam Collegii ejus Sacerdos defert ad me icunculam P. Aloysii La Nuza, à qua illum referri affirmat in paucis; nec non patrata prodigia: Et hæc, inquit, tua est. Nam eam Rector, qui diem extremum paucis ab hinc mensibus hic clausit, tibi legavit. Accēpi in manus, exosculatus sum, veneratusque, & semper mecum habui; & cum sederem scribens, aut legens, etiam in conspectu. Notus erat mihi Vir Dei, dum Neapoli degerem, Sanctimonie fama, sed vel languida, vel confusa; qualis esse solet audientium, vel videntium è longinquo: verū cum ejus præclarissima gesta, virtutes eximias, miracula frequentissima creberrimis viderem usurpari sermonibus; cum audirent singula; cum oculatos testes exciperem; videremque ferè omnium omnes, non sine animi sensu, de eo esse sermones; in ejus studium vehementer exarsit; addidique currentibus stimulos, ut ejus vitam quàm celerrimè scriberent, ederentque in lucem, ad omnes Provincias, maxima earum voluptate, compendioque transmittendam. Eadem omnium mens erat, idem votum, idem conatus, exitus tamen nullus; & post annos multos, laboresque

non-

nonnullius non poenitendos, vix lapides, & coe-
menta ad operosam ædem extruendam erant in-
promptu. Tunc enim verò mecum tacitus dolui,
quòd adhuc alios annos vir ille sanctissimus latita-
turus esset in tumulo; & nescio quo æstro percitus,
operi manum admovi; cumque viderem uberius, si
unquam fluere calamum, & intra biduum fustum,
ab illo, quod ab eodem vix intra bimenfem ingenii
mei tenuitas, vel sterilitas impetrasset; mecum re-
putavi, hoc voluisse donum illud posthumum, inex-
pectatum, ignoti ad ignotum, qui se nunquam vi-
dissent: scilicet homo Dei icuncula illa meum oppi-
gnerans calamum, hoc à me quantulumcumque ex-
pectabat obsequium: perrexi, semper obsequentiore
expertus calamum: intra duos menses opellam abso-
lui. Hæc suscepti operis occasio; hæc ratio festinati
per subsceivas horas laboris. Verùm præfervidum,
illum impetum, & celeritatem scribendi, injecta
mihi alia mente, cohibui; ne in vulgus ederem,
quæ tam citò scripsissem: officio scilicet, ac rationi
congruentius duxi; si scriptionem usque eò preme-
rem, dum eadem felix Regio, quæ Aloysio gloria-
tur suo, ejusdem etiam vitam jure suo prius Luci
donaret. Prodiit nuper nunc Italicè Aloysii vita, à
suis Siculis adeò benè fusèque scripta; ut superva-
caneus meus hic labor videri jam possit nisi Heros
ille; pluribus linguis commendandus, ad plures
Provincias ea possit permeare lingua, quæ trans
montes ferat, qui consuetos virtutum terminos
prætergressus præclarissima edidit semper facinora.
Aloysium scripsi Aloysii Sociis; illis quod ipso au-
thore feci gratissimum fore non dubito; meque om-
ne pretium operæ cumulatisimè tulisse arbitror; si
Aloysii virtutes non suspicere modò, verùm etiam
imitari studiosè pro se quisque contendant.

*Carolus Paladinus Præpositus Provincia-
lis Societatis Iesu in Regno Nea-
politano .*

CVM Vitam P. Aloyfii La Nuza è Societate Iesu, à P. Andrea de Puteo ex eadem Societate Latinè scriptam aliquot è Societate recognoverint; & in lucem edi posse probaverint: nos potestate nobis facta à R.P.N. Io: Paulo Oliva Præposito Generali, facultatem concedimus ut Typis mandetur; si ita jis, ad quos librorum approbatio spectat, videbitur. In quorum fidem has litteras manu nostra subscriptas, & Sigillo Societatis nostræ munitas dedimus. Neapoli die 4. Mensis Ianuarii 1679.

Carolus Paladinus:

Locus † Sigilli.

In Congregatione habita Coram Eminentissimo
Domino Cardinali Caracciolo Archiepiscopo Nea-
politano, sub die IX. Martii MDCLXXIX. fuit di-
ctum, quòd R. P. D. Thomas Caracciolus Casinen-
sis videat, & in scriptis referat eidem Congrega-
tioni.

F. SCAMEGATA VIC. GEN.

Joseph Imperialis Soc. Ies. Theol. Emin.

EMINENTISSIME DOMINE.

Librum inscriptum: *Vita P. Aloysii La Nuzza*
S.I. auctore R. P. Andrea de Puteo ex eadem Socie-
tate ex commissione E. V. à me accuratè re-
visum, utpote probitati, ac rectæ Fidei confor-
mem, imò pietatem undique redolentem ad fide-
lium ædificationem Typis dignum censeo. Dat. in
Monasterio SS. Severini, & Sossii die VIII. Martii
MDCLXXIX.

D. Thomas Caracciolus Cas. Dep. ac S. Off. Consul.

In Congregatione habita coram Eminentissimo
Domino Cardinali Caracciolo Archiepiscopo Nea-
politano sub X. Aprilis MDCLXXIX. fuit dictum,
quòd stante supradicta Relatione Imprimatur.

STEPH. MENAITUS VIC. GEN.

Joseph Imperialis Soc. Iesu Theol. Emin.

ECCELLENTISSIMO SIG.

Il P. Andrea da Pozzo della Compagnia di GIESU espone à V. E. come desidera fare stampare *La Vita del P. La Nuza*: perciò supplica V. E. commettere la Revisione di essa à chi le parerà, e l'haverà à gratia, ut Deus.

R. P. Hieronymus Gavitellus videat, & in scriptis referat.

GALEOTA REG. CARRILLUS REG. VALERO REG. CALÀ REG.

Provisum per S. E. Neap. die 24. mensis Octobris 1678.

Mastellonus.

EXCELLENTISSIME PRINCEPS.

Vitam P. Aloysii La Nuza à Societate Iesu ab Admodum R. P. Andrea de Puteo affabrè conscriptam vidi, legi, probavi. Nihil continetur in ea, quod Regiæ Iurisdictioni, integerrimis moribus, ac sanctis Augustissimæ Fidei Placitis adversetur. Quin Christianæ etiam Reipub. non parum arbitror profuturam; cum tam Præclari Auctoris Stylus ingens sit stimulus ad Pietatem. Proinde censeo eiusmodi Vitam esse Typis, ac luce dignissimam.

P. Hieronymus Gavitellus à Societate Iesu.

Visa supradicta relatione imprimatur; & in publicatione servetur Reg. Prag.

GALEOTA REG. CARRILLUS REG. VALERO REG. CALÀ REG. SORIA REG.

Provisum per S. E. Neap. die 8. Martii 1679.

Mastellonus.

PRO-

PROTESTATIO

AVCTORIS.

CVM Sanctissimus Dominus Noster Vrbanus Papa Octavus die decima tertia Martii anno MDCXXV. in Sacra Congregatione S. Romanæ, & universalis Inquisitionis Decretum ediderit; idemque confirmaverit die quinta Iulii anno MDCXXXIV. quo inhibuit imprimi libros hominum, qui Sanctitate, seu Martyrii fama celebres è vita migraverunt, gesta, miracula, vel revelationes, seu quæcumque beneficia, tanquam eorum intercessionibus à Deo accepta continentes; & hætenus impressos nullo modo vult censerì approbatos. Idem autem Sanctissimus die quinta Iunii MDCXXXI. ità explicaverit, ut nimirum non admittantur Elogia Sancti, vel Beati absolutè, & quæ cadunt super personam; bene tamen ea, quæ cadunt supra mores, & opinionem, cum protestatione, quòd jis nulla adsit auctoritas ab Ecclesia Romana, sed fides tantum sit penes Auctorem. Huic Decreto, ejusque confirmationi, & declarationi observantia, & reverentia, qua par est, insistendo; in ipso historiæ aditu profiteor me haud alio sensu quidquid in hoc libro refero, accipere, aut accipi ab ullo velle, quàm quo ea solent, quæ humana dumtaxat autoritate, non autem Divina Catholicæ Romanæ Ecclesiæ, aut Sanctæ Sedis Apostolicæ nititur: jis tantummodo exceptis, quos eadem Sancta Sedes Sanctorum, Beatorum, aut Martyrum Catalogo adscripsit.



LIBER PRIMUS.

C. A. P. V. T. I.

Aloysii natalis, & pueritia.



LOYSIVS LA NVZA ;

cujus gestorum epitomē
scribere aggredior , vir-
tutum numeris omni-
bus exemplar absolutissi-
mum ; Innocentia An-
gelus , Ministerio Apostolus , Prodigis
Thaumaturgus , natus est Alicatæ in Vrbe
meridionali Siciliae ; cui honestandæ præ-

gibit

A

ter

ter alias naturæ dotes, accessere sacra
 Angeli Carmelitæ lipsana; ut felicissima
 Vrbs, quæ unius fuerat Angeli hospita,
 esset & alterius Angeli patria. Editus est
 Felix puer in lucem anno salutis MDXCI.
 quo scilicet anno alter Aloysius Gonzaga
 evolavit ad superos; vera tunc fabula:
*Vno avulso, non deficit alter aureus, &
 simili frondescit virga metallo.* Uterque
 ALOYSIUS, uterque clarissimus genere;
 ut enim Gonzaga familia per se nota sa-
 tis est; sic ad LANUZÆI generis commen-
 dationem innuisse sit satis, Ioannem La
 Nuza ALOYSII Patrem, Nepotem fuisse
 celeberrimi illius Ioannis, à quo & no-
 men duxit, qui per annos undecim prò
 Philippo primo Rege Siciliæ præfuit; u-
 terque Societati IESV nomen dedit; hoc
 uno inter se dissimiles, quod alter penè
 adolescens occubuit; alter natu grandis,
 ostendit, quò in animorum salute pro-
 curanda evasurus fuisset, si vitam produxis-
 set Gonzaga ALOYSIUS. Susceptum ex Le-
 andra

andra Spina, quæ ante Francisko Figue-
roa nupserat, ALOYSIUM Ioannes parens
militum more, nusquam consistentium,
sed quò necessitas, iussa, spes, glo-
ria vocat, accurrentium, secum aspor-
tauit in Hispanias è lacte recentem. A-
dolescenti jam sensim ALOYSIO sedulus pa-
rens idoneum morum, primæque litera-
turæ magistrum adlegit, cuius industriæ
& laboribus, supra spem præceptoris, re-
spondebat ALOYSIUS: nec sine Numinis
providentia factum est, ut unus ex ho-
norariis famulis ei ætate suppar, etiam
num superstes, prodiderit quæ in illo Hi-
spaniensi recessu gesserit adolescens. Is
miratus primùm egregiam La Nuzæ in-
dolem, maturamque virtutem, post etiã
imitatus, sacro Discalceatorum Augu-
stinianorum cætui nomen dedit; te-
stisquæ locupletissimus affirmavit, ALOY-
SIUM innocentiam, quam è sacro Fonte
hauserat, intactam, illibatamq; servasse.
Ejus ludj, altariola extruere, concionato-

res imitari, sacros ritus inter pueros inducere; et, indole supra ætatem matura, pios libellos volutare, divinas laudes percurrere, amare recessum, egenis opem ferre, vitare compita, strepitum, atque frequentiam, & quod mirere magis, quodlibet verbum non modò ad prudentiæ trutinam, sed etiam ad pietatis lances expendere, toto denique corpore sanctimoniam præferre.

His ditabat exemplis ALOYSIUS Casaraugustam, quam Tarraconensis Regni facile Principem majores ejus, præclarissimè gestis, & exercendæ justitiæ perpetuò ejus familiæ munere attributo reddiderant clariorem; cum Ioannes Parens invitatu Ducis Feriæ in Siciliam proficiscentis, coactus est Prorègem sequi cum filio. Non minus veteris amici contubernio, quam ejus filii indole delectatus est Princeps; utrumque ad mensam adhibens. Vbi Panormium attigit, collata in Ioannem Parentem pedestris militiæ præ-

fectura, voluit videre Aloysium Parentis signa sequutum in statione militum; quem expertus in itinere fuerat Eremiticam. Nec defuit his etiam partibus delicatulus miles: videre erat illum militari cultu sub signis incedentem inter æquales onustum sclopo, ense præcinctum, insignem baltheo, pinnis, cristisque superbum, omnia munera sic obire, ut veteranum aliquem militem crederes, si militaris accessisset licentia, qua jam pridem ablegata, etiamnum in castris novus miles; *Permanebat in innocentia sua*. Quo spectaculo, tum Panormitani Proceres, tum ipse Prorox mirifice recreabantur. His scilicet crepundiis sanctiori præludebat militia Aloysius; quem jam inde ex egregiis ducibus unum per Ignatii Lojola vestigia sibi destinaverat DEUS.

DIVINÆ menti jam tum sibi Aloysium adoptanti, Ioannes Parens nescius serviebat; nam seu ratus militem non dede-
cere

cere literas , seu sperans filium eò
perventurum calamo , quò se ipse gla-
dio sustulisset , nactus egregium virum
Petrum Gravinam , quem à Præsule
Panormitano impetravit, extractum è Se-
minario , præceptorem literarum , eun-
demque morum magistrum dedit ALOY-
SIO , undecimum jam annum agenti ;
quem deinde è Magistro comes , sequen-
tus est in Societatem. Par hoc cum Sicilia
quanta quanta est, quæ certè maxima est, mini-
mè caperet , retento in Insula ALOYSIO , in
novas Hispanias Gravinam in salutem
gentium ablegavit . Eò præceptore di-
vinis commentationibus animum exer-
cebat ; frequens obibat sacra Templum ;
divinisque mysteriis , ea animi delecta-
tione delibutus , intererat ; ut lacrymas
tenere non posset , quas uberius quàm
par erat manantes , nec sine oculorum
periculo (quod & S. Ignatio ejus paren-
ti contigerat .) P. Hortentius Scammac-
ca , qui ei erat à confessionibus vix co-
hibuit ,

hibuit, vetans, ne preces ultra quadrantem extenderet ad clepsydram lacrymarum; jubensque ut, exceptis sanctioribus quibusdā diebus, quibus uberiores fletum indulgebant, siccas ceterum preces effunderet.

DEDOLATUS privatis Scholis, publicis est traditus Societatis nostræ gymnasiis. Deducebat, reducebatque Ephebum suū Gravina, veritus ne quantum scholarum frequentia addebatur literaturæ, tantundem virtuti detraheretur. Diei primitiæ Deo dabantur; primas preces domesticum studium excipiebat; appetente prælectionum tempore, aditus in lyceum erat per Templum, ubi adorato Numine, petebat secundum virtutes, ab illo totius scientiæ fonte, etiam profectum, in literis; ingredientem in scholam armabat oratio; egredientem divini sacrificii muniebat aspectus; &, ne iter ipsum pietate fraudaretur, aut studio; vel colloquendo de divinis rebus, vel particulis Tursellini lectitandis, conficiebatur:

idem

idem omnino post prandium ordo ; nisi quod orationi è strato surgentis respondabat, euntis cubitum conscientiae, latebrarumque animi sui exploratio. Hoc vivendi modo, gliscente passim Gonzagæ Beatæ recens adscripti recordatione, B. ALOYSII sibi nomen conciliavit, cujus & lectitabat attentissimè gesta, & adeò exquisitè mores imitabatur, ut rogatus interdum, cur hoc, vel illo modo se gereret? syncerè responderit: Quia eodem se suus gesserat Gonzaga Aloysius. Tanta in adolescente virtutum, studiique contentio vividos illos spiritus, amaranq; indolem aliquantum contuderat; Hinc illè Parentis non penitus rem introspectientis, querelæ: Velle se filium doctum, cultumque virtutibus; sed equitem, sed aulicum, sed eum, qui meminisset se militis filium, ejusque, & animi, & stipendiorū hæredē; qui equitū in morem, relaxaret ex intervallo animū luderet cum aequalibus, exerceret se venatione, equitando,

do , misceret demum ludicra feriis , si ab his se nollet omninò abstrahi . Territus est primò his dictis puer ; mox DEO authore , didicìt , posse parentem facile flecti , posse etiam piè falli , & lucri loco habere dare aliquid , ut totum auferret , dare plenam manum , modò sibi cor integrum traderet . Paruit momenti DEO , & appetente tempore , quo Pater domum se ab obsequiis Proregis recipiebat , piè ingeniosus puer sumptis gladiis hebetibus adeò impigrè , adeò alacriter conferebat manus , & strenuè , ut non exercere cum lanista gladiatoriam in umbra , sed cum hoste digladiari videretur in campo , incredibile voluptate Parentis , qui videret filium adeò equestribus muniis aptum , adeoque suis nutibus obsequentem .

Nec à piis hisce dolis abstinuit absente patre ; à quo profecto cum Prorege Messanam pretiosas vestes accepit , quò festivis resurgentis Domini feriis cultior ap-

pareret . Adolescens , seu ut Patri quàm
citissimè gratificaretur , seu quod sequu-
turum inde erat persentisceret , seu quid
animo aliud volueret , certè præter mo-
rem (assuetus enim erat neglecto cultu
incedere semper , & tritas , lacerasque af-
fectare vestes , & quando aliud non esset
integrum , pallium , quò derideretur , præ-
posterè induere) tunc holosericarum ve-
stium cultum auxit torque aureo , aliis-
que munditiis exquisitis , quà muliebri-
bus , quà militaribus ; in eumque modum
ornatus , sacra patientis Christi hebdoma-
da scholarum ingressus est atrium . Dum
eum spissa circumstat juvenus , mirata ,
collaudansque incuriosi antehac adole-
scentis cultissimum apparatus ; ecce tibi
quidam è nostris disciplinæ severioris se
se inferens in coronam , Aloysiumque
rectà petens : Heus tu , inquit , ado-
lescens comptule , sic parentatur extin-
cto DEO ? non hæc ista sibi tempus spe-
ctacula poscit ; quid cristis auro revin-
ctis ,

etis , gemmisque distinctis , cum corona Servatoris spinea ? Quid aureo tuo torqui cum vinculis , catenisque ferreis , quibus & adstrictus , & verberatus est indignissimè noster Amor ? Si sapias , pone lacinias , sume lacernam , & pro aureo torque restem allis contextam in collum , injice , sicque ornatus redi in Theatrum . Dictum , factum ; remeat ALOYSIUS domum , positoque monili , torquem alliarum collo circumdat ; eoque habitu redit in atrium . Auctor facti , stupefcentibus omnibus , & ipse miratus tantam sui in Adolescente victoriam , detracto è collo torque ridiculo , capit dicere ad alios de ALOYSIO ; qui tam egregio facinore , viam sibi ad Societatem munivit , quæ candidatos suos hujusmodi probare consuevit experimentis ; ut alumni sui *Extra Mundi castra exeant , improprium Crucis portantes* ; Quod quo pacto contigerit , referendum est in præsentem .

CAPVT. II.

Quis fuerit Aloysius cum Societatis ageret Candidatum.



IX annum quartum suprà decimum attigerat Aloysius, cum Parente optimo, & amantissimo orbatus est: accessit ad cumulum doloris Præceptoris profectio in Hispanias, quas vocant Indicas: gemino hoc ictus acerbissimo vulnere, & destitutus præsidio, totum se credidit DEO. Hactenus de illo memorata, idea maturæ sanctitatis videri posset ulteriora ignoranti; inquirenti in illa, crepundia appareant necessè est. Lethale vulnus ex acerba Patris jactura acceptum illud unum lenire potuit, quòd exinde sui juris, hoc est divini, facto satis esset, si sua vitæ ratio uni DEO constaret,

ret, quam, eo vivente, necesse erat cum multis esse divisam. In posterum victus, vestitus, incessus, studia, mores, animus, modò uni arriderent DEO, nihil esse cur de jìs alienum ingeniù, atq; arbitriù moraretur. Igitur relictus sibi ALOYSIUS, eam vivendi, rationem iniit, quæ vel esset præludium ad vitam in claustris traducendam, quò sibi à DEO revocari videbatur; vel si id non assequeretur, posset cum eo vivendi genere decertare. Iussis res suas habere terrenis omnibus; clam, quoad ejus fieri poterat, P. Petro Villa-fratres, qui sodaliti-um Parthenicum Adolescentium regebat, sub Deiparæ sine labe conceptæ nomine in Panormitano Societatis IESU Collegio, se præbuit excolendum. Ad primas de brevitate vitæ, de gravitate peccatorum, eorumque acerrimis, ad lancinandam sub exitum vitæ conscientiam, morsibus, commentationes; quas suæ conversionis initium perbellè vocabat, se se contulit ALOYSIUS; ex inde
pre-

preces antè aram maximam prolixa
 attentæ, adeòque ignitæ, ut Eucharis-
 ticæ dapis Angelus diceretur à mul-
 tis; & in Templo quidem veritus plau-
 sum; adducebat habenas, quas domi
 laxabat; ea animi contensione, ut cor-
 pus etiam fursum ferri videretur: vi-
 sus est enim sibi non nemo videre eum
 de terra sublimem; sed veritus ocu-
 lorum præstigias, ratus minimè in pue-
 rum illum sanctimonix coronidem ca-
 dere, qua maximos quosque Sancto-
 rum Deus cohonestat; atque etiam num
 subdubitans, suspenso gradu, suppresso-
 que quantum poterat spiritu, accedens
 propius, facturus rei periculum, inte-
 rieccta manu orantis inter poplites, su-
 bjectamque humum, dimensus est quan-
 tum Aloysius emineret à terra; hæsit,
 que non sine sensu lætitiæ attonitus
 prodigio.

VERUM longè altius quàm è terra cor-
 pus, ejus animum à terrenis omnibus

DEUS

DEUS abstraxerat. Quin etiam à corpore ità abduxerat, ut qui ejus moderabatur conscientiam, ejus valetudini, vitæque consulens, ne ultra horam orando perseveraret, interdixit: paruit obsequentiſſimus Adoleſcens, ità ut hora tranſacta non ſurgere, ſed divellere fixa humi genua videretur; mirum erat idem corpus, quod antea conſueverat ſe tollere ſpontè humo avium more, modò ità hæreſe, ac ſi eſſet clavus adactus malleo: & quoniam inaudierat, *Bonam eſſe orationem cum jejunio*; pares illi corporis afflictationes adjungebat aſperrimas; mira, quæ illi cum aliis fuere communia, crebra jejunia, veſtes cilicinæ, innocentium artuum ſæviſſimæ verberationes; levitatem etiam illa, licet nova, micæ panis, menſæ analeſta, ingerere humeris; ut leviffimorum corpusculorum attritu affligeretur incedens, & non modò *Veſceretur in ſudore vultus ſui*
pane

pane suo ; verum etiam illum in dolore portaret ; refertos calculis , & lapillis induere calceos , in quo ducem cognominem suum ALOYSIUM habuit. Illud suprà vires , suprà ætatem , & penè suprà fidem , quod labiis humi fixis , & terra , ne mente , atque ore excideret , mordicùs apprehensa , tam longas ducebat moras , ut computrescerent dentes , atque deciderèt ; in quo Franciscum Borgiam veteranum illum militem plurium palmarum , Tyrunculus ipse felici ausu , parique exitu est æmulatus .

Ad retundendum animum , ab afflicto jam , compressoque corpusculo gradum faciens , orabat enixè Præceptorem , quem sibi ingenii præstantia , morumque suavitatè devinxerat , ut se coram aliis verbis acerbìus habitum flocci faceret , & tanquam alicujus criminis reum , verbis increpitum , verberibus afficeret ; quòd cum non impetraret , ut erat ingeniosus in poënis suis , scriptionem alio-
qui

qui optimam, tot lituris, maculis, atramentique defluviis conspurcatam ferebat; ut vel ab invito præceptore reprehensiones extorqueret, & verbera.

His passibus, quibus in aliorum contemptum, atque ludibrium venire se posse arbitrabatur, eò evasit existimationis, & admirationis, ut eum æquales sui venerarentur; majores natu mirarètur, atque suspicerent, imitarentur aliqui, omnes prædicarent, seque eo præsentem ad modestiam, pietatemque componerent; si qui fortè præter modestiam sermo versaretur in ore, quod adolescentes adveniente præceptore faciunt, extemplo abrumpere! His etiam gradibus sibi ad Societatem viam aperuit, & munivit; cujus capessendæ tanto flagrabat ardore, quæ acquisita tanta perfundebatur lætitia; ut id tantum loqui, id sapere videretur, id exquisitissimo titulo appellaret Cumulum gratiatum; dicebatque in eam ut admitteretur se multis lacrymis impetrasse; in

eadem ut moreretur , assiduis precibus impetraturum ; de ea tam ardentem loquebatur , ut alios ad eam impelleret . Ipse verò ad IESUM ejus ducem , Dei-
paramque Patronam accurrit ; quorum tanto æstuabat ardore , ut utriusque iconem pectori semper ferret applicitam , dexteræ quidem parti Filium , sinistra Parentem : usurpabatque illud Augustini : *Hinc lactor ab ubere , hinc pascor à vulnere* ; Et par illud nobile , gaudebat cum Sponsa , inter ubera sua commorari , non tamen velut myrrhæ , sed benevolentissimorum florum fasciculum . Et licet inter utrumque curas , amoremque divideret ; nescio quo tamen pacto magis rapî videbatur à Virgine , veritus fortasse ad Iudicem sine advocata accedere . Hinc est , ut rogatus , cur caput ad lævam inclinatum semper ferret ? responderit , ut propius ad amantissimam parentem exosculandam accederet .

INTER

INTER tot pietatis officia , literarum studia minimè negligebat ; & politioris literaturæ , cui per biennium navavit operam , specimen dedit egregium ; cum de patientis Christi tormentis tam aptè , tam concinnè , tam ardentè dixit in Patrum corona ; ut in orationis calce ad Christi de Cruce pendentis imaginem , quam sinistra tenebat , versus , causam suam obortis uberrimis lacrymis peroraverit : cum ergo , Religiosorum vitam Ascetæ veteres cætum Crucifixorum nuncupent ; rectè partes suas cum Crucifixo , idoneo scilicet iudice egit .

VERUM ante quàm Societatem intraret ; ne sine spoliis ad prædatricem animorum accederet ; honorarium illum Ephebum , quem superius commemoravi hispanicæ professionis comitem , ex honestæ vitæ digressum tramite , durius objurgatum , ad meliorem frugem redegit ; eoque in discalceatorum Augustinianorum cætum præmisso , futuro

suæ Sanctimonix testē ; ipse ad Societatem Iesu accessit ; ut DEO vocanti pareret ; suamque , à fluxis rebus procul , animam in tuta statione collocaret .



CAPVT. III.

Aloysii Ingressus in Societatem Iesu .

ODEVICESIMVM jam agebat annum ALOYSIUS ; cum non longiùs cunctandum , ratus , atque in rem conferendum quod diu animo concoxerat ; P. Iacobum Domenici Siculæ Provinciæ Præpositum accedit . Huic omnem mentem , desideriiq̃ summam denu- dat : qui maturæ deliberationis auditis , ac pensatis rationibus ; non animum dumtaxat , sed totum ALOYSIUM approbavit ; eumque inter Iesu Socios , non sine omnium consensu adlegit . Quare in celeberrimum Messanæ Tyronicium , decimoquarto Kal. Martias MDCIX. à P. Hieronymo Lombardo tunc temporis cætus præside excipi-

cipitur; ut ibi futuræ Sanctitatis ponat fundamenta; ubi locus ipse; cui non sine Divino consilio Tyroni nomen; in confinio, atque editiori urbis parte positus, & ab urbis frequentia seiunctus, nescio quid cælestibus sedibus simile spirare videtur.

In ea igitur Sanctimoniarum officina, nihil difficile, nihil novum, nihil adeo asperum reperit Aloysius, quod antea domi suæ non tentasset uberius. Quamobrem quem contemptus sui, corporisque afflictationum nunquam saturum vidimus; eundem Sanctioris vitæ viam insistentem, cruciatuum omnium heluonem fuisse, omnes ejus focii, præsertim verò Magister affirmat. Et quidem quæ de Loricatis, & Sufonibus, non sine horroris admiratione prædicantur, exhausisset omnia, si quis ea illi largiùs propinasset. Verùm sapiens Tironum institutor delicato adolescentulo, & in hujusmodi lanienas plus

plus iusto , dum sui juris esset , effuso ;
 contrahendas omninò duxit habenas ; qua-
 re victus illi lautior , somnus largior , la-
 bores mitissimi , cruciatus , qui corpus
 vellicarent potius , quàm aut læderent ,
 aut ferirent . Brevi tamen totum illud
 præservidum ingenium , totus ille natu-
 ræ vigor ità elanguit , ut qui eum tunc
 primò nosset , bardum crederet , & è
 lethali morbo recentem . Hære lingua ,
 nec aptè , expeditèque profari , fluctuare
 vestigia , & tam parum sibi corpore ,
 animoque esse præsentem , ut remitten-
 dus videretur ad suos . Quod ab jis no-
 tatum velim , qui satis validum collum
 ad religiosum jugum ferendum , afferre
 se putant , si voluntariis illud mace-
 rationibus antè subegerint , quos deinde
 in medio videmus cursu deficere . Scilicet
 libertas adeò valente est stomacho , ut
 cætera omnia concoquat , præter servi-
 tutem : Hæc una est , quæ sensim , &
sine sensu vires debilitat , & vitæ ner-

vos succidit. Hæsitque diu lateri ejus hæc lethalis arundo, qua magis, quam à morbo cruciabatur, metus ingens scilicet, ne à Societate dimitteretur velut ineptus.

Iamque conclamatum erat de ALOYSIO; & parum abfuit, quin futurus ille ductor populorum extingueretur incunis; nisi periculo maximis remediis; ac tempestivis fuisset occursum. Sed ex uno morbo recens ALOYSIUS, incidit in alterum longè peiorem, præ quo mors illi jucunda fuisset, & salutaris. Fuit scrupulorum molestia, qua qui eam passus est, sanctè affirmat nequiores excogitari non posse. Verum, ut Ignatium ejus parentem, ita & ALOYSIUM per æstus, fluctusque sollicitudinum per conscientie stimulos consciètiarum arbitrum DEUS concinnabat egregium.

DIGRESSUS è Tyrocinio ad studia literarum, locum tantum, librosque mutavit, eadem omninò vivendi ratione retenta, eoque aucta, quòd antea solis con-

conspēcta parietibus, mox utilis jis omnibus, qui eam aspicerent. Modestia eadē, qua apud scholasticos B. Aloysii Gonzage nomen sibi vendicabat, idem in servandis minimis quibusque legibus rigor, atque constantia, idem conatus ad virtutem, eadem omnino omnia cum accessione, tamen eorum, quæ facultates rectè, ritèque perceptæ conciliant. Hinc tantus in domesticis ad mensam concionibus ardor, & ad commovendos animos aptitudo; ut constans fuerit prudentium sensus; si singulis quibusque mensibus ad nostros diceret inter cœnandū Aloysius, satis id, superque fore ad maxima quęque Collegia in officio, & sanctimonia retinenda. Nec minor vis in privatis colloquiis, & in publicis reprehensionibus, quarum est in Societate frequentissimus usus: in quo genere unum tantum, quod Divinum quid admiscet, aperiam.

Sua quidem errata scripserat, & petierat à Rectore ea ad sui spiritus profectum

D

ctum

etiam publicè legi ; quem morem à primis usque Societatis temporibus habemus in-
vectum ab Ignatio . Demandat is duram
eam Provinciam ALOYSIO , qui alacriori
animo eorum scriptor esse malit , quàm
lector . Invitus paret ALOYSIUS ; Vbi le-
git , expenditque , illud adjecit : Incum-
be frater carissime in emendationem to-
to pectore ; aliter enim abscondit se
DEVS , & *Exiit de Templo* . Quibus
auditis , mussitare omnes , secumque con-
trariis pugnare momentis . Ex una enim
parte nihil in eo apparere , in quem
infaustum illud omen cadere videretur ,
ex altera verò non ex nihilo verbum
illud ALOYSIO , fausti potius semper omi-
nis aliti , & omnia ex se ipso in me-
lius interpretanti excidisse . Verum omi-
ni respondit eventus ; nam miserculus
ille deficiens intra paucos menses , ab-
scondente se DEO , suosque radios sub-
trahente , exiit de Templo . Præpro-
perum videri possit , prophetiæ donum

in adolescentem collatum ; non con-
templanti in ALOYSIO quoddam virtu-
tis senium ; ut optimè sapiens : *Sene-
ctus est venerabilis , non annorum
numero computata ; cani autem sunt
sensus hominis ;* id fiet planum enu-
meratis paucis , iisque honorificentis-
simis maximorum hominum de ALOY-
SIO etiam num adolescente iudiciis. Qui
ejus regebat conscientiam , omnesque ani-
mi fibras , ipso ducente , seseque penitis-
simè denudante ; lustraverat , disertè af-
firmavit : ALOYSIUM LANVZA ad perfectio-
nem velis , remisque contendere , licet re-
flante sèper vento : Cui alter vir Sanctissi-
mus concinēs affirmavit : ALOYSIUM ire fun-
ditus dejectum honorem suum , seque
in hominum existimatione omnino per-
ditum. Adeò in sese deprimendo assiduus
erat , & sedulus , idque tanta sagacitate
præstabat , ut plerosque fefellisset ; nisi
ejus famæ consulens DEVS , cui ille
gratificaturus eam dilapidabat , mon-

stra vertisset in bonum , & per eadem ,
quę sibi impingebat probra affabrè admo-
dum concinnata , tantum illi existimatio-
nis apud domesticos , & auctoritatis con-
ciliasset ; ut omnibus venerationi esset ,
omnes ejus verba sitientes biberent , ad-
notarent , interpretarentur ; putantes , ora-
culorum more , plus ea in recessu claudere ,
quàm in fronte portenderent.

HINC etiam tanta in ejus sanctimonia-
spes ; ut , ejus precibus nihil denegandum
à DEO arbitrati , ad eas in rebus despe-
ratis , confugerent . Id quod Drepano
cum suis Collegis , iter facienti conti-
git : nam dum concubia nocte per præ-
rupta errarent ignari viarum devii , dubii-
que qua arte , aut viam invenirent , aut
territos equos regerent , ALOYSII se
precibus commendarunt ; quo dicto
velut Angelo viæ duce implorato , re-
giam se injisse viam , & terminum
jam tenere sentientes , ALOYSIO gra-
tias læti omnes egerunt . In quo
gene-

genere essent de ALOYSIO multa dicenda : fuit enim illi familiaris , & frequens nimis ex vero prædictio , & prodigiorum patratio , de quibus erit suus dicendi locus : hic in eorum gustum , præcoces tantum fructus attigimus : Cujusmodi est etiam illud cum pueros doceret ; eorum cum quemdam plus justo procacem ; indocilemque videret , ait : præclare cum illo actum iri , si eum DEVS è vivis ea tempestate tolleret . Brevi sublatus est , & festinata ejus mors ad æternam vitam comparandam ALOYSII precibus fuit adscripta : orabat enim quotidie pro singulis , omnesque descriptos habebat , in suasque distributos classes ; ut quod quenque destina- ret , exploratiùs haberet , & semper ferè præ manibus . Hinc ejus Lyceum religiosorum cætuum , præsertim Societatis seminarium fuit , Nec minore cura , & solitudine profectum in literis exigebat ; nullus sine linea quadrans ;

drans ; momentum nullum , quod non prælegendo , dictando , audiendo , arguendo , acuendo , corrigendo transigeret , si postremam pomeridianam Saturni semihoram idemas , quam dicendo de Deipara ad auditores suos suavissimè insumebat , fructu non prænitendo

Is fuit ALOYSIUS LA NUZZA Adolescens , Juvenis , Scholasticus , Ludimagister : rudi penicillo expressus ; rejectis in alium locum multis ; quæ hic etiam dicenda fuisset ; cujusmodi illud est , quod cum Junioribus nostris præesset Scholasticis , ex ejus ore extorserunt : imminere scilicet ab irato Numine grande supplicium ; eoque fore ut plerique omnes vexarentur ; quod paulo post funestum in modum contigit , sequuta lue , quæ grassata ferocius , universam propè Siciliam depasta est . Expiscandi autem oraculi ea fuit occasio , cum sese in triclinio , quod sæpius faciebat , acrius objurgaret ,
inter

inter cætera, DEO sic volente, illud exci-
dit: eò sese evasisse superbæ plenissi-
mum suæ gloriæ animal, ut semel sibi
visa esset Christi è Cruce pendentis effi-
gies loquuta disertissimè; quo au-
dito, constans fuit omnium sen-
tentia, illum cum DEO fami-
liarissimè loqui, adactum-
que ab eo nescientem,
misericordias in se
Domini cantare,
dum sibi con-
vicia cane-
ret.



CAPVTV IV.

Aloysius La Nuzza Concionator evangelicus.



ACTENVS, & si magna illa in se, & in aliis admiranda, in ALOYSIO tamen crepundia tantum sanctitatis adumbravimus; utinam gestis ejus par responderet oratio; haberent profectò exterę nationes, haberent posteri absolutissimum Heroem, veteris Sanctimonix specimen, jisdem depictum coloribus, quibus in universa nunc efflorescit Sicilia in oculis, in ore, in aure, in cultu, in effusissima commendatione, tam liquidis ex ejus recordatione voluptatibus haustis, ut huc accedentes, operę pretium se fecisse existiment, si quo loco fuerit in florentissimo hoc regno Aloysius oculis hauriant.

Equi.

EQUIDEM , non majore loco fuisse crediderim in Neapolitano Regno Realinum , hic Colnagum , in Hispaniis Alvarez Balthassarem , & Ludovicum de Ponte , & in Indiis Anchietam , atque Berzeum : Verum habent id sanctorum gesta , quod corpora ; utrorumque enim idem veluti fatum est , ut quemadmodum ex corporibus vix ossa supersunt ad venerationem populorum , absumpto sanguine , carne , visceribus , & tenerioribus partibus ; sic ex eorundem gestis , pleaque excidant , relictis ad venerationem , æmulationemque jis tantum , quæ eminent , solidissimis ; rursumque ut frustulis eorum contenti , grandia ossa non quærimus ; ità quales quales ALOYSII reliquiæ à me ex oblivionis subductæ tumulo , reponendæ sunt in Thesauro ; donec ejusdem gesta altiùs effodiantur , & in melioris scriptionis lumine collocentur .

IGITUR ALOYSIUS è profanæ literaturæ ,

E qua

quà addiscendę, quà tradendę emerſus ergaſtulo, Sacris Theologiæ ſtudiis alacriorę, ſi non attentiorę (erat enim ſemper ſibi ſimilis; nec quid, ſed quo authore faceret, cogitans) cępit navare operam . In iſque eos progreſſus fecit , ut ad ratam , firmamque ſeveriſſimi examinis aleam , ſacramento plurium interpoſito , dignus ſit habitus , qui , quę didicerat, in celebrioribus doceret Academiũ . Ad eam ita ſe contulit , ut Verbum , quod ea vel unicę , vel primò reſpicit , latitans in quæſtionum involucris invenerit ; ejuſque ſub pane , & vino deliteſcentis , conficiendi ritę myſteria poteſtatem ſic adeptus . Quo ille ſtudio , quo ardore , qua lacrymarum copia operaretur ad aras , alibi dicetur uberiũs . Hic locus moneret , ut ſacrificiorum ejus introſpiceremus primitias , utrumque tamen eodem hoc argumento conjicietur ; qui in menſa , qui in animi relaxatione , dum ruſticaretur in Villis , divino conflagra-

flagrabat amore, quanto in illā coniectus
fornacem amoris incendio exæstualet ne-
cessè erat? Vfus est præceptoribus Ioseph ab
Augustino, & Cæsare à Bosco altero Pro-
vinciis, altero florentissimis Panormitani
Collegii studiis regendis immortalis. Abso-
luto Theologiæ quadriennio, aliisque So-
cietatis experimentis expletis, XVII. ab in-
gressu anno in Professorum Templo, cui, &
laxitate, & accurrentium frequentia pro-
cerum celebri, & marmoribus minuta, ex-
quisitaque sculptura circumvestito, ditis-
simoque sacro cultu, celeberrima vo-
torum solemnium nuncupatio ibi ab
ALOYSIO edita addidit celebritatem; nec
temerè factum credimus, ut ibi maximè
ad sacerdotis pedes abiectus reddere Do-
mino vota sua videretur; ubi haud ita
multò post, sublimis è suggestu visurus
erat nec se capientem populum, nec
ab æde sacra captum, undantem, effu-
sum in plausum solidum, suspiria scili-
cet, & lacrymas, contusiones pectoris,

colaphosque sibi impactos, & quod antè prædixerat, eundem populum ad suum obitum cohonestandum complorantem, non funus, sed in triumphi Sanctis debiti, morem, lætissimè lacrymantem: adeò ut seu vivus, seu mortuus semper lacrymas excitaret, modò suæ sanctimonix indices, modò alienæ pænitentix testes.

MATURUM jam operi ALOYSIUM, & singulis muneribus parem, cum sibi exedræ, sibi præfecturæ certatim deposcerent, segregatus est tamen à suis Præfectis *In opus Evangelii*; non sine summo consilio: cur enim qui oculis, vultu, incessu, quod de quibusdam dicebat Ambrosius, toto denique corpore loquebatur, non etiam lingua, loqueretur? & qui visus tantum concionabatur (quod utrique Francisco Assisiati, & Borgia contingerat) non concionaretur auditus? Acumen præsertim ingenii cathedra exquirat; prudentia, & si
non

non tota ; maxima tamen pars est regiminis ; totum sibi hominem , totumque DEVM penitissimè haustum prædicatio vindicat ; nisi sit *Æs sonans , aut Cymbalum tinniens* , quod non adeò dedecet Præceptorem , à quo præsertim sonus exquiritur .

DEMANDATAM sibi cælitùs Provinciam ALOYSIUS suscepit libentissimè ; & promovit egregiè : abdidit se in Bibliothecas , libros perdius , interdum etiam pernox evoluens , pervolutavit Patres , lustravit interpretes , nullum scriptorum genus prætermisit , ex quo posset proficere ; tantamque sibi supellectilem concionatoriam comparavit , ut scripturum de arte uberrimè crederes , non dicturum ex arte brevissimè . Tanto apparatu tantaque sylva jam cæsa , acerrimi vir ingenii , & imprimis eloquens non est abusus ad pompam , nec masculos illos eloquentæ spiritus effæminavit in flosculos , sed amentatas hastas contorsit , & ful-

fulminā, quibus tonare, fulgurare, permiscere denique Orbem terrarum posset universum. Verum hæc quota pars apparatus? inventis jis, quæ dicenda essent, opportunè dispositis, rectè confirmatis, sufficienter ornatis, arte latente, prodente se spiritu, quo die sibi dicendum esset, surgens è strato sine libris, sine scriptis, omnique etiam, obseratis fenestris, intercepto lumine, ne posset ad illa recurrere, horas omnes dum suggestum conscenderet, orans transigebat cum DEO. Excipiebat longas preces flagellatio longa, quæ plerumque etiam concionem sequebatur. Post adoratum in Eucharistia DEUM, è tenebris prodibat in solem, exitu tantæ virtuti nunquam non respondente; loquebatur enim *Proit Spiritus Sanctus dabat eloqui illi*; Ejusque extemporaneæ, DEO dictante, eloquentiæ, abjecta prorsus scripta jam concione, testem productam locupletissimum; est

est is Petrus Spucces suo satis nomine sine Elogio notus ; huic demissionis non minus , quàm consilii ergo , cum concionibus , quas sacri adventus tempore anno MDCXXVI. Panormi habiturus erat , discipulum sistit se Aloysius ; rogat , ut benignè audiat , & attentè , severe discutiat , expungat liberrimè . Audit ille , cum præfatione honoris , libentissimè , gratificaturus scilicèt amicissimo , eidemque Sanctissimo homini non sine operæ pretio , quippè qui solus ebiberet , quod ingentibus campis irrigandis futurum erat satis ; & audita collaudat . Accedit deinde publicus auditor illius , cujus privatus præceptor extiterat ; sed earum , quas audierat , laudaveratque concionum ne verbum quidem audit . Miratur primò , deinde putat primam concionem , alia thesi succurrente , fuisse mutatā . Accedit secundo : accidit idē , quod primò . Tertiò tandē aliquid suprà hominem latitare suspicatus , convenit Aloysium , & conquerentis in

morem, quò verum expiscaretur; ludere ne, inquit, me voluisti, cum habendas proximè conciones mihi prælegeres, ex quibus tamen ne verbum quidem, aut apicem pronunciares? tunc ille rubore suffusus: est quod mihi ignoscas ait: in cubiculo trado me totum concioni; in suggestu me, concionemque Deo trado, dicturus si probet, abiecturus paratam, si ipse dictare dignetur. Hinc frequentèr illud ALOYSIUS usurpabat: à concionatore quidem scribi, pararique concionem, DEUM verò concionari. Hæc autem, quæ de se ipso prodere, ne amicum luderet, coactus fuit; generatimque dicebat; luculentius opere comprobabat; *Quis enim posset ea signa facere, quæ ipse concionando faciebat, nisi DEUS concionaretur in illo?* Sed de hoc alibi fusiùs: nunc egregiorum par concionatorum in ejus concionum commendationem producam. Quorum alter cum inaudisset, non

non posset ALOYSIUM audiri sine lacrymis : mulierum ; scilicet , inquit ; audiam ego siccus omnino ; & seu quod figulus figulo , seu quod muliebres tantum esse lacrymas judicaret , accessit ad audiendum durior , quàm concionatorem deceret , sed mutavit brevi sententiam , & cecinit , seu potius flevit psalmodiam in tot suspiria effusus , sonantesque lacrymas , ut admirationi fuerit concioni , Concionatori lætitiæ . Alter , & ipse uberrimè illacrymans : sic enim verò , inquit , dicendum est ad populum , sic disseminandum est semen Verbi DEI : si DEVS det vitam , ALOYSIUM imitabor , meas omnes scriptiones , delicta videlicet adolescentiæ meæ comburam , exiccatoque fœno , cadet omnis flos ; Verbum autem in me DEI manebit in æternum . Ecclesiasten hunc resipiscentem si quotquot eo morbo laboraverunt imitarentur , quàm præclaris in posterum facibus colluceret Ecclesia !

HINC in ALOYSIO vis illa flexanima ,
 ut quòcumque vellet traheret audito-
 res . Mundum muliebre in urbe his-
 ce munditiis , & licentiæ dedita unica
 concione compescuit . Leontinis ut ex-
 tincto DEO luctuosius parentarent , pau-
 cis verbis suavit ; utque ornamentum
 colli sexta sanctioris Hebdomadis fe-
 ria omnes abjicerent ; tribus , qui id
 respuerant , morte , non sine Urbis
 horrore , mulctatis . Aci talos , & a-
 leas ab his etiam extorsit , qui luden-
 do diebus noctes jungebant . Messanæ
 bini patritiis depositis simultatibus pa-
 lam se se invicem amplexantes in con-
 cordiam redierunt . Sed vis major eni-
 tuit in traducendis à turpi quæstu , cæ-
 noque libidinis infelicibus mulierculis .
 Ingens quidem , cum hæc lupas tur-
 matim in caulas cogeret honestatis ,
 præda , sed quæ jam assiduitate vilue-
 rat ; illud ex adjunctis non omitten-
 dum .

ROGABAT Causidicum ipsius Cliens ,
ut nescio quid ageret ad causam per-
tinens ; negat ille se facturum ; nisi se
comitetur illa die ad ALOYSIUM audien-
dum euntem : desunt ne , reponit cli-
ens , concionatores alii , ut me cogas
tanto incommodo , & fortasse etiam di-
scrimine , tam spissæ confertæque misceri
frequentia? audiam iterum libenter , nunc
quod instat , agamus . Falleris amice
si renuis ; à me nihil hodiè impetrabis ;
subdidit ille ; ad quem alter , accipio
conditionem ; quàm obfirmato es ani-
mo ! sequutus est causidicum ; subeunt
ambo Templum ; sed qui venerat invi-
tus ; sensim latentèr digreditur . Digres-
sus , hæret currus inter , aurigas , & equos !
Tentat hac illac sibi iter aperire , nec ta-
men viam invenit , non secus ac si in labi-
ryntho esset ; urgetur à fronte , à late-
ribus , temonibus , succussis loris , fla-
gellis excussis ; acrius verò à tergo
percutitur , cervicemque retrò fle-
ctens ,

ctenis , ut repercutiat verberantem , ecce
 ALOYSIUM videt , quem in suggestu re-
 liquerat , urgentem ad Templum , mi-
 nitantemque , si secus faciat . Contur-
 batus simul , & territus bono suo in-
 genti paret ; nam vix absoluta concio-
 ne ab ALOYSIO , ad pedes cecidit P.
 Francisci Morelli , depositurus ejus auri-
 bus omnes animi sui sordes , cumque
 negaret ille tempus esse præbendi confi-
 tentibus aures , rogaretque ut rediret :
 minimè , inquit lacrymabundus juvenis ,
 minimè pater mi , non hinc nisi ablu-
 tus abibo . Commovit Morellum
 rogantis fletus , qui altiùs quàm à
 suggestu originem ducere videbatur ; re-
 stititque , lacrymantem rogans , ut quod
 vellet paucis innueret . Tum ille : qua-
 tuor suprâ decem annos simultatem ge-
 ro cum DEO , qui me renitentem , fu-
 gientemque Concionatoris manu , pau-
 lò ante stitit , ac tenuit , quæque sibi
 acciderant , narrat . Attonitus rei novi-

tate Sacerdos , iterum , iterumque percontatur de singulis , & gemit repetita audire . Tandem confirmatum , eruditumque ad instituendam accuratissimam omnis retroactæ vitæ confessionem reverterum dimittit : Rediit ille non semel per plures hebdomadas , & parem tanto apparatus , & vitæ in posterum instituendæ confessionem absoluit .

Hinc tanta ejus audiendi cupiditas , ut accurrentes ingentia Tempia non caperent , occupatisque certatim , raptim , confertimque subselliis , alii confessariorum exedras conscenderent , alii suspensa hærent parietibus manu , quidquid marmoreis epistiliis emineret , infidentes : Hinc apertis semper concionabatur Templorum foribus , quò longius exaudiretur ab agglomerata multitudine , angustiisque ædium exclusa ; cumque neque id quoque sufficeret , vel concionabatur ad januam , quò audiretur utrimque , vel in mediis compitis ; & ad cogen-

cogendam importunissimo quoque tempore ad quodvis Templum, in quamcumque distantiam frequentissimam concionem, satis erat, si quis vel seriò, vel etiam joco dictitaret, ibi concionaturum esse ALOYSIUM. Octies mille, eoque amplius, quandoque numerati sunt auditores, quorum plurimi è distitis adventabant plagis pedites, pannoni, pulverulenti, egentes. Cernere erat summo mane cum Templi valvæ referarentur, concionem irrumperè, altero, alterum trudente, plerisque raptis, non incedentibus, non nemine etiam si fortè cecidisset, protrito pedibus non sine vitæ discrimine: quod feminae Drepani contigit; quam conculatam, cum semimortuam crederent, reppererunt non una parte corporis sanguinem effundentem; non tamen illa destitit ausibus, sed ulterius penetrans, quinas præstolata horas, dum creditur ad concionatoris aspectum actura

ra animam , ad illius voces repente con-
valvit : quasi verò spirasset in illam A-
LOYSIUS *spiraculum vite*.

HINC etiam à principum Urbium ,
seu magistratibus, seu dynastis tanto antè
tempore in concionatorem suum designa-
tus efflagitabatur; nec satis erat semel, &
bis audire, tertio, & iterum, iterumque
petebant. Panormus certè quintum audi-
vit verno jejunio, totidemque vicibus sa-
cro Adventu, & senos annos solidos scri-
pturam sacram è suggestu prælegentem à
prandio, non modo sine tædio, sed tanta
aditorum voluptate, aviditate tanta;
perinde ac si tunc primum audirent,
non hibernis pluviis, & nivibus;
non æstivis ardoribus, non domesticis
curis retardati; cumque rogarentur ec-
quid præ tot aliis egregiis Oratoribus in
ALOYSIO reperirent, unum erat respon-
sum omnium: si, illo præeunte, actum
contritionis elicerent, æterna se beatita-
te certissimè potituros. Tantum ad ra-
pien-

piendos animos , eosque quocumque libuerit flectendos valet repræsentata dicentis auctoritas , existimatioque virtutis heroicæ : neque ea erat tantum vulgi , populique sententia , idem sentientibus Optimatibus ; ex quibus satis sit testem producere Fr. Henricum Pontium dè Leone , qui fortunæ utramque implens paginam Archiepiscopus , idemque Prorex , cum illum concionantem videret in compitis , jussu hære curru , excitatus ad pietatem , in admirationemque raptus clamabat : Videri sibi audire dicentem Theologorum principem Augustinum ; nec enim doctrinam dissimulabat , si qua se theologica quæstio offerret explanandam : ex quo cordati homines conjiciebant , illum prædicare tantum Christum Crucifixum , spinisque obseptum ; scire verò eundem , & eloquentiæ flosculis , & amænissimis subtilitatibus coronare , si vellet ; abstinere tamen , nisi res aliud posceret , ne
non

non tam Christum , quàm se ipsum prædicare videretur . Verùm licet ille , quò lateret magis , à dicendi luminibus temperaret , non potuit tamen cæleste lumen effugere ; Deus enim contulit quoque splendorem , ut incomparabili decore omnium oculis appareret . Illum rarum dictu , cum concionem habebat , cælesti lumine radiantem aspexere nonnulli , syderis instar , quandoque etiam solis , luculentissimè radios diffillantem : quorum alterum Abbas Bernardinus Colli , alterum Ioseph Politus Iuriconsultus jurati testes affirmant , contigisse Panormi . Laudo alios testes , quos inter non nulli omni exceptione majores , licet cursum remorentur ; ne quis suspicari possit oratoriè potius meloqui , quàm historicè , figurisque omnibus ablegatis : Pater Franciscus Alaynus Sancti Philippi Nerii Alumnus Refaudali , Nesi ; verò P. Paulus Soldanus ex ejusdem Congregatione , instar solis collucen-

tem conspexere cōcionantis ALOYSII vultum ; & ne tantum luceret externis P. Carolus Landolina , in quodam Panormitano Sodalitio lucentem vidit , sociisque monstravit. D. Margarita Cavalcanta mirabatur cum Catharina filia , quod non alii ejus splendores adverterent , quos ipsa nunquam sine oculorum perstrictione, periculoque conspiceret . D. Aloysius Cameros plurium Ecclesiarum Pactensis primùm , tum Aserensis in Sicilia Sponsus singularis ; affirmat vidisse se concionantis Messanæ coram Ioanne Austriaco ALOYSII faciem splenduisse ut solem ; eandemque D. Francisco Mello Prorege teste excellentissimo , scintillantis syderis radios induisse . Et quoniam quæ à DEO patrantur , eadem semper sunt in quacunque materia , non decrescet oratio , si stellis, solique, carbones, & ignem, quas formas quandoque etiam induit , adjungamus . Petrus Ballator è Societate vidit Messanæ faciem ejus versam in ignem, labia

bia verò in carbones ignitos ; idem Nefi vidit Ioseph Buscemi adjunctis igni radiis , dum doceret auditores , quidnam esset Divinus Amor . Ibidem Franciscus Brancatus Iuris peritus vidit adstantem illi specie incomparabili Angelum . Insidentem etiam ejus capiti concionantis albam diu columbam tacita conspexit puella alia ingenuis moribus , donec puellarem in morem vocibus prosequuta est abeuntem . Anno MDCXL. adnoto tempus , quod enim sequitur præclariora habet adjuncta , Maria Infantulina natu major, ne fidem ætas abrogaret, rogatu Catharinæ sororis, invita ob loci distantiam , magnos calores , nimiamque frequentiam venit tamen ad prælegendum Aloysium audiendum . Diù præstolata post tot incommoda lectionis initiū, in querelas erupit ; nescio enim quo pacto in jis , quæ inviti facimus nanciscimur semper querendi materiam ; sed moram , cæteraque omnia jucundissimū

spectaculum compensavit . Vix conscenderat suggestum , cum nauseantis Mariæ ALOYSIUS oculos rapuit , animumque ; & dum hæret in ejus vultu , & pendet ab ore , candidissimam conspiciit in dicentis ore columbam innocente rostro frontem ALOYSII fodicantem , passisque alis obumbrantem , adeoque se illi insinuantem , ut videretur velle , se totam in eum infundere , in eumque penitus , alteque descendere , quo viso delectata mirificè , & qua erat prisca bonitate ad sororem conversa : ecquod hoc genus presbyterorum , inquit , quod cum concionatur , columbam gestat in capite ; rata fortasse ea simplicitate , ad institutum , & vivendi rationem id pertinere ; utque alii stolati , alii palliati procedunt in suggestum , ita nos columbam doctam insidere capiti , ferre prò pileo .

CAPVT. V.

*In Aloysio rerum futurarum prædictio ,
atque arcanorum præfensio .*



IS ostentis Deus concionatoris
sui corpus condecoravit , at-
que luminibus ; longè verò
cumulationibus animum ejus
collustravit , & mentem . Hactenus vi-
dere alii in ejus vultu lucem ; nunc
ipsum , vel ipsas aliorum conscien-
tiæ latebras introsipientem videamus .
Messanæ ad Populum dicens in triviis
disertè affirmavit , esse ibi suos inter au-
ditores , quî annos sedecim à pæniten-
tiæ foro abstinuisset . Ibidem iterum ,
qui viginti quinque : uterque ictus ad Sa-
cerdotis sese pedes abjecit . Panormi cum
concionaretur etiam in plateis , dum e-
ques è curru desiliens , turbæ se eum
au-

auditus, adjungit, bono suo, audit, se designari, dicente ALOYSIO esse in concione à pænitentiae Sacramento per sexennium abhorrentem. Convenit Domi post Concionem ALOYSIUM, facturum periculū, num destinato, an casu in ipsum incidisset ictus; consulitque, num censeret generalem, quē meditabatur exhomologesim, fore sibi salutarem. Cui ille: Vtique Domine, indiges enim eo lavacro, quo sex annos caruisti. Est Oppidum, quod Planam Grecorum indigitant; hīc ALOYSIUS consensu cumulo sic orsus: Siccine miseri vivitis improvidi, futurorum, imminet, tam atrox tempestas, ut non inventuri sitis extra Templum effugium; quod tamen cuidam Misello non proderit, qui fulmine ictus, ibidem mortem nanciscetur, & tumultum. In Syracusano portu ad plebejos, nautasque prò eorum captu dicebat. Meliteneses quidam Equites deriserunt styli simplici-

ta-

tatem , ad quos , ridetis nunc , inquit , hac nocte lugebitis . Quod velut intercalare carmen inter dicendum usurpavit . Adulta jam nocte Melitensis classis solvit è litore , & ingentem inimicum Mioparonem , quem primo cursu obuium habuit , prò more aggressa strenuè , non prius cæpit , quàm explosis tormentis hostilibus ingenti equitum clade accepta gemuit cruentam victoriam , trucidatis eadem nocte equitibus , à quibus fuerat derisus . Apud Leontinos , ubi respiravit repetiturus planius , quæ antè dixerat contra divites , qui obseratos adhuc publicis tabulis habebant debitores , debitis jam solutis , Ità disertè pronunciavit : Audite Leontini intrà annum , deinde bis se corrigens , quasi re melius cogitata , intra sex menses , inquam , & fortassè intrà mensem tanti criminis reus luet pænas , adeò terribili lethi genere claudens vitam , ut futurus sit medicis ipsis horrore simul , & stupori : nec minori omnium admira-

tio-

tionē , & emolumento rem brevi infeliciſſimus probavit eventus . Panormi , cum P. Thoma Clavello divertebat ad litus , undē conſpicatus triremes ultra milliare diſtantes : non ne vides Pater Dæmones geminos igneis cornibus Prætoriam ingreſſos ? Minimè verò reſpondit ille , ad quem ALOYSIUS : Circumſtant peſſimæ illæ beſtiæ meretricem , quam mille inter homines DEVS mihi dedit diſcernere , appulſaque jam claſſe Regium compellans celeuſtem , cur , inquit , bone , malos genios è triremi faceſſere non juſſiſti ; quoniam , lepidè reponit ille , exorcista non dum ſum ! Tunc ALOYSIUS , ſaltem ſis Oſtiarius , dumque ego dicturus in triremi , eam in Templum converto , tu lupas abige . Quod & maximo illius bono factum eſt . Nec pectorum audientium nudus in ALOYSIO erat intuitus , ſed conſtans erat omnium in Sicilia ſenſus , plurimorum experientia comprobatus , eum in penitiſſimas medullas ,

dullas , minimasque fibras peruadere ; & quod Apostolis datum legimus , ut audiret unusquisque lingua sua eos loquentes vocum tenuis , subjectarumque illis notionum , id dè cordis , animorumque sermone non raptim , aut per intervalla , sed constanti beneficio , perpetuoque ALOYSIO fuisse concessum divinitus : si quis crimine aliquo laboraret , se descriptum graphicè , se designatum sentiebat ad ictum , in se unum privato sermone , non publica concione putabat intentum . Tentavit non nemo mutando in concione locum experiri , num se sua conscientia , mensque falleret , in eamque persuasionem induceret , in se unum invehì ALOYSIUM ? mutato loco , ad eundem concionator convertitur , agnoscitque se ille hinc deprehensum . Illud mirabilius , quòd , quæ secum quisque reputans animo , tacitus loquebatur , illud idem representans ALOYSIUS ,

H re-

respondensque vulgabat : hinc illi certissimum operæ suæ prætium , & merces , prædæ semper intento ; cum enim à resipiscendo plerumque absterreat verecundia , metusque sese prodendi , & ulcera deferendi , qui vererentur ei se aperire , qui ea non vidisset modò , sed mentem jam curationi admovisset ?

SED præstat , habitos LANVZAM inter , nonnullosque ejus auditores tacitos dialogos , jucundaque diverbia audire . Panormi quidam Artifex resipuit , sed non multò post reversus ad vomitum numeros omnes iniquitatis absolvit , fugitans præsertim nostri Templi , ne ab ALOYSIO caperetur . Verùm non potuit eundem fugere obvium sibi in trivio , dicentem ad Populum : cælitusque illustratus , cum secum ipse diceret : Quid hoc est ? Sage ne alicujus veneficio in præceps ruo ? dum hæc sibi loqueretur in animo ; illud sibi reponi audit ab ALOYSIO oculis in se defixis : Non una Saga , sed legio Dæmo-

mo-

monum in lethali noxa fadatum ingreditur , rerum potitur , ne possit miser emergere . Absolutaque concione , inter sexcentos homines manu prehendit : Age inquit , depone noxas meis auribus , auditque attonitum , sed serio , & cum lacrymis confitentem . Vbi ille finem imposuit : sunt , excipit ALOYSIUS , multa , quæ memoria exciderunt ; & perinde ac legat , aperit , peccatis detectis : versaque veluti pagina , ad quænam pietatis officia ab incunabulis fuerit propensus homo sibi antehac ne de facie quidem notus , aperit , non secus ac si ejus fuisset conturbernalis ; cui sodaliti-
tio nomen dedisset ; quonam cultu Dei-
param coleret , gestans celebrem illum habitulum è monte Carmelo deductum ; cui catenulam agonizantium largitur addendam , ad excitandam cum surgeret saluberrimam mortis recordationem . Sicque amicissimè habitum dimittit tutum , futurum cum discessurus esset è vivis , si

respondensque vulgabat : hinc illi certissimum operæ suæ prætium , & merces ; prædæ semper intento ; cum enim à resipiscendo plerumque absterreat verecundia , metusque sese prodendi , & ulcera deferendi , quò vererentur ei se aperire , qui ea non vidisset modò , sed mentem jam curationi admovisset ?

SED præstat , habitos LANVZAM inter ; nonnullosque ejus auditores tacitos dialogos , jucundaque diverbia audire . Panormi quidam Artifex resipuit , sed non multò post reversus ad vomitum numeros omnes iniquitatis absolvit ; fugitans præsertim nostri Templi , ne ab ALOYSIO caperetur . Verùm non potuit eundem fugere obvium sibi in trivio , dicentem ad Populum : cælitusque illustratus , cum secum ipse diceret : Quid hoc est ? Sage ne alicujus veneficio in præceps ruo ? dum hæc sibi loqueretur in animo ; illud sibi reponi audit ab ALOYSIO oculis in se defixis : Non una Saga , sed legio Dæmo-

mo-

monum in lethali noxa fœdatum ingreditur , rerum potitur , ne possit miser emergere . Absolutaque concione , inter sexcentos homines manu prehendit : Age inquit , depone noxas meis auribus , auditque attonitum , sed serio , & cum lacrymis confitentem . Vbi ille finem imposuit : sunt, excipit ALOYSIUS, multa , quæ memoria exciderunt ; & perinde ac legat, aperit, peccatis detectis : versaque veluti pagina , ad quænam pietatis officia ab incunabulis fuerit propensus homo sibi antehac ne de facie quidem notus , aperit , non secus ac si ejus fuisset conturbernalis ; cui sodaliti-
o nomen dedisset ; quonam cultu Deiparam coleret , gestans celebrem illum habitulum è monte Carmelo deductum ; cui catenulam agonizantium largitur addendam, ad excitandam cum surgeret saluberrimam mortis recordationem . Sicque amicissimè habitum dimittit tutum, futurum cum discessurus esset è vivis , si

id faceret ; acerrimè tamen antè com-
monitum , nècui id , vivente se , aperi-
ret : ille servavit viventì fidem ; qua
ejus morte solutus , & beneficium ma-
gnificè deprædicat , & Deiparæ Agoni-
zantium cultu , nullo se per annos sex-
decim impedimento fatetur potuisse di-
velli ; gerere etiamnum in oculis re-
prehendentis ALOYSII imaginem , eum-
que etiam sibi jam jam in aliquod ca-
suro crimen se ità spectandum præbuis-
se , ut posset ad vivum effingere .

PAR cum altero adolescente item Pa-
normi congressus ; cui post compitalem
concionem ALOYSII manum exosculanti ,
brachio tento : Expectatus , inquit , a-
des ; ductumque in proximum Templum
jussit positus humi genibus peccata fateri :
ille percussus inexpectato jubentis impe-
rio , exequitur jussa , & se paucissimis
expedit . Tum ille : Tu Saccensis es ;
tres ipsos annos Sacramento abstines
pænitiæ ; fædissimum habuisti cum
fæ-

fœmina illa commercium ; quo tempore execto viperæ capite , cuidam infelici , quem expressit , veneficium eo loco abditum concinnasti : ut oblivio te horum cœperit ? ille tunc resipuit : longo deinde post tempore gratissimi animi mascula edidit monumenta , non veritus in Sancti viri honorem tam enormia facinora publicis actis consignare .

MONIALIS quædam vivissimis se coloribus expressam suspicata , animi sui noxis ab ALOYSIO in concione detectis , ea vix absoluta ad crates illum vocatum convenit , rogatque aperiat , num sibi sit uni loquutus , cum ad omnes diceret ? annuit ille , & clam acrius reprehensam etiam num mirantem , cur se palam descriptam non adhuc talem aliæ sorores agnoscerent , ad bonam frugem convertit . Ad eandem alteram monialem alibi traduxit ; in quo illud novi ; quod pœnas illi debitas in se suscepit ;

Dum-

Dumque prò ea solvit , eaque nova debita contrahit , Epistola Panormo ad nil tale cogitantem missa , jis verbis admonuit : Dum ego decumbo contracto morbo , ex jis subeundis pænis , quæ tibi debentur , tu cum sorore digladiaris ob pugillum farinæ , quam utpotè pacis figuram in sui corporis Eucharisticum elegit tegumentum DEVS , cum ex jis sit , quæ sunt ad unum , ut loquitur Augustinus . Vulgavit illam sororibus admiratione defixis .

ILLUD amænus , & velut in scæna diverbium , loquente intra proscœnium Sanctimoniali , & palam Aloysio respondente . Invehabatur is in luem illam monialium , cum viris ad crates confabulationum , atque sermonum . Quo tacta fulmine monialis ea peste contacta ; flens , dolensque : pænitet me , inquit , & valdè pænitet : atque hoc non satis est , excipit ALOYSIUS : emendatio sequa-

quatur necesse est . illa iterum secum :
non videbo amplius Crates . non vi-
debis reponit Aloysius : Hoc opus ,
hic labor ; id nisi fiat , fletus omnis
fuit inutilis : hæc in primo illo actu .
Rediit bona mulier ad crates , rediit
Aloysius ad concionem : & siccine ,
inquit , statur promissis ? flente interim
recidiva , subdidit , ploratur in cassum ,
teneo jam priorum fletuum exitum .
Obturandæ sunt Syrenum blandè , &
per epistolas , munusculaque , quæ san-
ctus amor non habet , canentium , vocibus
aures ; secutaque sunt promissa fir-
missima . Verùm cum iterum recidisset
fragilis videlicet sexus ; tunc enim ve-
rò suscipiente in se causam Numine ,
cujus partes in sua sponsa agebantur .
Adest ad crates paupercula in speciem
rogantis stipem , vocatæque ad se toti-
es correptæ mulieri , se adesse ab Aloy-
sio inquit , qui nunquam sperasset fuisse ,
futurum , ut fides sibi , ne dum

DEO

DEO tam turpiter frangeretur. Quo dicto abiit. Percussa his vocibus mulier, DEO uberius illustrante, detestata crates, in quibus semper errabat: gratias inquit DEO meo, quod ubi toties in amariis pudoris naufragium feceram, tabulam nacta ibidem, tandem incolumitatem repererim; valete æternum crates, videtis ultimum maculas, quas toties ex me contraxistis, eluentem; si sana sum, non videbitis iterum. Conscius divinitus victoriæ Aloysius redit postremo ad concionem, Deumque collaudans de reportato triumpho, monuit triumphantem, solamque sentientem ad se unam esse sermonem jis disertis verbis: Maria, id erat moniali nomen, à Crucifixi pedibus nunquam abscedas; alioquin inde te digredientem anguis arripiet; laniabitque. Et commodum ibi erat Mariæ Magdalænæ ad Crucifixi è pariete pendentis pedes, effigies, quam æmulata Sanctimonialis, per annos viginti ab-

omni-

omnium virorum abjuncta conspectu, Sanctissimam vitam traduxit. Longus sum, si in hoc genere percurram singula. Verum unum adhuc, quod claudat agmen addamus.

HYCCARÆ, nunc Carini, dum sancto quodam excursu Urbem totam collustrat, ad sacrum gynecæum fama pervenit: ibi rigidioris disciplinæ monialis, studens removere obices, quos patiebatur in virtutum itinere; ALOYSIUM per epistolam enixè rogat, dignetur per quadrantem tantum aures sibi dare. Venturum se ille respondit: inexpectatus sistit se suggestui ad sorores dicturum: dixerat per dimidiam horam clausis omnino oculis, qui mos illi perpetuus in gynecæis; tum conversus ad monialem expectantem post concionem privatum cum ipso congressum, defixisque in eam oculis: Qui DEO verè, inquit, inserviunt, multa offendunt, quibus perturbati quid agere, quid omittere debeant ignorantes, pertur-

I batio-

bationibus , scrupulisque agitati , atque solliciti vitam videntur sibi miserrimam omninò traducere : tùm difficultatum syllabum contexit uberrimum , enumeratasque dissolvit , dissolutis abiit , omnibus insalutatis ; moniali illa , quæ vocaverat , omninò serenata : quam postridiè conveniens ordinarius , quem dicunt , loci confessarius , rogansque quomodo haberet , & quodnam ex congressu cum ALOYSIO solatium reportasset , optimè se quidem habere respondit , nusquā tamen se esse cum ALOYSIO collocutam , totumque narravit ex ordine , utroque stupente , Deumque mirabilem in servo suo collaudante. Hæc ex multis dicta sufficiant , quæ ALOYSIUM innumerabilibus DEI donis ditatum uberrimè satis , superque demonstrant .

CAPUT VI.

*Aloysii excursus, &
Missiones.*



ACTENVS Aloysius concio-
nator, Săctus ille quidem sem-
per, & Apostolicus, sed pa-
ludatus : nescio enim quo
pacto phaleras quasdam orationis videtur
exposcere locus ille sublimior in præcla-
ris Urbibus, in marmoreis suggestis, quò
manu Populorum vectus est, plausuque
euectus ad sydera ; nunc videamus il-
lum peditem, pulvere, lutoque decoro
sordidum excurrentem in pagos, & vil-
las ; non dynastis, proceribusque sequen-
tibus circumvallatum ; sed sequentem a-
grestes homines, prensantemque bubu-
lcos. Excursus sacri Aloysio jam inde à
primis annis semper non in voto tan-
tum fuerunt, & in amore, sed ple-

rumque etiam in usu. Post quadragesimales labores, cum etiam Apostoli retia reficiebant in litore, ipse refectioem ratus mutationem laboris, divertebat in Villas, non aliorum more ibi rusticantium, sed rusticos excolebat; nec cum missiones obiret, omittebat rostra conscendere. Hoc igitur fuit inter primos, postremosque ejus annos discrimen; quod in illis Missiones essent parerga, in istis verò totus inter incredibiles illos excursionum effusus labores, quadragesimales conciones veluti parerga interponebat. Impetratam sacram expeditionum provinciam ita administravit, ut earumdem meritò & patronus sit, & exemplar. Eodem, quo Dei flagrabat amore in conciliandis illi mortalibus ferebatur, æmulatus in instaurandis animis; DEI ectypum in effingendis corporibus graphicè à Tertulliano descriptum; cerere eum erat intentum operi, oculis, manu, consilio, ipsa inprimis affectione, quæ lineamenta dictabat. Incredibile

le dictu est , quas molestias , & incommoda devoraverit in itineribus. Insulae montuosae , totque distinctae fluminibus ; ut multa passim numerentur naufragia ; incauponiam exercentibus , quâ lucri aviditate , quâ loci injuria ad emungendos potius viatores aptis , quàm de via fessos recreandos ; in angustis ædibus , seu mapalibus ; in lectulis aded sordidis , ut voluptuosissimus quisque illis nudam humum cubiturus præoptet ; in jis denique omnibus , quæ Apostolicæ vitæ antesignanus Paulus enumerat in jejunio , & siti ; in frigore , quod focii ex decidentibus nivibus , aded acre , urensque fuisse memorant ; ut spiritum quandoque penè intercluderet , cum ipse more suo aperto capite totus exciperet . Necessarius hisce incommodis longè plura spontè ipse addebat , destitutus jis omnibus adiuventis , quibus honesti viatores itinerum ærumnis occurrunt , sine viatoriis penulis ; vetans quidquam coctum

Etum ferri à lociis , siccumque tantum
permittens ientaculum , ne cuiquam pri-
mo ingressu essent oneri ; in decursu
pauperem tantum cibum admittens , &
si quis in urbe primarius delicata misisset
obsonia , accipiebat ille quidem , ne
quem offenderet , cujus erat opera
tunc necessaria , sed vel in nosoco-
mia , vel in calamitosos , agrosque
dividebat . Iungebat labori laborem ,
iter itineri ; corporique ambulando , di-
cendo , aures confitentibus dando , sup-
plicationes instituendo , jam penè attri-
to , voluntarias afflictationes , crucia-
tusque penè perpetuos . cumque eum
semper rogarent , ut tandem aliquando
quiesceret , interponeretque perpetuo la-
bori quietem , quoad rediret ad illum
vegetior ; id perbellè usurpabat : tandiu
sibi quiescendum in tumultu , ut tædio
futurum esset . In quo vivendi genere
prodigio simile est illum viginti integros
durasse annos , longè se valentioribus in-

ter-

terim, & mirantibus, & deficientibus; ut non immeritò sapientes crederent, illum viribus cælitùs suffectis vivere, nec potuisse currente naturalium causarum ordine tamdiu vitam producere, tanto ante tempore ex se defecturam, casuramque sub pondere. Magna hæc quidem, sed fortassè cum aliis, saltem ex parte communia; communis item sanctorum excursionum proventus uberri-mus. Nescio enim quo pacto Deus, ut quantoperè illæ sibi placeant ostendat, fructum missionibus centesimum, centena missis brachia dare videatur; cum par hominum interdum ea præstet, quæ nisi usurparemus oculis, etiam à plurimis minimè confici potuisse crederemus.

Omissis igitur jis, quæ in aliis quoque miramur, juvat, quæ præter ordinem sunt, cursumque communem, carptim tamen more nostro, & cursim attingere. Præter ardorem illum orando conceptum, vivendique modum à

na-

natura, ab arte, ab ingenio attributum, quem semper ad dicendum afferebant, conſequebantur ſemper eventus egregii, nonnullis utebatur induſtriis, & ſtrategematis, quæ levia primo aſpectu videntur, intuenti exitum, ſint admirationi neceſſe eſt. Vix locum attigerat, cum ut erat feſſus, & interdum ſudore diſfluens, adorato Numine in Templo principe, ejuſque ope implo-
rata, ſalutatiſque jis, qui rebus ſacris præerant, cum bona eorum venia accingebatur ad opus. Puerorum vim co-
gebat tintinnabulo, quos Chriſtianiæ legis rudimentis inſtructos ad alios permoven-
dos erudiebat; docebat illos primùm ſa-
cras cantiunculas; mox quid, interro-
ganti ſibi quædam inter dicendum, tur-
matim ipſi præter concionis expectatio-
nem quanta maxima poſſent voce re-
ſponderent; jis utebatur ad ſupplicatio-
nes inſtituendas, ad indicendam miſſio-
nem, ad populum excitandum, & ad

DEVM

DEVS ostensa eorum innocentia permio-
 vendum; ut aliis pateret. Sed vis major
 in concione; cum eo loco dispositi; quo
 possent melius exaudiri; dum Aloysius;
 ubi jam in auditorum animos videbat
 se dicendo latenter ingressum; ut pondus
 dictis adderes; se ipsum interrogabat;
 illi uti convenerant appositè conten-
 ta voce respondebant. Exempli cau-
 sa dicenti Aloysio: quod peccator ten-
 dit? statim illi: in infernum. Quid
 autem infernus? Quæ ibi delicia? qui
 comites? cum illi ad singula optime
 responderent; inexpectato dialogo mo-
 ti concione erumpebat in singultus; &
 lacrymas; & quæ scena caperat; com-
 plorantem desinebat in chorum; Et ex-
 ore infantiubi DEUS; & lactentium;
 perficiebat laudem suam; ut destrueret
 inimicum; & ultorem; Cum ad in-
 veteratissima odia dissolvenda; simulta-
 tesque tollendas satis esset aliquis eò col-
 lineans dialogus; quem ad perimovendos

animos, & quoquo vellet flectendos valere plurimum intelligens, frequentissime proventu maximo usurpabat.

Hoc ad excitandum: ad firmandum verò quod Deo dante relinquebat, ut se absente, locus ipse doceret, & diceret, Calvarii utebatur industria; erat is in Vrbe Colliculus, ubi celebritate maxima in edicioe loco ingens sanctissima Crucis figebatur simulacrum, ad quod per sacella, Christi cruciatus pictis tabulis exprimentia, veniebat: Documento relicto, ut eo suas aegritudines, afflictionesque deferrent, reperturi in eo Christi Cruciatuum emporio levamentum: in Thermas illas, divino sanguine redundantes, quisque se pro qualitate morbi immergeret, in primo, in altero sacello harena, nisi vis morbi ad apicem usque proveheret.

Quam grata essent Deo tam ad vivum expressa suorum cruciatuum spectacula, non uno ostendit prodigio; quamvis ego unum, aut alterum tantum seligam.

Dru-

Drumenti ad extruendum Calvarium sexcentis ex vicinis oppidis, vicisque confluentibus iussit Alloysius ad sedandam excitatam itinere sitim propinari vinum, dolio unde haustum fuerat non modo non imminuto, verum etiam aucto, Dominico Costa teste iurato Prodigii, uti fuerat meri largius distributi Pincerna. Apud Leontinos vero cum trabs insana magnitudinis quadraginta palmos alta, quod ab urbe posset aspicere erigeretur indestinati Crucem Calvarii, artificis nescio cuius incuria, dum digressa foramine pondere suo ruit, nequidquam reliquis contranitentibus, in Christophori Marini Presbyteri sinistram tempus incidens, cum semimortuum terre afflixit, sanguine undequaque fluentem; statim a medicis conclamatum. Indoluit ingemiscantibus, ut par erat Alloysius, seseque lethalis vulneris reum ingeminans, fugiensque frequentiam, sacram sedem quingentos distantem passus, capite pal-

lio obvoluto subit, humique ante Eucharistiae thronum abjectus, diu jacuit singultans, & lacrymans. Tum spei plenus ad Christum conversus aiebat: Hoc enim vero quod peto omnino erit. Non negabis utique Domine, ita erit, ut peto. Ita, ita, non hæreo. Iteravit per semihoram ardentissimas preces, plenusque indubitatae fiducia; cum aliquantulum tacitus, quasi verò responsum exciperet, resumpta lætitia ad Cyrillum Spadam non inde procul orantem. Supplex, inquit, libellus subscriptus est prosperè; non tamen à precibus defuit, quas ad alias binas horas extendit. Die sequenti inter dicendum abrupto concionis filo: Sacerdos, inquit, noster convaluit; Crux enim sanctissima vitæ origo, & fons est, non mortis occasio. Ite dicite agrò nihil omnino timendum. Adnotatumque est dum hæc ipse diceret à medicis nil tale scientibus vulnus tunc detegi: æger tunc om-

ninò convaluit, & poſtridiè diſceden-
 ti ALOYSIO cum aliis adfuit; octavoque
 poſt annò perpetua uſus yaletudine in-
 quirenti in ALOYSII geſta totum juratus
 aſſeruit: idem aliis primariis viris ibidem
 teſtantibus. Magnum id quidem, ſed ſin-
 gulare, illud ad plurimòs pertinet. In
 Colleſano dum foramen excavaretur Cal-
 varii cruci figendæ, fons ſaluberrimus ſta-
 tim erupit, & advenarum ſiti, & omnium
 accurrentium morbis depellendis aptiſſi-
 mus; quos inter Balthaſſar Adamus me-
 dia jam corporis ſui partè præmortuus,
 eò delatus aliorum manibus fonte ablu-
 tus; pedum, quem amiſerat, uſu re-
 cuperat; pedesque domum repetit.

CA-

CAP. V. T. VII.

*Quem Aloysius à sacris excursionibus
fructum perceperit.*



INGENS quidem ex Aloysii
missionibus Messis, ut vidi-
mus, non deerant tamen
spicilegia; in quibus manipuli
illi, qui solent esse legentibus gratiores, quip-
pè qui videntur industriæ potius fructus,
quàm Campi. Verum hi adeò excrevere,
ut necesse sit in spicilegio facere spici-
legium, quæque magis eminent, tan-
tum demetere; centenisque relictis co-
rum historicè loquendo non oratoricè,
oppidò pauca attingere. Chorum du-
cat Leontina famina, quæ forma, cul-
tu, licentia, amatorum frequentissi-
mo comitatu, lapsuque Magdalenam
secuta errantem, secuta est etiam
poenitentem; nam seu secum reputaret
ubi

ubi morbum pestilentem, & contraxerat, & afflaverat, difficile esse ibidem convalescere, nec posse epidemicam huiusmodi phthisim, nisi cæli mutatione sanari, seu rata angusta nimium, nec suorum superiorum, lacrymarumque capacia mænia Civitatis, antrum sibi delegit; & decet, inquiens, cavea lupam, ibi quos sædè foverat artus, sædè dilanians, & ut tantè amatorum, nunc sui carnificinam exercens, Massiliensis Erennicolæ renovavit imaginem. Excepit Meretricis lacrymas Virgo Deipara, cuius imago ibi reperta maxime fuit venerationi Leontinis; cui etiam extruxere sacellum cum Epigraphe: Deiparæ omnium gratiarum.

MERETRICI Meretricium Capularem Senæ Nicosiensem adjungamus. Habebat is domi pellicem, susceptosque ex ea filios, qui commixti legitimis eos inficiebant; nec se domi continebat fœtor, qui universam Urbem pervaserat stomachantem.

tam effrenatam, patentemq; senis jam letho maturi libidinem: plerique omnes rati tempus putationis cum missione advenisse, sperabant iniquam consuetudinem dissolvendam. Sed defellit eos spes sua, nam quò longius abesset, nec posset à quopiam conveniri senex, & allici ad concionatorem exaudiendum, abdidit sese in Divi Dominici: sus videlicet ex hara ad aram confugerat. Verum longè felicior Aloysius insequendo, quàm ille fugiendo. Adit Coenobium LA NUZZA, Clavellus Dominicanus ante memoratus subeunti fit obviam, cui Aloysius, alium quæro, inquit, non quæro catellum, Domini domum custodientem, sed delitescentem hic lupum, & rectà illo comitante cubiculum petit, quo clausus impudicus hospes ludebat latrunculis, futurus sanctioris præda latronis, & nullo tale cogitantem nunquam antea sibi visum, ac notum compellat nomine, hilari quidem, sed ad majestatem facto vultu;

tu;

tu ; habeo , inquit , ad te DEI manda-
ta , quæ perferam ; mirantem ducit in
sacratum , sibi que remotis arbitris fle-
ctere jubet genua , & aperire peccata ,
quæ tot annos tacuerat : ille veritus in
ALOYSIO DEVM loquentem , narrantem
que sibi cuncta , quæ fecerat , exho-
mologesim ad quinque horas exten-
dit , futurus longior , nisi ALOYSIUM ali-
aliò sæpius vocatum tandem aliquando à
præda sua abstraxissent . Senex rebus suis
compositis in eremum secessit solus elu-
ens maculas , quas tam malè associatus
contraxerat .

ALIAM ab hac indagine insequutus est
feram , quam leporem si timidum ejus
ingenium inspicias , si sordes aspicias ,
suam dixeris . Sacerdos is erat , qui jam
filiam ex muliere susceperat , cui sobo-
lis , & fædioris amoris duplici alliga-
tus nexu solvi difficile poterat . Hic sæpè
vocatus ab ALOYSIO , ubi domum ejus
L. atti.

attigisset, abripi se à triplici illo suavissimæ filix, uxoris vetitæ, insolitæ consuetudinis dæmone sentiebat. Vicit tandem perfidum animum DEVS, & frustrà reluctantem uxorium Sacerdotem sistit ALOYSIO, à quo exceptus humanissimè eundem Divinis per semihoram loquentem altissimè audit non sine voluptate; expectansque post lumen illud fulmen, libello, in quo erat summa precum, quas solent Sacerdotes ante Sacrum percurrere, donatus præter opinionem dimittitur ab ALOYSIO, additis etiam precibus humanissimis, ne clausum habeat, sed utatur antequam ad aras accedat: Haud ita multo post, libello illo, hausto veluti inde igne se sentit incendi. Feminam in bonam crucem jubet abire, si sapiat; si nolit in malam; accuratissimam instituit exhomologesim districtissima totius vitæ discussione, quibus absolutis defectus repentè viribus visus sibi vapulasse, decumbit. Aceritos medicos, pulsus fallit,
 nihil

nihil esse quod terrere possit pronunciant ; ille tamen addit Sacramento pœnitentiæ Sacramentum Eucharisticum , quo obsignatus si non è vivis , è potestate tamen mentis discedit . Ad se rediit post aliquot dies , ut domi suæ disponderet , & pauperes instituens hæredes ex asse rursus evanuit è mente primùm , paulo post etiam avolavit à corpore . Vrbs tota læta successu cuncta referebat in Aloysium , cujus precibus quàm bene vivens resipuisset , tam feliciter in morte desiperet . Colluctantes enim cum hoste terribissimo illo quidem , sed callidissimo , evadimus ejus tentamenta per amentiam , & cælum ipsum stultitia petimus .

IMPVRO Sacerdoti Sacerdotem addamus impuros felicissimè insectantē . Senex honesto loco natus , vivens inhonestissimè , auro æquè prædives , ac Sceleribus , tot spurcitiis innatabat , ut Atheum meritò crederent , quem adeò proximum tumulo tot tordibus immarcescentem aspice.

rent. . Pius Sacerdos seni denunciat eum
vocari ab ALOYSIO . Ille furore amens
conscensa domo , arreptoque gladio pro-
dit in publicum spirans minarum , & cæ-
dis ; esse adhuc in effæto corpore vires
ad se ulciscendum . Cui pacatè Sacerdos :
nil esse cur ità incalesceret , nil opus ef-
se minis , multo minus armis , cum nullo
esse digladiandum . Nuncios jure gentiũ
nullis injuriis , nulli damno esse obnoxio-
s . Venisse se ab ALOYSIO Sancto scilicet
homine , esse seni integrum , ire si vel-
let , si non arrideret , subsistere . Senex ubi
detonuit , eamus , inquit , videbo num
me apud Sanctum virum adduxeris . Ex-
cepit illum humanitè ALOYSIUS , obser-
ratoque cubiculo , muta omninò fuit Scē-
na , nullo alio quam sonantium verberum
audito sono : nudatos enim suos humeros
ALOYSIUS adeò inclementè arrepto di-
verberavit flagello , ut Senex spectacu-
lo attonitus effusus in lacrymas sistere
jusserit , satis esse clamitans , jam se vi-
ctum

ctum, vitam mutaturum. At non ALOYSIUS, interque verbera asperiora, illud subdidit non se destitutum, donec pelleret domo pellicem. Totum ille spondere, juratus vovere, modò vir DEI lanienæ suæ modû iteratis contentus promissis imponat; quamobrè posito ille flagello, vibicibus, vulnibusque tectos humeros vestibus contegit, monitumque senem ferio promissis, ut stet, sponsoris inconstantiam mente præcipiens, blandè dimittit, promittitque se si falleretur, ulterius institutum. Inveteratus ille malorum, muliercula in penitioribus ædibus abdita, ne à quopiam visa, rescire posset ALOYSIUS adhuc domi manere, promissi immemor ruebat in pejus; cum vir DEI Divino studio succensus senem domi suæ convèniens acerrimè increpat, quod DEO mentitus esset in caput suum; cui ille falleris Pater: faminam jam ejecei, Tunc ALOYSIUS mentiris, inquit; domumque circumiens tacto cubiculo: hic

deli-

delitescit subdidit, quam mentiris expul-
sam; non homini mentitus es, sed
Deo; quo dicto discessit. Ille delusis
sancti viri monitis, verberibus, pro-
digiis; luit pœnas, post diutinum car-
cerem, è ditissimo in nosocomio men-
dicus moriens, pellice tanquam saga à
sacris quæstoribus capta, damnataque
ad publicam verberationem infami spe-
ctaculo.

Non absimile quid Panormi conti-
git; ubi primarum partium Patronum
monuit, ut obscœnam tabulam ab eo
remotam cubili, quò clientes frequen-
tissimè conveniebant, vel deleret, vel
ureret; facturum ille totum in se re-
cepit, sed postea vel mutato consilio,
vel quod fallendi animo promisset, sa-
tis esse duxit picturam sub lectuli ta-
bulas abiicere. Vbi id Aloysius Deo
docente cognovit, Patroni domum re-
petens, eum fractæ sponsionis acerbius
arguens, cumque ille negaret conceptis
verbis

verbis: qua pollebat auctoritate ad lectum accedens inferioremque cortinam attolens tabulam latitantem mendacii testem ostendit .

ANNO MDCL. sub Autumnum cum in villas excurreret, suas etiam facturum vindemias, appetente jam nocte Parthenicum attigerat, & consuetis præludiis missionem indicebat, cum repente mittit hominem è concione, qui Petrum quemdam ad se duceret mille passibus inde distantem; renuit ille dilato in sequentem diem adventu; mittit eundem, iterum mandans omninò veniat, tanti essem, ut protelari minimè possit. Renuit secundo Petrus, & nuncio solum redeunte, ALOYSIUS manibus vultum regens, enixè DEVM rogat, mittat ad serenitentem, quem ipse vellet incolumem; tum venientem conspicatus Petrum amplectitur, & ex via fatigatum eduliis recreat. Quibus ille delinitus blanditiis, refecto corpore, ad animum instau-

staurandum conversus , clamat velle se
 aperire sua crimina , quæ septem annos
 silverat , quibus ab ALOYSIO auditis , ri-
 tèque solutis clamat ille præ gaudio : jam
 Cælum teneo , cui prò lætitia gestienti ,
 vera refers subdit ALOYSIUS , nec ego te
 frustra tanta , importunitate vocavi ; vi-
 deram enim hoc esse momentum , unde
 tua pendebat æternitas , & væ tibi si re-
 nuisses , ut cæperas . Et hæc è plu-
 rimis lecta sufficiant , nam

sexcenta id genus

in actis ha-

bentur :



C A P V T . VIII.

Aloysius prodigiorum patrator.



ACTENVS suis locis , quæ lo-
quens ALOYSIUS prodigia pa-
travit in animis ; nunc quæ
corporum ediderit beneficia
turmatim , parcè tamen ut antea profe-
ramus . In quo necesse habeo præfari ite-
rum , quæcumque narrantur , & idoneis
munita esse testibus , & ritè cognita .

ALICATENSIS fæmina è molestissimo
multorum annorum fracti inguinis mor-
bo , tacto ALOYSII è suggestu descenden-
tis pallio repentè convaluit . Catanę eum-
dem morbum , qui per quadriennium
contumax , tot medicis , pharmacisque
restiterat , FRANCISCA MARIA SCALIA è filio
depulit , vestis ejus fragmento affectę par-
ti alligato .

D. LAVRIA Famica , & ipsa Alicaten-

M

sis

sis, imminente Quadragesimali jejunio , quò illud posset valentior de more percurrere , febrim , qua vexabatur sibi optabat auferri . Quod , osculata pallii fimbrias statim obtinuit .

IACOBA Pons-de-leon Melitensis novennis, strumis omninò perdita , missa est , quò sospitatem impetraret ad ardentem Divi Antonii Lampadem ab Aloysio , jussaque eo oleo collum perungere . Ingeniosa suo bono puella rata frustrà se ad absentem Thaumaturgum mitti , cum haberet præsentem , illum insequuta , posteriori ejus pallii partem collo obvoluit ; hinc apostemata, sanies, tumor omnis evanuit; quibus fuerat sex ipsos annos vexata .

MARGARITA Salerno , quæ tres menses domi se continuerat cassa lumine, ad celebre jam illius pallium convolat , præstolataque descendente à pulpito , venit, tetigit, vidit, & leta beneficio extollit in concione miraculum .

D. IACOBVS Tauromeniensis de alumna
sua

sua testatur , æmulatam illam Mulieris Evangelicæ fidem , dicentis : *Si tetigero tantum fimbriam vestimenti ejus salva-
ero* , eandemque consequutam esse ex eodem , quo olim illa morbo laborabat , sanitatem .

SED in illo veluti Eliæ pallio celeberrima quina simul miracula videamus . Theodoræ Mariæ Merulæ Acensis filius duos menses tertiana , longioris morbi appendice , laboraverat , uti etiam cibi fastidio , & nausea , somnique fuga , & puita in thoracem ex capite descendente . Ad ALOYSIUM tanquam ad medicam officinam , reliquas expertus inutiles , festinus accurrit . Et commodum ille tunicaementariis , fabrisque murariis exæquans iter ad locum , ut diximus Calvariæ , instabat operi , deposito , quò esset expeditior , pallio : cum æger redeunte jam febre , ALOYSII pallium induit , eoque vix obvoluto , enumerati quatuor morbi protinus avolarunt ; quin etiam è membris

sanitas descendit in animum; quem ante propensum ad vitia, non modò ad virtutes retorfit, sed etiam ad claustra, & ea quidem arctiora sanctissimi illius cætus, quem Capuccinorum appellant.

Quod si Pallium, extima, ultimaque vestis tantam vim ex ejus traxit artubus; vires longè efficaciores ad imperiendam sanitatem intima involucra, quæque ei magis hærent, habuisse fatendum est. Hinc est, ut ejus indusium lepram repentè depulerit; Reliquiæ parcissimæ ejus cænæ in Vincentiæ Trapani ex oppido Petra ubera lac infuderint, quæ tot jam exucta partibus, Antonio novo filio non fluebant.

Et videre erat, ubi ille cibum sumpsisset, raptim analecta referri, vel in amuleta, vel in sancta lypsana. Quod sequitur æquè virtutem ALOYSII, ægrorumque pietatem commendat.

D. N. Tripodo Hyccarensis Sacerdos sputo è suggestu, ubi concionatus fuerat

fuerat ALOYSIUS corraso strumas, oblinens à se depulit; eodemque inuncta mulier Alicatensis, æquantem ossa, quæ clauduntur in Persicis, lapidem emisit; obstupefcentibus medicis scabrosum existisse sine spasmate.

QUI prodigiosum in Eliæ modum gestabat pallium ALOYSIUS, Eliseum etiam prodigiosum in aquis est æmulatus; & hic quidem pleno usus est Iordane, ut unam lepram septenis lotionibus depelleret, ipse unica etiam gutta nesciens omne morborum genus abigebat; & quoniam ægrè impetrassent, aquas, quibus sacrificaturus manus abluebat, exceptas pelui servabant, & largiebantur avarè. Sebastianus Noreggia Alicatensis vix paucas hujusmodi aquæ guttas hauserat, cum repentè à quartana convaluit, qua nonum jam mensem laborabat.

Dè alterius vita jam conclamatum erat angina strangulante, cum paucè ex eadem aqua guttæ, vitæ ægrum, incolumitati-
que reddiderunt.

Io-

JOSEPH Noscia lumine jam captus dextero , aquæ illius aspersione ad geminum rediit oculorum lumen .

CALATAGIRONI D. Iacobus Palmerius pupulus adeò fædo affectus ulcere , ut benè valentem virum confecisset , ea tinctus levitèr aqua , redditus est sanitati .

ANTONIUS Sylvester , Andreas Ferri , Andriana Noreggia , Petrus Bontade , in actis testentur febres , calculos , cecitatem , aliosque hujuscemodi morbos hac aqua demersos . Hic verò ne longa sit Epitome indicatos tantummodo se patiantur .

CVPIEBAT Populus , ut quæ per aquam prodebantur miracula , in aqua etiam patrarentur ; equè nimirum divinitùs aucta , ut omnes jam ferè occurrentes possent accipere : sed fecit copiam pia Sanctimonialium semper ingeniosarum industria . Hæ in suo D. Bernardi Templo faciente ALOYSIO , Ædituos erudire , ut dum ille dè more manus sacrificatu-

caturus elueret , quod idem in ipso Sa-
cro , eoque absoluto faceret , aquas lar-
gissimè infunderent , exciperent avarissi-
mè ; sibi que deinde traditas servabant
tamquam sacra lipsana vasculis , gutta-
tim in loco , & tempore effundendas ;
caverent verò ne id persentisceret ALOV-
sius , ne vena exaresceret . Quod tunc
etiam cautum est , cum cæco ea aqua
illuminato , & jam jam clamitanti , qui
aderant imposuere silentium ; ut unus
ignoraret prodigium , qui unus edide-
rat , ne uno cognito , cætera in poste-
rum supprimeret , homo scilicèt ad oni-
nem humilitatem factus , & in sui con-
temptum semper intentus . Quod in me-
morato oppido Græcorum contigit ;
cum enim ibi schedulas cum Agni cerei
fragmento largiretur pueris , ad foven-
dam ætatis illius pietatem , conciliandam-
que frequentiam missionibus non inuti-
lem ; exque morbos omnes depellerent ,
præsertim verò , quæ ibi grassabantur ,
quar-

quartanas ; puer accurrit ab eo petens ,
 quam acceperant alii Schedulam ad abi-
 gendam febrim ex frigore ; increpuit
 puerum Aloysius , sociisque edixit , ne
 in posterum hasce chartulas largirentur .
 Verùm quis egentis compescat indu-
 striam ? semel evadentem fallebant mil-
 lies , piisque dolis sanitatem impetra-
 bant . Corollas , & ferta , quæ dicunt
 Rosaria ad persolvendum Deiparæ cul-
 tum petebant ; quæ , ubi ejus manus at-
 tingerant , tantam induebant efficaci-
 am , ut singuli globi in centenos dif-
 fusi eadem virtute pollerent . Quod Ca-
 tharinæ Bellæ Mascarenensis corollæ con-
 tigit , postquam à viscerum dolore ,
 quo sæpè redigebatur ad incitas , po-
 stremaque Sacramenta , omninò conva-
 valuit .

NEC ejus largitatis bestię prorsus im-
 munes ; Mascari Tauromenium profectu-
 ro Aloysio equus quærebatur : rogatur
 Laurentius Luganà , ut suum como-
 det,

det, utinam, inquit, ille valeret, sed foedissimo apostemate, vermibusque scattente laborat: utitur tamen illo ALOYSIUS, & sanum paulò post, valentemque remittit; quod & Alphonso Capiblanco contigit, eo tantum discrimine, quod equæ ejus ulcus, & si insanabile, domitum tamen est *Sacra sarcinæ uestigatione*, ut in laudem Sancti Laurentii scribit Augustinus. In quo genere tot essent dicenda, ut meritò illud usurpare posses: *Virtus de illo exibat, & sanabat omnes.*

SED jam non morbos tantùm infimi generis servitii ALOYSII nutibus obsequentes, sed elementa ipsa videamus. Incipiamus ab aere. Eques, parco nomini, & patriæ abstractam sibi ab ALOYSIO pellicem, abditamque in hujusmodi resipiscentium claustrum ferens ægerrimè, fractis loci foribus rapuit, & post tam egregium facinus ausus est etiam interesse concioni; stomachante Vrbe tam effrenatam

libidinem , effrontemque licentiam : Zelus Dei rapit extra se ALOYSIUM , & tam acritè in petulantem equitem est invehctus , ut insontes ipsi toto corpore contremiscerent . Infraeto ad hæc ambusto illo torre libidinis , magis , magisque incensus ALOYSIUS , nec amplius tantum DEI ferens contemptum : quoniam , inquit , non profectura torqueo verba , horrificum fulmen Olympus intorqueat , quò territus resipiscat reus : vix verba protulerat , cum sereno cælo tanto fragore , tanto impetu excussum est fulmen , ut omnes omninò exhorrescerent , uno tantum scellesto illo impavido . Quo desperato , Concionis consulens pavori , satis est , inquit manum Cælo intentans , depulsaque repentè coorta tempestate , sua iterum redit cælo serenitas , ostendente magis Numine quantum sibi complaceret in ALOYSIO , quàm quantum sibi displiceret in fonte , cujus cor induraverat ,

rat ; maximo omnium , quibus uti soleat DEVS , supplicio .

QVI sereno Cælo ciebat tonitrua , turbato longè facilius pluvias concioni suæ imminentes , ne eam interturbarent , dissiiciebat . Illud in eo genere admirandum , quod largius effracto Cælo fluentibus , qui eum sub dio audiebant , omninò securi eas evaderent . Quod pluries contigit ; sed quod bis in eo genere tantum contigit commemorare , sit satis . Anno MDCXLIV. in eo propè Messanam tractu , qui Grumentum , nunc Saponaram , inter , & oppidum S. Petrum interiacet , pueros Christianæ Sapientiæ rudimenta docebat , cum à Socio Iosepho Bellomo teste prodigii , moneatur , ut canat receptui ob pluviam : cui ille nihil esse quod timeat , binasque alias horas prosequutus est docendo siccam omninò concionem , discurrentibus interea sagittis , fulgetris terrentibus , imbre verò cingente cætum non madefaciente , nisi

plantas , cum absoluta doctrina redeundum fuit in ædes . Simile quid in Drepanensis Collegii prædio contigit , cui nomen Charta falsa . Hic dum sub Auroram facientibus sociis , ipse rusticos in atrium collectos breviter expolit, soluto jam in imbres Cælo, à cæptis ipse non destitit . Federicus Buscemi loci custos superveniens , dolet quod tam largum imbrem exciperent ; cui ille ; atqui hic minimè pluit , & ità esse ut ille asseverabat expertus , testis fuit locupletissimus . Ab aquis gradum brevi itinere faciamus ad merum toties ab illo mirum in modum auctum , ut non sæpius id à Sanctis viris factitatum legamus . Semel in Terranova , Nari iterum , iterumque Alicatæ , rursus ad Ætnam non uno aucti vini miraculo , sed etiam cum ea appendice , quod illius vini reliquæ , vasculumque morbos deinde pellebant .

C A P V T. IX.

*Aloysius uti cælo propitio, sic
Tartaro usus adverso.*



XVLTANTE in præclarissimis
Sancti Viri gestis Cælo, Or-
cum fremere necesse fuit,
qui suam non uno modo te-
status est rabiem, irrito tamen sem-
per conatu, protegente res suas, qua-
rum præcipuus administer erat ALOYSI-
us, DEO.

IN Castrobono notæ virtutis fæmina
uni ex ALOYSII sociis, quid illis itinere ac-
cidisset, quàm fæda fuissent tempestate,
jactati tam disertè, graphiceque aperuit,
ac si comes fuisset viarum, subdiditque
fuisse eam auctore dæmone excitatam,
ne tum quidem quiescente, sed la-
pidem omnem movente, extremamque
manum admovente Missioni disiciendæ;

et væ

etvæ oppido isti, inquit, nisi tartareus hostis, qui susque deque miscens omnia molitur funditus illud excindere, adversantem sibi habeat ALOYSIUM, nefarios conatus adeo strenuè infringentem, ut etiam dum aliis somnum videtur capere, cum terribissimo hoste confligat. Vidisse seradium lucidissimum ex ejus ore digressum ad altissimum DEI Thronum pertinentem, & quidquid vellet impetrantem. Eadem aliàs viderat Concionanti ALOYSIO ingentis speciei Angelum adstantem, opemque ferentem. Hæc illa clam de Satanæ cuniculis. Ipse verò palam Messanæ Canis rictu insanis latratibus dicentem ALOYSIUM turbare conatus, illud obtinuit, ut subsisteret: verum cum rediret ipse ad dicendum, ille ad fædos latratus, jussus est ab ALOYSIO silere, cui statim paruit. Locupletiores verò testes furentium, sævientiumque in ALOYSIUM Dæmonum fuere focii, qui excitatas repente tempestates, sereno cælo typho-

nes,

nes , debacchantes præter morem ventos , equos territos , referentes pedem , præcipientes , dejecti equis , ephippiisque in malos genios referebant , & Aloysio addenti territis animos præsentem, debere se fatebantur opem , nequidquam Dæmone persequente ; cujus majores in Aloysium machinæ , quem & è suggestu præcipientem , & ex equo mox egit in flumen , mox eundem erectum , postremisque pedibus insistentem prostravit humi , & inter ipsos Missionis labores , & evangelica sata inimicus homo supereminabat Zizania , irritatis inter se partiaris præsertim sacrorum Templorum , & si quid infausti , si quid calamitosi tunc accidisset odium in Aloysium , ejusque socios referebat ; Sempèr verò Aloysii constantia , hostis teterrimi vel versutias eludente , vel impetus compri mente , eumque terra , marique vincente .

DVM Messianam peteret , celocem ,
qua

qua vehebatur adeo inexpectata, fadaque concussit tempestas, ut complorantes vectores, nautaeque perterriti ab uno Aloysio incolumitatem, & expectarent, & peterent. Ipse flexis in puppi genibus detecto capite ventos, imbres, tempestatemque toto corpore accipiens, oculis caelo defixis se pro communi sospitate devovit; tres integras conflavit horas, ab eoque stetit victoria, & domiti in Pelago Daemonis triumphum egit in littore, quod ut tenuit, dum alii ignem, telum, cibos, quaerunt, ipse ut erat madidus, totusque perpluens genibus in arena positus totam oravit noctem incarnatus, impransus. Sub auroram ubi a nautis cognovit tumido etiam num mari, & reflante vento iter non esse tentandum ad proximum cum sociis divertens oppidum, cui nomen Alasæ in apice montis extructum ad fugiendos piratarum incursum, arduum iter tanta celeritate superavit, ut Carolus inter Nau-

tas expeditissimus adolescens jure jurando affirmaverit se se valentem , & cibo , somnoque benè curatum ejus insistere vestigiis minimè potuisse . Ibi tumultuario excursu reddidit oppidum felix concionibus , & sequutis inde exhomologibus , morumque commutationibus ; ut poenituerit Satanam tempestatis immis-
sæ ; quam ALOYSIUS in oppidi incolumitatem convertit . Et hæc quidem magna ex hoste reportata victoria , sed quam posset callidus dissimulare , & mendacissimus inficiari . Illa vocalior , quam Sici-
eli in Vrbe nobili coactus est miser palam proprio ore fateri . Eiulanti per fami-
nam , quam infederat , dæmoni dum ipse diceret , concionemque turbanti ALOYSIUS indixit silentium ; parvit tunc ille , sed absoluta concione veluti solutus imperio , ad ejulatus , inconditosque clamores rediit . Ducta est mulier ad aram Deiparæ , jussusque Dæmon sacris carminibus ad id factis misellam deferere ;

respondit se minimè discessurum, nisi
ab Aloysio jussu. Quæritur ille undi-
que, inventusque orans in eodem, &
in quo concionatus erat suggestu, ro-
gatur, & tantum non rapitur mani-
bus, ut opem ferat afflictæ. Negat ipse
tanti esse apud se Dæmonem, ut eum
præsens expellat, satis esse ad eum detur-
bandum laneum cingulum, quo vestem
cohibebat, quo præcincta mulier soluta
est maleficio. Fuit hæc incruenta victo-
ria, quippe qua corpus tantum fæminæ
ex ejus rictu abstraxit; illa sanguinolenta,
qua eum ex Presbyteri lumbis, quos
fædus infederat, extraxit. Et erat di-
gnum cælo spectaculum. Vri se miser il-
le sentiebat, sed tacitus, luens pœnas ha-
biti minus humaniter ALOYSII; Is, qui
eorum commodis à quibus læsus esset,
serviebat impensius, ubi sensit inurbani
fratris periculum, oculis, nutu, im-
perio, & totius veluti nisu corporis in-
ejus renes intentus tandiu institit, do-
nec

nec sulphuream è lumbis suis flammam
facefferè victor tandem vidit ; qui tam
fædè conflictabatur ; Duplici beneficio ,
& debellatæ Veneris ; & compendiò ve-
recundiæ ; cum nec ipse ALOYSIO vul-
nus aperuisset , nec ab eo super hoc
verbum accepisset . Tot tantif-
que victoriis malus dæmoni
debilitatus plurima ei defe-
rebat obsequia, sed ALO-
YSIUS , ut eum bel-
latorem fregit ; sic
contempsit
adulan-
tem.



respondit se minimè discessurum, nisi ab Aloysio jussum. Quæritur ille undique, inventusque orans in eodem, in quo concionatus erat suggestu, rogatur, & tantùm non rapitur manibus, ut opem ferat afflictæ. Negat ipse tanti esse apud se Dæmonem, ut eum præsens expellat, satis esse ad eum deturbandum laneum cingulum, quo vestem cohibebat, quo præcincta mulier soluta est maleficio. Fuit hæc incruenta victoria, quippe qua corpus tantum fæminæ ex ejus rictu abstraxit; illa sanguinolenta, qua eum ex Presbyteri lumbis, quos fædus infederat, extraxit. Et erat dignum cælo spectaculum. Vri se miser ille sentiebat, sed tacitus, luens pænas habiti minus humaniter ALOYSII; Is, qui eorum commodis à quibus læsus esset, serviebat impensius, ubi sensit inurbani fratris periculum, oculis, nutu, imperio, & totius veluti nisu corporis in ejus renes intentus tandiu institit, do-

nec

nec sulphuream è lumbis suis flammam
 facessere victor tandem vidit ; qui tam
 fædè conflictabatur ; Duplici beneficio ,
 & debellatæ Veneris ; & compendio ve-
 recundiæ ; cum nec ipse ALOYSIO vul-
 nus aperuisset , nec ab eo super hoc
 verbum accepisset . Tot tantif-
 que victoriis malus dæmon
 debilitatus plurima ei defe-
 rebat obsequia , sed ALO-
 YSIUS , ut eum bel-
 latorem fregit , sic
 contempsit
 adulan-
 tem.



C A P V T X

*Postremus Aloysii morbus, &
Sanctissimus obitus.*



ENTATVS sæpè Aloysius est
commotiunculis, & morbis
ex injuriis, quas DEO à mor-
talibus, irrogari ferebat æger-
rimè. Crescentibus verò æquè peccatis,
& morbis proinde ingravescentibus, vi-
ctus tandem dedit manus, & uno eo-
demque itinere è tot noxarum, scele-
rumque cano, & vitæ miseris ad opta-
tissimos Sponsi sui evolavit amplexus; &
euenit mors non solum fatigata votis,
sed qualem semper optaverat labores inter
immodicos, & sacros excursus. Recens
è morbo, nec dum bene valens Carinen-
sem expeditionem extorsit: quamvis enim
ejus antistites obfirmassent animum in re-
ducendis habenis, ut quàm diutissimè
serva-

fervarent incolumem : nescio tamen quò dolo quà rogando , quà suadendo eorum fallebat solertiam , & quidquid laborum , quidquid afflictationum , & cruciatuum sibi interdictorum voluisset , ab invitis , & negantibus impetrabat . Igitur Panormo Hyccaram, vulgò Carinū, quindecim tantum milliaria inde distantē profectus ; vix ex equo desiliit, cum totum lustrans oppidum, more suo tintinnabulo civēs monens , & sonum verbis subinde distinguens, missionem indicit , fructu animorum maximo, quippè postremo. Nec inter tot animorum lucra suam sanitatem desideravere corpora. Agatha Gritti D. Andree Vecchii, qui eum exceperat hospitio, famula , acerbissimis viscerum conflictata doloribus accurrit ad ALOYSIUM ; & nā opem feras, inquit, ipse prior lues pœnas, languente , quæ cibos paret , domumque procuret . Subridens ALOYSIUS , in eamque extendens dexteram in crucis signum conformatam ab inveterato morbo
num.

nunquam amplius vexandam dimisit incolumem. Tonsor, qui ei in munere suo erat ab obsequio enarrans Ioannæ filię recens natæ pene oculorum orbitatem, tot doloribus comitatam, ut sibi, totique familiæ maximæ esset molestiæ, illud subdidit tentans eum: utinam Sancti aliqujus analectum salubre invenirem, quo morbum medicorum pharmacis contumacem depellerem: bono, inquit ALOYSIUS, esto animo, & chartulam, qua fragmen agni cerei claudebatur extrahens: En tibi amuletum prò pupula, applica oculis, ita tamen, ut antea tu, uxorque tua orationem Dominicam cum Salutatione Angelica pronunciaveritis. Rediit postero Die laudans Deum, & viro DEI gratias agens.

CUM comitantibus pueris Urbem lustraret populum ciens ad Templum, fortè fortuna equus irruens in puerum, posteriores calces tam valenter elisit, ut ab omnibus haberetur prò mortuo; accurrit

fit ad commiserantium voces. Aloysius, cumque apprehensum, susque deque manibus vertit, tum humi rectum posuit, iussitque sequi praeuntes. Cætera in hoc genere non persequor, fusiùs alibi prosequuturus.

Er jam quartus erat ab incepta missione dies, cui Dominicus imminebat Sacrae Synaxi deputatus: cum Aloysius, ut agricolas serò è campo redeuntes ad eam excoleret magno ardore animi, & corporis contentione diu allocutus, cum iisque se crudeliter diverberans, ut erat sudore, madidus, eorundem confessiones sub dio, quò mane essent expeditiores, excepit ad quartam noctis horam, brevem antiquis ejus laboribus metam, nunqverò afflicto, & perduto penè corpusculo tam intolerandam, ut manus dederit, ictum se in pectore sentiens, consequente mox ardore, tum tanto frigore, ut totis artubus contremisceret. Nec tamè tot laboribus, morbisque victus cessit.

sed.

sed postridiè conscenso suggestu ad prima verba omninò defecit: quis tum populi sensus fuerit, quis sociorum, facile est coniicere. Iussus est decumbere, extorsit tamen solita illa sua suada, & vi flexamina, ut liceret sibi à prandio supplicationem è suggestu aspicere, & tacitū, oculis, vultuque tantum excitare; & sanè visus tantū lacrymas excitavit uberrimas: socios verò, medicosque citò prænituit facilitatis suæ; nam seu modica illa progressionē, seu aspectu signorum, quæ circumferebantur Christi cruciatus exprimentium, ita celeratus est morbus, ut non sineret eum ultra subsistere. Decumbentem qua frequentia, quo gemitu convenirent, etiam princeps Oppidi, ejusque natu major. Dux Villæ Regalis, cogitatur melius, quàm enarratur.

SECVIT jacentis venam Honufrius tonsor ille, quem supra memoravimus, qui licèt operæ suæ pretium jam cæpisset reddita cæcæ filiæ sanitate, adhuc aliam
sectio-

fectionis mercedem retulit servata lanceola, qua eum pupugit, & gossipio, quo deterfit sanguinem, ad pandenda prodigia, quod non semel contigit. Quod de se fatetur Antonius Marinus retento tertium jam diem lotio redactus ad incitas, & conclamatus. Verum cum Thesaurum domi repertum, vel subnascentem ad Dominum omnia jura pertinere proclamant, sanguinem è vena expressum crystallo exceptum asservat. Vecchius in uberrimam officiosissimi mercedem hospitii, & domus suæ decus, atque præsidium; dum qui in Aloysii gesta inquirebat, cum illuc excurrisset, ostensum sibi ingenti animi sui voluptate testatur; visumque sibi sanguinem purpureum, non secus ac recens effusum. VERVM cum vires in horas morbus fumeret prodens se in sudore, quem Diaphoreticum medici appellant, & om-

niò lethalem esse pronunciant, re-
ditum socii maturabant; & quamvis
non pauci stationem potius suaderent,
vicit tamen sententia de reditu, cum
suus Panormo deberetur alumnus. Di-
gredientem suis digressa sedibus tota
comitata est Vrbs lachrymans, petens-
que ab ALOYSIO in tanta amoris signi-
ficatione postremum vale. Vecchius do-
mum rediens reperit illam hospite va-
cuam, sed non prodigiis, nam Famu-
la dum lina, quæ illi fuerant usui ab-
luit, odorem suavissimum hauriens, nec
sibi à vocibus, & admiratione tem-
perans, dum nolens viciniam miraculi
admonet; coactus est Dominus ne-
quidquam dolens, carpensque famu-
lam, cuncta in frustra concisa partiri,
lecto tantum integro sibi servato. Si-
mile quid Aci contigit Catharinæ Patà-
næ, quæ exceperat eum gaudens domi-
suz, & salus ipsius domui facta est pio e-
jus indusii furto, de quo alibi fortasse non-
nulla.

VT Hyccara ALOYSIUM mærens dimittit, ita revertentem gestiens Panormus excepit: ubi domum Professorum tenuit, emensus iter breve illud quidem, sed admodum laboranti longissimum, in quo *Pertransit benefaciendo, & sanando omnes* opem ejus implorantes, & animi incolumitatem etiam invitis mulierculis impudicis obtrudens, intento jis terrore: Medicus M. Antonius Alaymus edoctus omnes morbi periodos, jussit eum illa nocte quiescere; qua nocte cum à socio, qui ei semper adstitit, rogaretur, ut quid in sacris expeditionibus agendum esset statueret, & testamento firmaret, penè cohorruit: mox omnes, inquit, præsertim verò qui sacro excursionum munere distinentur ab Antistitum suorum ritu pendeanť necesse est, quidquid illi jufferint oraculi loco habendum, quidquid interdixerint inter sacrilegia numerandũ. Intendente se morbo, sacro voluit muniri

viatico, quod cum petendum esset è tēplo
 in magna populorum frequentia ad sacrarū
 Servatoris nostri plagarū adorationē tunc
 fortē confluyente, rumore edito ALOYSIUM
 in extremo conflictu esse, audita inter
 gemitus vox est illi gemina, quam in
 Apostoli Andreæ agone auditam sacrę te-
 stantur Historiæ: *Concede nobis homi-
 nem justum: redde nobis hominem san-
 ctum; ne interficias hominem tibi ca-
 rum; justum, mansuetum, & pium;*
 quæ omnia in ALOYSIUM cadebant egre-
 giē. Non impetravit, ut humi jacens
 quod petebat Eucharistiam sumeret, sed
 tantum, ut se ipsum accusaret, quod
 in homine laude omni dignissimo adeò
 commovit adstantes, ut Christus adve-
 niens omnium lacrymis exciperetur.
 Cumque citatis equis properaret ad pa-
 triam, excipientibus se Sacramētis, P. Prę-
 positus Sacro inunxit oleo, cæna refe-
 ctum Eucharistica, pransurumque mox
 apud Superos. In tanta accedentiū, con-

venientium, salutantium mixta lacrymis
jucundissima voluptate, unus, qui ei
semper aderat cohorruit Socius, cum ex
eo audiret illas plenas horroris voces:
Valdè timeo. Sed memor idem Hilario-
ni obtigisse paventi, Divinæ largitatem
misericordiæ revocavit in mentem; ad-
vertitque humilitatis potius eas voces es-
se, quàm timoris; cum eum valetudi-
nario dicentem audiret, se ut pecus sto-
lidum emori, nullo tunc sensu pietatis,
nullo anteaçtę vitę peculio. Vndatim jam
ad eum videndum Proceres confluebant;
quos omnes obtentu dolorum exclusit,
admissis jis tantum mancipiis, quæ ipse
à Mahometo ad Christum traduxerat.
Invidentesque Domini mancipiis for-
tem, quæ urbanius ab ALOYSIO tractari,
atque excipi videbant, per sanctum do-
lum velle se famulos suos sistere dicebant
ALOYSIO, atque per eos Dominis factus
est aditus; quos ut vidit fracto aggere per-
rumpentes, dolum dolo eludens, quos
ha-

hactenus dolores presserat, permisit ingemitus erumpere; quibus liberum relinquens exitum, turba Procerum sponte discessit. Dimissis ea industria Proceribus, quorum uni oranti, ut sui memor esset in caelo, timeo Domine, inquit, tartara, & tu de Caelo tam fidenter loqueris? succedere domestici quorum recreabatur aspectu, nec avelli potuerunt nisi nutu Praepositi, nonnullis hoc vel illo obtentu moram extorquentibus. Relictus sibi recitari voluit à Socio Sacrae passionis historiam demissa voce, ne dormientem propè valetudinarij curatorem excitaret, concisimque ut melius cuncta mente percurreret: illas insuper occini Deiparae laudes gaudebat, quas olim docuerat.

Mater DEI Memento mei peccatoris,
atque rei.

Aqueductus gratiarum dona fontem
lacrymarum,

Regina Angelorum, esto auxilium
Christianorum

*Ioachim, & Anna filia tuo Filio nos
reconcilia.*

*Advocata peccatorum, portas aperit
Calorum.*

QVIS postremæ ejus noctis spectacula
explicet! Toti in curando corpore va-
letudinarii adeò solliciti, ut dum re-
staurare nituntur penè perdiderint. To-
ti in animi instauratione focii per pre-
ces, per breves, ignitasque sententias
excitandæ menti aptissimas citrà defati-
gationem evanescentium sensum virium.
Toti ad eum terrendum Dæmones,
qui eas plenissimas timoris extorsere vo-
ces: totus in ope ferenda Michaël,
quem semper coluerat; adeò ut in-
ter alternantes illos spem inter,
metumque animi motus socio ad me-
tum abigendum intento, rogantique-
num occini sibi vellet Psalmum illum:
Confitemini Domini quoniam bonus: Ita
planè, inquit; cumque in illo Psalmi versu
aliquantulum immoraretur, ut animos
ad-

adderet: *Fortitudo mea, et laus mea Domine*: bene est, reponit ALOYSIUS, sed res jam in tuto est: Tu interim cave ne id cuiquam dum vivo aperias, nec longum tenendum silentium, instat enim discessus, & ego cum Gonzaga meo *Latatus sum in his quæ dicta sunt mihi in domum Domini ibimus*; & ire se in domum Domini luculentè ostendit; cum inter Deiparæ, Natiq̃ue, quorum è regione frater quidam suspenderat imagines, nutus, verba, suspiria, sensa dispensans placidissimè obiit, ovanti propior, quàm morienti, die S. Ursulæ sacro, completa jam octava noctis hora, anno ætatis suæ sexagesimo quinto, sæculi autem quinquagesimo sexto, quorum nihil yacat misterio, ut mox aperiam.

CAPUT XI.

*Quæ mortem præcesserint Vaticinia,**Quæ exceperint Prodigia.*

EODEM anno superioris sæculi, quo editus fuerat in lucem S. Ignatius Lojola, subsequente sæculo natus est ALOYSIUS, & quomodo fuerant in ortu conjuncti, ita in morte non sunt separati; cum quinquagesimo sexto superioris sæculi Ignatius, eodem posterioris Aloysius evolarit ad superos. Nec illud omittendum eandem emensum esse cū Parente sanctissimo vitæ periodū annorum scilicet LXV. Signanda post annum dies, quæ incidit in undecimum Kal. Novemb. quo ille die sibi moriendum multo ante prædixerat. Nam cum semel Canonicus Vianisius eum ante aram Sanctæ Vrsulæ in anniversaria ejus celebratione diu vidisset orantem,

Q sci-

sciscitatusque ab illo esset , an in illam
singulari pietate ferretur ? annuit ALOY-
sius , conjiciensque in Virginem signife-
ram plenissimos amoris oculos, illud diser-
tis verbis adjecit : meminist rectè Vrsula ,
quibus illam promissis obstrictam habe-
am , quæque sit mihi futura comes pro-
pitia in itinere , quod die illi sacra simul
habebimus . Manifestum id quidem , il-
lud clarius , cum Carinum discederet ,
Magdalenam Græcam servili genere, sed
animo, & virtute supra ingenuam ex ter-
tio , quem vocant ordine S. Theresiæ ,
alloquens, post multa illud addidit : sic ha-
beto ; Sanctæ Vrsulæ anniversaria die in
monte Sancto (est id Carmelitarum stri-
ctioris observantiæ Cœnobium) magnæ vir
Sanctimonix evolabit ad superos ; eadem-
que die erit in nostro templo frequen-
tia nunquam ante hac visa celeberrima .
At illa : quid audio ? nil unquam tale ini-
bi vidisse me memini . Tunc ALOYSI-
us : ne ultra quære , veni , & vide . Ve-
nit

nit illa vidit , & eum flevit extinctum ,
funusque illius Urbis frequentia coho-
nestatum , vel ut inelius dixerim ex-
pectationem funeris ; nam funus cele-
brari prohibuit accurrentium nobilium
Matronarum tam spissa corona ; ut oc-
cupato Templo, exponendo cadaveri, &
funebres preces persoluturis locum mi-
nimè reliquerint . Provido proinde con-
silio pompam funebrem rejiciunt in-
importunissimum accedendi tempus à
prandio, quo tempore intra aræ maxime
cancellis vicino cadaveri sine strepitu ju-
sta persolverent . Verùm quis amantissimos
Cives falleret ? vix dato ferali æris campani
sono ad convocandos domesticos , rati id
quod erat, ad tumultus ex frequentia vitan-
dos, ALOYSIUM efferri, statim Proceres, ple-
bsque turmatim irrumpēs nullo discrimine
ad funus propriùs accedere certarunt ; &
Extinctum Aloysium tangere , non sine
lacrymis suaviari, vestes , capillos, unguis
auferre ne membris quidem parsuris, nisi

religio , obsistentesque prohibuissent . Et quidem fatigatis prioribus , recentes valentioresque suffecti , qui turbam ità arcerent , ut artus tantum defenderent , nam ab aliis surripiendis ità difficile erat , ut , non modò bis indutum , bis spoliaverint , verùm etiam à vestibus ad alia digressi feretrum primùm in frustra discerptum , mox scamna ipsa , quibus innitebatur feretrum minutatim concisa raperint . Et fuit tanto Urbis amori , venerationique par merces , cui si ego manum admoveam , seriùs me à prodigiis enarrandis expediam , quàm se turba à feretro dimoveri passa est . Demetam igitur tantùm , quæ eminent . Et primò quidem Templum simile erat emporio ; ut enim hìc singuli suas merces inclamant , ita quisque suum morbum , cui ab ALOYSIO petebat remedium , quo impetrato , acceptum beneficium altiùs ingeminabat ; in quo etiam illud geminum , ut enim non nemo nihil empturus accedit

dit ad nundinas, auditis tamen allicientium vocibus, & obtrudentium merces, inemptis reculis non abscedit, ita non defuit, qui fortè fortuna transiens auditis tot prodigiis non inde nihil donatus abscessit. Hujusmodi fuit Maria Iudici, quæ ingressa Templum vitandæ pluviae gratia, dum fugit imbres in saluberrimum incidit fontem, ubi dolores arteticos, quibus novem jam annos conflictabatur, deposuit, cum enim audisset mercimonium ibi esse salutis, apprehensas ALOYSII manus non ante dimisit, quàm se dimissam sentiret morbo; exultavitque fæmina præ salute; cujus cura consanguineis plusculos jam frustra annos permagno steterat. Fortuitum hoc prodigium alterum præmeditatum excipiat: Anna Badulata, quæ ab ortu oculis adeò laborabat, ut in jis spinas sibi habere videretur, adeò sensim crescente dolore æquè ac morbo, ut septennis cæca omnino evaserit. Corrupe-

perant præter morbum oculos lachry-
mæ , quas ex luminis jactura funde-
bat assiduas ; cum audit , quæ in ALO-
YSII tumulo eduntur prodigia , rogat-
que Matrem ad illum se ferri . Durior
mater pernegat , sed mollior Avia non-
ferens inconditos plorantis gemitus , cę-
cam manu duxit ad Templum . Verùm
timens sibi vetulæ , si turbæ commisce-
retur , mortem , dum neptis cęcitati con-
sultat , eam ibi reliquit . Illa & ætate , &
accedendi cupidine valentior immixta tur-
bæ , ea parte , qua major strepitus re-
ctà sibi videbatur ad tumulum ferre , rapta
magis , quàm incedens , pervenit tan-
dem ad feretrum , pampinosque inde ra-
ptos oculis admoventis tantum profecit ,
ut jacentis pedes aspiceret , ad eos ar-
ctissimè apprehensos advoluta , non
dimittam te , Sancte Pater , clamat , nisi
benedixeris mihi : nec eam sua fefellit
spes , nam vix eo transacto temporis
spatio , quo celeberrimus ille Pænitentię Psal-
mus

mus pronuntiatur surgens gratissimo undecumque spectaculo ingentem illam oculis lustravit frequentiam, in eaque Aviam conspicata, video, inquit, jam video, mox venio, ubi Medicum meum osculo pedum adoravero, [apud quos eam nacta sum incolumitatem, quam apud Medicos toties dilaniata, sectionibusque, & vulneribus in humeris, in fronte, in oculis, in cervice acceptis nunquam inveni. Et ad præstolantem rediit Aviam, & stupefcentibus, ut in simili inquit Augustinus, qui aderant, præibat exultans, viam carpens, & viæ ducem ulterius non requirens; mutato matris, domesticorumque in eo curanda labore, in instituyendo nomenclatore eorum omnium, quæ puella tunc primum videns oculis usurpabat, & quid quidque vocaretur curiosius inquirebat, & sciscitabatur frequentius.

CRESCENTIBVS prodigiis, crescebat in
horas

horas frequentia ; quisque pro se , pro suis decumbentibus , quidquid poterat auferbat , & commodum Autumnus , deficientibus floribus , pampinos dabat uberes , ex quibus feretro subinde applicitis prodigiorum Vindemiam exprimebant .

HÆC ultrò ALOYSIUS præstitit , illud promissi Reus exolvit . Gulielmus Dogana artifex è Castrovetrano incolumitatis ex inveterato morbo spem verbo firmatam habuit ex ALOYSIO : ubi illum rescivit extinctum , accurrit ad Templum impetraturus à mortuo , quod non extorserat à vivente . Verùm spe frustratus , quasi à decoctore recedens ad limen domus abiectus , tum recenti correptus dolore , tum acri sensu repulsæ in ejulatus est fusus , & lacrymas , & quid tam acerbè doleret à lanitore rogatus , causam fletus apervit , qui rejectaneam chartam , quam tantum in ALOYSII cubiculo reperit , dat ejulanti , ille applicitam

citam inguini repentè convaluit à rupto ; viditque ALOYSIUM, non tamquam decoctorem deservisse vadimonium, sed distulisse, quò obligatam fidem non sine teste liberaret. Evulgatoque prodigio, cingulum ferreum non amplius sibi jam integro futurum usui, beneficii testem reliquit.

FRANCISCVM Pica fistula sub dexteram aurem purulenta, sibi, domesticis, & uxori præsertim molestissima octo jam annos laboratem Ignatia mater, fragmento vestis ALOYSII integræ reddidit sanitati. Mirandum illud, & lepiddum quod Christinæ accidit Caccabensi. Hanc sex menses jam audiendi sensu privatam quidam è sacra Divi Dominici familia, flosculis detractis ex ALOYSII tumulto, jisque auri applicitis, sanam reddiderat; simplex mulier cum quamplurimos Sanctos ad salutem impetrandam fatigasset, ut ignoraret à quonam beneficium accepisset, ne cui neglecto ir-

R roga-

rogaret injuriam , nulli gratias egit :
Nullique grata rediit ad surditatem ;
tunc facta malo suo doctior pristinum
beneficium in ALOYSIUM retulit , ut no-
vum impetraret , iterumque agnito suo
benefactore convaluit . Illud mole sua
gravius . Catharina Genovesia recens à
partu prosperè in lucem edito , jis cę-
pit conflictari doloribus quasi laniatis
morsu visceribus , præcordiisque admor-
sis , ut medicorum , & obstetricum ne-
quidquam ope implorata brevi se cre-
deret morituram . Iamque per biduum
amens dolore singultans , ejulansque
clamaverat , cum è vicinia mulier mi-
serata porrigit vestis frustulum , quod
paulo ante , abstulerat , acceptum
mulier applicat utero , novisque partus
agitata doloribus , enixa est , mirum di-
ctu Lupinum caput , tam sævis armatum
dentibus , rictuque tam horrido , ut be-
nevalentem comminuere , ne dum fæ-
minæ recentis à partu viscera convellere
po-

potuisset . Terruit omnes monstrum , informe , horrendum , vivens ; puerperam tam sēdo levata hospite , cujus ante fuerat morfa dentibus , nunc aspectu perterrita vix sibi reddita , quas ALOYSIO grates persolverit , facile est cuique con-
jicere . Inter monstrosos etiam partus numerandus est Vincentii Pulci infans Ignatius natus sine cranio , cerebro fluitante , nec nucleo suo coërcito . Parens infelix Vincentius frondem ex ALOYSII feretro acceptam tenello capiti applicat , durata mox in cranium pellicula . Beneficium Ioannē Eliā collatum taceo , è geminis in illa patratīs prodigiis id tantum tangens , quod differt ab aliis . Accepti beneficii memor fœmina totam salutis suæ diem in Templo transegit , preces fundens , & gratias agens , cibi immemor , quo sub noctem caritura erat , nisi interdiu comparasset . Igitur gaudio satūra domum repetit datura se incænatam sopori . Fortè

aperta arcula argenteum nummum minorem offendit, quem ne cælitus ab ALOYSIO datum posset ambigere, advertit recens cusum, quo lautam sibi cænulam posset comparare, accepta à Sancto viro post pharmacum etiam sportula.

SED non morborum modo, verum etiam mortis potentem ea die fuisse ALOYSIUM DEVS luculenter ostendit; cū Felix Syracusa. D. Francisco Contari spiritali sibi cognatione devincto mandat, ut funebre pompam procuret infanti suo animam jam agenti, & tertium jam diem abhorrenti ab ubere. Suscipit ille in se negotium, sed antè raptos ex ALOYSII tumulo flores immorientis pueri collo alligat vel in corollam innocentis Sepulturæ, vel in pharmacum resurgentis; nec sua spe falsus vidit pupulum ad matris adrepentem mammas, easque quâ prensare, quâ fugere.

CÆTERA sileri se patiantur, cum enumerata hæctenus satis, superque evincant,

cant, quàm ex vero ALOYSIUS prædixisset Anniversarium Sanctæ Vrsulæ in nostro Templo maxima frequentia celebrandum, quæ fuit altera pars vaticinii. Altera etiam de obitu sanctissimi viri in Monte Sancto completa. Nam eadem die, eademque hora ibi P. F. Ioannes Maria à Petralia absolutæ vir sanctimoniz vitæ curriculum absolvit. Completam quoque eam esse, qua res suas post illud, *Valde timeo*, jam in tuto positas affirmavit, testis est socius, affirmans ab illius obitu visum sibi in quiete videre S. Patrem Ignatium à Xaverio associatum, comitante caterva, tum sociorum, tum eorum, quos ALOYSII labores Cælo jam intulerunt, obviam venisse discedenti ALOYSIO, exceptumque medium Augustissimæ Trinitatis Throno stitisse in hymnis, & canticis. Quæ omnia ostendunt, quo ille, apud DEVM loco esset; nunc quo apud homines fuerit videamus.

CAPVT VLTIMVM.

*Egregiorum Virorum de Aloysii
heroica virtute iudicium.*



CONSVLTÒ super ALOYSII Sanctimonia egregiorum virorum quæro iudicia, nam si è grege quærerem, & infinitus essem ea persequendo, & hæc passim non quæsita se offerunt: nam præter id, quod antè memoravi, ALOYSIUS Angeli, & B. ALOYSII in adolescentia apud condiscipulos nomenclaturam adeptus, provectioris ætatis, & sacrarum expeditionum beneficio, quanta veneratione in tota fuerit Sicilia; quisque reputet. Si prætereuntem vidissent, statim post illum fiebat concursus. Aleatores eo viso taxillos, & aleas abjiciebant; vel saltem tegebant; blasphemii, impiique ad ejus conspectum voces suppresserant; si qui rixarentur, acerrimè, illo transeunte reconditis gladiis,

diis , in gratiam non raro redibant .
Majora hæc , in itinere urbes integras ob-
viam venienti per milliaria plura procede-
re vidisses ; eo conspecto genua flectere ,
in stapedas certatim irrumpere , has oscu-
lari , si subductos ab eo pedes minimè
possent , surripere sudariola , mutare in-
dusia , in osculantium modum morsus ab-
scindere : unde fiebat , ut vestes semper
gestaret attritas , laceras cùm præsanctæ
paupertatis studio , tùm alienæ venera-
tionis , quidquid demum ille contingeret
velut rem sacram habere , servare , diligen-
terque recondere ; cum tonderetur , pilos ,
capillosque pluris æstimari , quàm tonsi
Absalonis cæsariem , & venire pluris , ni-
si religioni ducerent res sacras pretio re-
dimi . Procerum etiam mitto commune
judicium , cujusmodi erat eo circumeun-
te currus sistere , ex jisque eos celeres pro-
silire , & ad manuum oscula accedere :
quas significationes honoris ut effugeret ,
vitabat publicum prò virili . Ipsum in

rebus alicujus momenti in deliberationem semper adhibitum, non iter, non vitæ genus, non magnum quid ipso inconsulto suscipi, nec velle quemquam, nisi adstante ALOYSIO postremum iter aggredi, & è vivis abscedere, quando morbi depulsionem, quam petebat non impetrasset. In quo illud omni admiratione dignum, quod quamvis eos in concionibus graviùs objurgaret ea libertate, qua illum Christus donaverat, nulla tamen amoris, vel admirationis consequuta est imminutio. Iis igitur omnibus missis; ad certos homines venio, & urbium integrarum judicia. Cardinalis Trivultius ALOYSIUM longè vocatum in gravissimis adhibuit negotiis Reipublicæ. Idem dux Infantadi, idem Marchio Vellensis Proreges, idem præstitit Cardinalis de Oria, qui etiam Proregis partès obijt, & E. Martinus Pons-de-Leon Antistes Patnormi, & Regni Præses ALOYSIO accedenti jusserat liberum omninò esse ingressum,

sum. In quò genere non prætermittendum est iudiciũ Antistitis, & Proregis De Cardenas; hic honorariis januæ custodibus mandarat, dum ageret cum ALOYSIO, nil sibi nunciari, nullo discrimine habito Regionum ministrorum, & Procerum. Inter cætera verò ejus benevolentia pignora, illud meritò cordati homines suspexere, quòd cum è Throno sublimis solennibus interesset officiis, quo habitu insignis neminem Præsul dignatur obtutu, visum in Templo ALOYSIUM, vocatumque audivit ex illa summi honoris sella. Tot Magnatum judiciis supervacaneum omnino esset minoris subsellii Antistitum addere, nisi cum uno ex jis aliquod accidisset non omittendum. Parco Antistitis nomini; erat is ex primaria nobilitate, licet moribus non primariis, & abalienato à Societate animo; mirum tamen erat ALOYSIUM illi in deliciis esse, & venerationi. Eum sibi ità devinxit, ut cui nemo ausus fuisset loqui, nisi mollissima; duriuscula li-

berè obtruderet ALOYSIUS. Fama erat fæminam saltraticulam, quæ in compitis, civibus spectaculo æquè grato erat, & offendiculo, à prætereunte Antistite; palam benigniùs consalutatam. Exarsit enimverò ALOYSIUS, conventumque Antistitem, monet dè civium ex impudica comæda periculo; queriturque factam illi à Vicario potestatem in publicum cum aliorum exitio prodeundi. Antistes, seu veritus ALOYSII Zelum, seu quòd eum facti pæniteret, dolet factam à Vicario se inscio, & invito hujusmodi facultatem. Atqui subdidit tunc qua erat Sancta dexteritate ALOYSIUS: Vide Domine quàm cautè sit incedendum, quàmque proni sint homines ad obloquendum dè his præsertim, à quibus reguntur. Fama est non modo effrontem illam fæminam, te authore prodiisse, sed etiam à te humaniùs consalutatam. Quo ictus Præsul fulmine jussit parum pudica illa
spe-

spectacula faceſſere. Claudat ſingularium
teſtium agmen Vibonenſis Sacerdos Iu-
lius Iorius, vir, ut cætera ſileam, ,
Deo tam intimè, & familiaritèr uſus, ut
ei, quod memorat Bartolus in vita Vin-
centii Carrafæ, hunc ad ſupremum So-
cietatis clavum extollendum non ſemel
oſtenderit. Is igitur decumbens, cum
ibi concionaretur ALOYSIUS, ejus ſocio
ſe honoris gratia inviſenti ait diſplicere,
ſibi uno hoc nomine morbum, quòd
ALOYSII concionibus privaretur, ſed hoc
ipſum ſe DEO permittere. Nolle ſe ta-
men in eo articulo conſtitutum omittere
quod maximoperè faceret ad ALOYSII ſan-
ctimoniam oſtendendam: ſciret igitur, &
memori mente reconderet, patefactum ſi-
bi à DEO, nullum omninò id temporis in
Societate eſſe ALOYſIO ſanctiorem, quo
nihil dici potuit exaggeratius, cum ea
tempeſtate ſciamus in aliis Provinciis vi-
ros fuiſſe Sanctiſſimos, eorumque gre-
gem in Indiis.

Obsignet Vrbs integra testimonia singulorum: Augusta non procul Syracusis Vrbs nova est, sed elegans, portu celebri, & frequenti Hjerosolimitanæ classis appulsu commeatum indè sibi uberimè comparantis. Decumbentem ibi viginti jam dies ex immodicis excursionum laboribus Aloysium Socii, seu jo-co, seu serio Syracusas asportare se vellet dictitabant; tulerunt id Cives ægerimè, injuriam sibi maximam irrogari putantes, si quisquam crederet illum alibi quàm apud se humaniùs, lautiusque tractandum. Paucis diebus maligna se febre ostendente, ubi depositam à medicis vitæ Aloysii spem viderunt; firmatum est publicè inter cives, si, quod DEVS averteret, ejus animum ad se DEVS raperet, non passuros à se corpus abripi. Rectori Syracusano hujusmodi senatus ejus consultum non placuit; conventumque Præsulem, & de periculo monitum, rogat, ut opem ferat. Præsul;

cujus insignia erga Societatem nostram
promerita nulla unquam delebit oblivio ,
acerbè ferens nostram in sua diæcesi ja-
cturam , præcepto monitos vult Augusta-
nos Cives, si moreretur Aloysius, cadaver
asportari aliò ne prohiberent . Respon-
sum est: revereri Cives Patris, Præsulisque
mandata, contra jus tamen gentium esse
Thesaurum apud se reperto privari . Re-
centem Urbem , recenti egere patrono ,
eo loco apud se futurum Aloysium ; æ-
qui igitur , bonique consuleret contuma-
ciam , & filiis piè inobsequentibus pro sua
humanitate ignosceret . Ægrius tulit An-
tistes repulsam , & phaselos non paucos
Hispano milite armatos misit Augustam ,
Aloysii corpus inde asportaturos ab obi-
tu . Sed Augustanos Hispanæ copię non
offendebant inermes ; jam enim milites
suos Augusta in ora maritima collocarat ,
qui adventantes prohiberent excedere ;
& jam res pertinebat ad pugnam; nec mi-
nus strenuè parabatur bellum , quàm si

regia Classis Othomanica timeretur . Sed certamen avertit , litemque diremit salus Aloysii ; in quo DEVS eo facto ostendit , quam impensè DEUS glorificantes se glorificet , & in Sanctorum suorum honoribus honoretur .

LUCULENTA hæc testimonia , sed intra Siciliam . Trans insulam fama eadem ; eo tantum discrimine , quod præsens bonum recreat , absens excitat famem , quam ut levaret , quoniam depellere omnino non posset Vincentius Carrafa Societatis Iesu Generalis ille sanctimoniam æquè sectator , atque æstimator , ALOYSIUM Romam destinavit accersere , ut optantem Neapolim , qua transeundum erat brevi illo recrearet hospitio , immoraturus Romæ diutius . Sed vir ille sanctissimus reveritus sibi similis sanctitatem , cum posset imperare , usus est precibus , ejus arbitrio subdens imperium ; fuit enim semper viris Sanctis de humilitate contentio ; & vicit uterque ; nam Cara-

fa cum supremus esset præfectus ad infimas preces descendit ; Aloysius veritus in illo orbis terrarum Theatro plausus , declinavit accessum , industria non in longum profectura ; videbit enim candidatus apothéoseos Urbem , quam subterfugit vivens , admovendus aris , non suscipiendus in triviis .

Nec stetit ejus fama intra Christianicolas , Turcica ipsa occupavit mancipia ; quæ ubi dominos haberent offensos , tanquam ad Templum ad Aloysium aufugiebant , à quo humanissimè accepta maximo suo labore deducebantur ad Dominos , ejus precibus delinitos , venia impetrata , condonatoque supplicio . Qua ille occasione plures hujusmodi infelices Onesimos ad Christianam fidem traduxit , captos munusculis , officiis , obsequiis etiam humillimis , non sine prodigiis , quæ fortassis enumerabimus , cum de Charitate ejus in proximos agemus : nunc librum claudat id , quod sine stupore enarrari

rari non potest. Obfirmatum quemdam
 in sua secta Turcam ad bonam frugem
 convertere diu tentavit in cassum; id
 demum obtinuit, ut ad suum cubicu-
 lum deduceret: ibi parato pane, &
 pisciculorum obsonio solari famem hor-
 tatur. Ferox maurus atroci vultu de-
 dignatus est cœnulam. Aloysius mira-
 tus delicatuli stomachi supra suam con-
 ditionem fastidium, trilibrem piscem è
 prunis recentem apponit, quærens num-
 grandiores appeteret, confestim ap-
 positurus. Hæsit ille miraculo de-
 existentis repente piscis assi-
 cum pollicitatione majori-
 rum, non secus ac si
 eos ibi clausos haberet in-
 nas, & extemporanea ad ar-
 bitrium conditura.

Finis Libri Primi.

LI



LIBER SECUNDUS.

Aloysii virtutes.



INTEGRVM hætenus ALOYSIUM , & fusorio veluti opere expressimus : est nunc inspiciendus per partes , & singulæ animi ejus describendæ virtutes ; ut quam quisque vel suspiciendam sibi proposuerit , vel imitandam , præ manibus habeat abjunctam à reliquis .

T

CA.

CAPVTL

*Virtutes , qua DEVM
in se respiciunt .*



ET Fidei quidem , Speique satis sit Specimen dare , in Charitate virtutum Regina immoraturis . Ab Adriano Palatio , cum post Missionem rediret , spississima nebula mox in fœdam tempestatem soluta terrebat Socios , præsertim verò quemdam viæ ducem Andream : ad quem ALOYSIUS : habes ne fidem ? cui ille , & verò maximam te præsentem . Eja igitur , excipit ALOYSIUS , interritus sequere præeuntem ; passisque in crucem manibus , relicto fræno , citatoque equo , omnes sicci perveniunt , luctantibus tantum equorum pedibus cum aquis , lutoque ex immodicis imbribus jam fluente . Bis mille passus attoniti prodigio socii
con-

confecerunt ; cum tempestate depulsa
ad Andream conversus : Vides , inquit ,
quid tua fides egerit ? disce quid agas ,
cum aliquid expectas à superis .

EODEM in itinere cum auctum jam re-
centibus pluviis Blicum fluvium intrare
nollet Andreas , certissimum veritus nau-
fragium , sequi jussit meticulosum ALO-
YSIUS , futurus ipse dux ; & Crucis signo
se muniens , & aquas exarmans ; amnem
ingreditur , sequentibus comitibus , mi-
rantibusque equorum pedes vix tam al-
tum fluvium palmum ingressos , figere
in unda vestigium . Vbi domum incolu-
mes attigerunt , narrabat omnibus An-
dreas clam illo prodigium , addens esse
domi nostræ sanctum viventem .

SPERM illius non modò nunquam frustra-
tus est DEVS , verum etiam , quæ ille
nunquam sperasset , voluissetque adiiciens ,
eam in dies reddidit auctiorem . Quod
licet sæpè contigerit , gustum tamen da-
bo tantùm paratæ illi divinitus cœnæ ,

ex quo liceat reliqua cuncta conjicere: Iosephum Cannellam Parthenici in Panormitani Tyrocinii prædio degentem formosus adolescens piscatoris in speciem sub noctem convenit, piscesque optimos obtulit distrahendos. Negat ille assuetum se ruri maritimis, jisque exquisitis dapibus vesci. Instat piscator veluti distrahendi mercimonii sui cupidus emeret aliis, si ipse piscibus abstineret: adfuturos ea nocte eos hospites, ut sibi pœnitendum esset ultroneas abjecisse cupedias, eò gratiores adventantibus jam Patribus futuras, quò minus pisces expectarent in sylvis. Ne terreretur Emptor pretio, modico se pane, haustuque vini fore contentum inquit. Suspiciatus est Frater villæ Custos visos ab illo in via hospites, ab jisque fuisse Piscatorem præmissum. Ut res habeat, accipit pisces, jubetque præstolari adolescentem, dum ipse nummos accipit, si non in pretium, quoniam is illud respuit, saltem in proœmium,

mium , & interim jentaculum sumat ,
Reversus cum nummis nullum reperit ,
reputansque secum formam illam , ele-
gantiamque incocti sole , geluque Pisca-
toris artus excedere , suspicatus est id
quod erat , DEVM verè pium , verè mi-
sericordem alicui famulo suo misisse cœ-
nam : dumque animo recursat forma illa
supra Piscatorem , liberalitas suprâ homi-
nem ; Ecce ALOYSIUS cum sociis : cer-
tusque prodigii hilariùs dè via fessos exci-
pit venientes , curatque attentius , quos
DEO ità acceptos inspexerat .

QVOD quidem aliorum testimonio sæ-
pius contigit ; quis autem enumeret quo-
ties uno ALOYSIO teste contigerit , ido-
neo satis illo quidem , & locuplete , si
sua voluisset prodere , quæ penitissimè
occultabat homo sui contemptor , &
in propriam despicientiam semper inten-
tus . Illud exploratissimum ab illo mille-
na aureorum quotanins expensa quàm men-
dicis sublevandis, quàm meretricibus respi-
scen-

scientibus alendis , quà divino cultui amplificando ; undè verò tantam summam potuerit corradere homo nihil habens , nihil petens minimè liquet , nisi cum jis sentiamus , qui putabant à DEO impleri marsupium .

VERVM nos inquirentes ejus amorem in DEVM , hujusmodi divini in eum amoris monumenta omittamus . ALOYSIO amandi DEI ardentissimè idem fuit , ac vivendi principium . Vidimus eum à teneris unguiculis , adolescente ætate ; eademque , & confirmata , & vergente in senium beatis semper ardoribus hisce liquefcere . Ab his duxit originem vis illa calentium lacrymarum , à quibus nec inter epulas temperabat ; inter divinas verò dapes , earumque regustationem , dum gratias ageret, eas tam divite vena fundebat , ut totus abire videretur in fletus ; quos ut remotis arbitris fundere posset uberius , absoluto sacro in cubiculum sese recipiebat , ubi laxatis habenis
hospi-

hospitem suum colebat impensiùs , dulcissimè suaviatus , cujus præsentia quo esset diuturnior , postremis annis vinum uberius , Philippi Nerii vestigiis insistens , infundebat in calicem , adeoque eo præsentè delectabatur , ut constans esset sententia eum videre in Hostia , quod cæteros omnes lateret : ac proinde divelli videbatur ab aris , in quibus cum sacris operans longiores moras duceret , quàm adstantium Missæ vires ferrent , & ob id publicè plecteretur ; innotuit hanc unam esse ALOYSII noxam , quòd longiores traheret cum DEO moras , totumque ejus crimen esset Amoris . Conspecta etiã Crucifixi imagine excitabatur ad lacrymas ; cum verò de ejusdem tormentis diceret , uberrimum fletum tenere non poterat . Dicebat autem de Christi cruciatibus quoties suggestum conscenderet ; cumque rogaretur ; cur illos cuilibet concioni extra locum illigaret , respondebat hoc enim verò saccarum esse , quo benè omnia

omnia insperguntur obsonia , si non semper saperet , semper tamen prodesse ; se saltem , qui eos semper haberet præ oculis non posse eorum opportunè , importunè , non iniicere mentionem . Hinc experientissimi Theologicæ facultatis alter , alter Asceticæ Magistri , sentiebant ALOYSIUM divina pati , raptumque ad altissimos illos contemplationis recessus , quos in Antonio , cæterisque veteris eremi cultoribus suspexit antiquitas . Aliter quì poterat homo debilitatis per se viribus , iisque assiduis spontè susceptis maximis cruciatibus prorsus attritis , lucrandis Deo animis adeò indefessus , ut exequendis iis , quæ ipse præstabat , vix quini sufficerent ; totas subinde noctes trahens insomnis , ex oratione in equum desiliens , ex equo in suggestum conscendens ; hinc iis , qui exhomologesi conscientias expiarent senas durando horas , eoque amplius interdum ad adultam , ad mediam

diam noctem, somni, cibique immemor.
dans aures: tot distentus negotiis, quæ
mentem omnino avocarent à DEO,
DEO tamen ità hæere semper; ut nihil
omninò aliud agere videretur; Cælum
semper suspicere; omnium obliuisci, &
quidquid agendum esset, monitore sem-
per egere: ex quo ipse sui probri sem-
per amantissimus ineptum se, igna-
rumque appellabat: incedere sensibus
abalienato similis: nutu, verbis, ar-
tibus, toto denique corpore in DEVM
rapi; quod semel ità contigit, ut quod
semper faciebat, cælare non posset:
nam cum in Plana Græcorum in D.
Nicolai cælestem Hostiam immolaret,
sensim incandescens, non potuit, quod
voluisset, toto connisu corporis ità hæ-
rere humi, quin, cum ad elevandam
Hostiam ventum est, plures è terra
palmas sublimis raperetur à Numine,
quod adorandum populo extollebat. Te-
stes prodigii produco præter adstantes,

154 *Aloysii La Nuza*
altaris ministrum Paulum Matranga , &
Vitum Carnesi , qui loco præerat
prò Episcopo vicaria potestate .
Idque antèquam è vivis ex-
cederet ALOYSIUS ,
laudati Pre-
sbyteri
pu-
blico documento testa-
tum esse omnibus
voluerunt .



C A P V T. II.

*Aloysii cultus Sanctæ Trinitatis , Pia
cruciatuum Christi Domini re-
cordatio ; Religio in Deipa-
ram , & Calites ;
Orandi studium .*



IVINO amore captum nun-
quam ab eo sese expedire, sed
magis , magisque semper ir-
retiri , nemini mirum videri
debet ; cum tot , tantaque offendar ,
quibus , rapiatur ; ut singulis tantum,
gustandis vix æternitas satis sit , & me-
rito omne tempus impar inveniat .
Quod contigit Aloysio Augustissimæ
Trinitatis cultori eximio ; ex cujus ado-
ratione in Christi vulnera penitissimè de-
scendebat . Hic suavissimè defatigatus ,
divinis dapibus intemperantissimè reficie-
batur ; nec inde , nisi vel legum jussu ,

vel monitus instare concionem , confessionumque tempus, abstrahi se patiebatur: Hinc ad Deiparam , Cælitæque digressus , quorum erat veluti obvallatus icunculis dies integros transigebat . Longum si singula persequar ; tangam igitur omnia , non immorabor . Sanctissimam Trinitatem nunquam tecto capite aut commemorabat , aut audiebat ; quod focii advertentes , pio joco tertio quoque verbo in familiaribus colloctionibus usurpabant ; nihil minus ipse pileum sibi detrahebat , caputque deprimebat . Eam tot icunculis in cubiculum , in libellis , quos frequentius volutabat , descriptam habebat , ut quocumque se verteret , in eandem incurrerent oculi . Nec uno modo , ut est enim ingeniosa pietas , varias ejus effingendæ excogitabat imagines ; nunc Crucifixi , nunc Deiparæ vertici imminentem volebat ; nunc ab uno , eodemque triplici corde , ut Monadem in Triade , Triademque in Monade exprimeret .

meret . Nec contentus his privatæ pietatis officiis , quoties poterat augustum , Augustissimæ Trinitatis Templum , quod non longe à Regiis ædibus visitur , adibat . Præcipuam verò capiebat voluptatem , & proprio quodam sensu rerum , cælestium afficiebatur , quotiescumque Sanctissimæ Trinitatis , sacra perageret , vel in jis commemoratione suavissimam usurparet . Cumulus verò gaudiorum erat in solenni ejus anniversario , quem ille diem , pervigilio traducto sanctissimè , in maximis deliciis transigebat . Dè ea tam ardentè dicebat ad Populum , ut omnes incenderet ; tam suaviter in privatis colloquiis , ut focii ab ipso digredientes id unum dolerent , quòd dulcissimis ALOYSII dè Triade sancta sermonibus privarentur ; & licèt divinæ naturæ communiter , & separatim singulis personis preces , hymnosque perfolveret , arridebat tamen magis inter Patris Divini brachia occisum contemplari filium , Spiritu

ritu Sancto non adstante tantum ; sed operi etiam intento . Cruciatibus verò patientis Numinis ità afficiebatur , ut quoties in celebre aliquod ejus signum , vel affabrè sculptum , vel singularis venerationis incideret , non posset inde divelli , & hæsisse jam visco ALOYSIUM piò joco socii dictitarent . Videbatur sibi videre ignotæ speciei juvenem honestissimo loco natum indignissimè habitum per contumelias , per flagella , per vulnera , nitebaturque eum in pristinam sanitatem , splendorem , formamque revocare ; qua cogitatione tum se se oblectabat , excruciatumque mirificè , tum etiam ad lucrandas animas , & è peccatorum cœno extrahendas extimulabat acerrimè ; eorum enim lacrymis Servator noster , & recreatur , & convalescit .

SECUNDUM DEVM , Deiparam egregio colebat studio , ejus verò conceptum omnis labis exortem tuebatur acerrimè , nec se capere posse agebat , quo pacto benè

benè convenire ; & in una sede morari possent , Dei mater , & noxa . Multas à se institutas sodalitates à Maria sine labe concepta voluit nominari ; ut tanti mysterii cultus sensim propagaretur , & apud rudes ipsa etiam nomenclatione inclaresceret . Ejus etiam pietati debemus nonnullas charthulas Deiparæ cultum mirificè amplificantes , quippè quas facile est semper habere præ digitis , in lucem editas ipso auctore Messianæ . Si quod Delubrum , si quod sacellum illi sacrum alicujus nominis ubi ubi esset , eò se se alacrem , impigrumque conferre , immorari , difficile abstrahi : Drepanensi verò Virgini , celeberrimo illi simulacro venerationem , majestatem spiranti ita hære , ut ab ejus collo , uberibus , pedibus pendere videretur . Mira , quæ per eum ad expiscandos animos , Deus patraret Deiparæ referebat accepta ; hortabaturque populos , ut in ea omne sibi perfugium positum crederent , & ad
eam

eam tamquam ad tutissimum asylum per-
fugerent , & convolarent .

AD DEVM , Deiparamque aditum sibi
per cælites muniebat : Angelos venera-
batur imprimis , & inter illos sibi custo-
diendo adscriptum , & tótius cælestis
militiæ signiferum , Ducemque Michaë-
lem . Ignatio , & Xaverio addictissimum
se se profitebatur , alteri tanquam opti-
mo parenti debere se totum , alteri tan-
quam sacrarum expeditionum patrono ,
magistroque suos se labores debere : sub-
dēbatque Xaverium enim verò laborasse ,
nōs ludere . Germanos illius filios eos
tantum esse , qui apud Barbaros Evan-
gelium disseminarent egentes , angustia-
ti , afflicti ; nos esse privignos benè cura-
tā cute , ad delicias enutritos , humeris
hominum vectos ad sydera . Post paren-
tes optimos Germanum Aloysium Gon-
zāgam cognominem suum unicè dilige-
bat , eumque in minutissimarum quā-
rumque legum custodia , & Angelica di-
ligen-

ligentia æmulabatur. Parique cultu alios extra ordinem cælites venerabatur tam exquisitè, ut nihil aliud agere videretur: præcipuo verò studio Antonio Patavino erat obstrictus, eo præsertim nomine, quòd illo uteretur ad tegenda, quæ passim edebat prodigia, ea in Thaumaturgum illū referens; ac proinde ad ea occultanda, ad se accurrentes ad Patavinum ablegabat; verūm is, & ALOYSII studio contentus, & suis satis, superque clarus miraculis, aliena suo remittens auctori, buccinatorum se ei exhibebat, qui in siparium lectus fuerat ad occultandum.

PLURA Numini, Superisque obsequia ALOYSIUS exhibebat, preces, hymnos, afflictationes corporis tum publicas, tum privatas, sermones, & alia ejusmodi, quæ longum esset enumerare, quæque hisce mediocriter tinctus ex se facili negotio conjiciet: verūm hæc omnia folia, pampinique inutiles sunt, nisi succosis botris pendentibus distinguantur,

X qui-

quibus protegendis viridis ille apparatus ,
ac scena deserviat .


ORATIONIS ille studio penè assiduo , &
ità intento , ut de homine tot curis , ex-
peditionibusque distento incredibile vi-
deretur, DEVM, Cælitesque colebat. Mul-
tum humilitati ALOYSII ut virtutes ejus om-
nes fateri se debent ; de eadem universæ ,
non minimum conquerentur , quod ple-
rasque aliorum subductas oculis magna
ex parte cælaverit . Ex eo genere fuit
oratio , quam à Christo Domino jussam
fieri in abscondito , tam latentè ALOY-
sius exequebatur , ut nisi ejus socii per-
rimas, per conjecturas expiscati essent, ea
in abscondito fusa , in abscondito latuif-
set . Querebat enim ille domi semper
angulos tam abditos , tamque sepositos ,
ut à venaticis canibus irritò labore ple-
rumque quereretur . Tandem aliquando
socius ejus nidum Messanæ invenit , un-
de in Eucharistiæ loculum patebat pro-
spectus , & ut deprehensum jam nidum ,
aliò

aliò commigrantes deserunt aves, sic mutabat ALOYSIUS interdium latibula; nam noctu ab omni tutus quæsitore, inexploratus orationi laxabat habenas: & quidem si ternas, quas somno indulgebat horas, demas, reliquum omne tempus, seu humi abiectus, seu flexis genibus seu passis brachis, cum DEO suavissimè traducebat. Per diem, si Domi nostræ hyemaret orationem, sacrum, concio, brevis mensa, expetitaque ejus à locus consuetudo post mensam, ad animum piis colloctionibus oblectandum, abrumpebat. Cæterum illud usurpabat: *In orationis pace, in id ipsum dormiam, & requiescam*. In maritimo itinere persoluto precum, eoque non brevi penso, cum navitis, atque vectoribus; faciem pallio involuebat, quo subindè detracto, ut cælum suspiceret, ignito vultu quod egisset sub sipario, inscius detegebat. Eodem exemplo terrestre conficiebat iter; in quo illud accedebat commodi, quòd reci-

ratis alternatim precibus , subditis equo-
calcaribus ; abjungens se à comitibus li-
berius orationi se dederet . Dum vica-
tim , pagatimque excurreret methodus
eadem , demptisque consuetis ejus exer-
citationis munis , reliquum sibi omne
tempus vindicabat oratio . In quo ipse
illud habebat incommodum , quòd cum
ob loci angustias sociis conturbanalibus
uteretur , excogitandus illi erat modus ;
quo socios falleret : hi illud inde com-
modi reportabant , quòd in ejus preces
possent inquirere ; observaruntque eum
cum aliis ire cubitum , post paucas verò
horas nixis in strato orare genibus , ne
aut socios excitaret , aut ab jisdem stre-
pitu aliquo detegeretur . Subductis ita-
que calculis ea summa conficitur , ac-
curatissimo peritorum , idoneorumque
testium judicio , denas ab ALOYSIO quo-
tidie , nonnunquam quaterdenas ora-
tioni tributas horas . Quod si certa partitio-
ne inæqualia supputantes exequare mens
sit ,

fit, duodenas diebus singulis orando horas
eum transegisse in comperto est; perpe-
tuo æquinoctio, eodemque solstitio; cum
se æterno soli illustrandum, incen-

dendumque sisteret, eos in-
de radios, ardoresque
suffuratus, quos
mox non si-
ne om-
nium
admiratione attin-
gemus



CAP. V. T. III.

Aloysius divina patitur.

VIDAM miranti quid tamdiu
 pictor egregius stupens , at-
 tonitoque similis tabulam cō-
 templaretur , paucis quidem
 respondit , sed appositè : O si meos o-
 culos haberes . Quod miranti mihi , qui
 tot horas pernoctans in oratione DEI per-
 severaret immotus , posset reponere A-
 LOYSIUS ; atque utinam ejus oculos habe-
 rem , quò vulgarem spectacula , quibus
 ille jucundissimè fruebatur . Nec verò
 poterant tot horas in orchæstra muti ;
 tacitique consistere DEVS , atque ALOY-
 SIUS : agebantur quidem omnia intrâ
 proscenium , nonnulla tamen rimanti-
 bus patuere . Didacus la Nuza non
 degener ALOYSII germanus frater , de
 quo erit suus dicendi locus , Nepti refe-
 rebat

rebat ALOYSIUM noctu cum Angelis , eorumque Regina Deipara versari , ex qua tantus splendor existeret , ut per ipsas valvarum rimas ejaculatus radios , suos spectantis oculos verberaret . Hoc ipso rescitum est inscio ; alia non pauca ex ejus ore , DEO volente , exciderunt . Tetrum illud quidem aliud spectaculum , sed non minori admiratione dignum . Discalceatis Augustinianis nescio qua occasione immixtus tacite cum illis ALOYSIUS orabat : erat inter eos quidam F. Marcellus à S. Dominico , miræ homo austeritatis , & orandi dono notissimus . Vidit is millena hominum sub eam horam aquarum more labentium in Inferos : altumque inclamavit : Quò quò scelesti nunc ruitis ? obstupescuntibus omnibus , ratisque miserandum aliquid illi Divinitus objectum esse spectaculum : dimissis omnibus , qui illi præerat cætui , jubet lucere fracti in oratione silentii pœnas , vulgando quidquid illud esset , quod vide-

rat .

rat. Paret ille, quæq; vidisset disertissimè aperit. Rogatus insuper nū id unus vidisset. Negat ille, subditque habuisse spectaculi socium ALOYSIUM. Benè manè Præfectus mittit quempiā ex illo cætu, qui conveniret ALOYSIUM, rogaretque ne gravaretur aperire, quæ pridè in suo cœnobio viderat, nec illi prodesse silentium in eo, quod jam Marcellus obedientia adaactus patefecerat: faceret in ALOYSIO Charitas, & Vrbanitas, quod à Marcello extorserat obedientia. Venit is in Domum Professam, rogat Ianitorem, vocet ALOYSIUM; quod dum ille obit ex munere, refertque esse in atrio Agustinianum, à quo expectetur; statim ALOYSIUS: redi, inquit, aëctutum, & dic nuncio; ut ei à quo missus est referat verissima esse, quæ F. Marcellus à se visa retulit. Sed atrociam hanc spectacula, quæ non una fuerunt, missa facientes ad amæniora veniamus. Vidit alios è Piaculari igne ad beatas sedes con-

convolantes, cujusmodi fuit Lucius Pisanus Syracusanus, de quo mox sermo redibit. Vidit alios in eodem piaculari igne detentos suppetias à mortalibus expectantes. Ingens quidem hæc Turba, ex qua paucos seligo Aloysio vel sanguine, vel ejusdem sacri cœtus cognatione conjunctos. Franciscum Figueroam Pannormi degentem summo mane convenit, & Didacum fratrem è vivis abjisse jam memorat; in portum tamen æternæ salutis appulisse. Negat ille Alicata talia nunciari: tum: ne dubita; inquit Aloysius, hac nocte migravit, meque ante quàm abiret convenit; pone dubitationem simul & dolorem, in tuto enim est, nec hoc satis, licet magnum esset, tenet jam Cœlum: Tù verò in faustissimi nuncii mercedem, altissimum tene secretum. Figueroa miratus viri sanctimoniam, lætusque nuncio; est, subdidit: quod diu opto, sed taceo; cui Aloysius: fare.

Y quis

quis prohibet ? metus , inquit ille , non impetrandi ; sed quoniam jubes , præstidens aperio : vellem mori cum gaudio , quod futurum certissimè credo , si mori te presente contigerit . Hæsit aliquantulum , ALOYSIUS , tum minimè hæsitans : Adero , inquit , morienti . Tum Figueroa : utinam ! atqui hoc quo pacto fiet , te nunquam consistente , & semper errante ? cui iterum ALOYSIUS : adero , adero , claudamque oculos ; quod sexto post anno præstitit , gaudente tunc Figueroa , & cælum manu tenente , uti obstupuit , cum nunciaret visum à se Didacum la Nuza abeuntem ad superos centum distantem milliaribus , quod alatis paulò post literis est patefactum . In majori distantia obitum vidit P. Rajati . Degebat ALOYSIUS Catanæ , & cum Collegii ejus ministro familiares sermones miscebat , cum repentè inclamat Pater . Rajate , Pater Rajate , non secus ac venientem videret . Miratus Minister tam cordatum virum extra chorum saltare ,
su-

suspiciatusque quod erat , id non esse sine numine , admonet eum relictī sermonis . Hæsit aliquantulum ALOYSIUS , tum confirmatus regens visum , incidit , inquit , de veterē amico cogitatio : quis scit quid agat nunc P. Rajatus ? ipse autem quamvis dissimularet , optimè norat ; proximis enim literis nunciatum est Panormi Patrem Rajatum diem ultimum obiisse Kalendis Martii , quo die sensibus abalienatus , illius non expectatam mentionem Ministro injecerat , adnotanti diē & horam ne excideret . Qua eadem nocte cuidam è Societate heroicis virtutibus prædito videndum se Rajatus obtulit , splendidum quidem , sed non sine ignis piacularis reliquiis , quibus mox restringendis inquit , paulo post inter Cælitēs se futurum . Quem tam celerem in cælum ingressum acceptum referebant singulari moderationi , qua pertulit se non sine nota à regendo Equitum Panormitano Sodalitio , cui præerat , remo-

tum, aliò amandatum, præbiturum tantum ibi viris confitentibus aures. Verum non distulit ad mortem Deus spectatæ tolerantiaæ præmia; nam post septennium revocatus Panormum ad ejus sodalitatis præfecturam, & regimen, Procerum, occursum, & veluti humeris vectus in Urbem, alio septennio ibi insumpto quâ erudiendis Proceribus, quâ egregias in assiduis, molestissimisque morbis patientiaæ documentis edendis,

vetus illud implevit o-

raculum *Vacca-*

rum septem

pingui-

um,

totidemque ma-

crarum.

C A P V T. IV.

*Charitas erga proximos, in
jisque juvandis Industria.*



HI gemini ignes Charitatis erga DEVM, & proximum semper æquè collucent, & ardent, quippè quos idem divinus Amor accendit; cum enim DEVS adeo se affici erga mortales ostendat, qui DEVM amat, ab jis amādis, juvandis, & ad DEVM ducendis cohibere se nullatenus potest; deprehenditurque minus rapidè in DEVM ferri, qui non eodem impetu feratur in proximos. Cum igitur ALOYSIUM divino conflagrantem amore viderimus, jisdem necesse est videamus exæstuantem ardoribus in hominum animis, quā è peccatorum cœno extrahendis, quā ad singularem sanctimoniam provehendis, quā etiam corporibus ipsis sublevandis.

vandis . In quo genere centimanus apparebat : dum concionaretur in Collegiis, quo penso persoluto, satis superque sibi fecisse non nemo censeat, laboriosissimas adjungebat cōcionibus appendices, nosocomia adibat, ergastulis se abdebant, conscendebat triremes, egentes visibat ægrotos, solator ultroneus, qui rogatus à conveniendis Magnatibus abstinebat, quippè qui Christum quæreretur semper latitantem in paupere, cujus fastidium, delicatulum prodit Amorem in DEVM. Sæpiissimè concionabatur in triviis; tum ad milites Hispanos in castris Castellana lingua, atque à concione extorquebat frequentissimas homologeses. Ginæcea eo Ignatii Lojolæ libello animorum incantatore, qui Exercitiorum dicitur, adeò feliciter excolebat, ut ex jis non paucae se nunquam cum viris collocuturas voto nuncupato firmarent: qua occasione non nullas sanctimoniales designabat, quæ statis colloquiis, piisque exercitationibus arctio-

arctiorem sanctimoniam in se ipsis custodirent, aliis ad æmulationem exemplo suo excitatis.

EGENTES puellas, quibus esset forma periculo, diligentissimè conquisitas, matronis ditioribus educandas, sustentandasque dividere consueverat; apud quas adultæ idoneis viris dabantur nuptui, nonnunquam dote ab earundem pietate impetrata. Cum cresceret numerus, uxoribus artificum acupingentium commendabat, corrogata stipe, ne illis gravior esset impenſa, lucrosamque artem sibi interim pro dote compararent. Hujusmodi adolescentulas ipse per celeberrima compita deducebat, à parente suo optimo id mutuatus Ignatio, qui grandis natu, Præpositus Generalis meretriculas respicientes antecedere ipsemet, ac perductoris quodammodo munere fungi Christi causa non erubescibat; à quo egregium illud etiam ebibit, cum dicenti, Ignatium in jis oleum, & operam perdere; Ego

ve-

verò , inquit , cujuſlibet iſtarum , uni-
us dumtaxat noctis impedire flagitia , &
injurias in DEVM omnis operę , ac vigilan-
tię pretium duxerim : quo doctus ora-
culo cum per proſtribula pertranſiret ,
meretricibus pecuniam erogabat , rogans
ne ea nocte peccarent , accepto jam à
DEO pretio , quod damno ſuo acceptu-
rę fuiſſent à malo Dæmone . Miſſerri-
mo illi erronum Ægyptiorum generi ,
quos Zingaros vocant , ſedem attribuit ,
& Catecheſim . Circumforaneas mulie-
res Agyrtarum comites venena potius
propinantium , quàm antidota diſtrahen-
tium , prodire vetabat in publicum : ſi
ſecus feciſſent ipſe conſcenſo ſcamno eo-
dem , & Crucifixi vexillum expandens ,
è loco dimovebat , & lucro ; quare ſa-
tius illi ducebant ſine mulieribus conſcen-
dere , quàm faceſſere cum pediffequis .
Cum aliud non poſſet , obvium quemque
ignitis ſenſiculis inflammabat ; & ruſti-
cos ipſo in itinere ad conſalutandam Dei-
param ,

param, ad Eucharistiam adorandam, ad illius usum proximo die festo, vel Dominico perfricata memoria invitabat. Hæ ALOYSII industriæ non sine DEO, quo auctore longè majora patrabantur. In aleatorem ignotum, ludo, ejusque appendice blasphemia ad eas rei familiaris redactum angustias, ut ab iniiciendis sibi manibus non longè esset, per vicos, & plateas diu quæsitum, tandem incidit; prehensumque manu blandissimè est alloquutus; promissisque vestibus, cum jam seminudus incederet, extorsit, ut polliceretur se apud socium peccata depositurum. Operam suam socius confitenti navavit egregiè; cumque multo post tempore percontaretur ab ALOYSIO, quid illi factum esset? respondit non sine gemitu: labores omnes pro illo frustra susceptos; vivere jam desiisse pessimo exitu.

Ad scelesti cujusdam pedes se coortis tot lacrymis abjecit, ut ad bonam tandem frugem perduxerit. Rogavit semel

nautas , ut ad ingentia illa retia fallendis Thynnīs parata accederent . Offendit piscatores in rabiem prope actos , quod per plures hebdomadas laborantes nihil capissent . Iubet eos à peccatis reducere pusillum , Deoque reconciliari , ad reconciliatos Deo , pisces certatim spontè convoluturos . Parverunt illi æquè piscatores , & pisces , hi in retia irrum-pentes , illi ad penitentiam confluentes .

VERUM non semper ille in curandis animis utebatur unguento , ferro etiam usus , & causticis . In Adolescentem à meretriciis amoribus non semel abstractus , non semel reversum ad sordes excussis toto nisu manibus impegit colaphos . Ille probè tenens quod inusitatae ille sancti viri blanditiæ pertinerent , adit recta presbiterum , totum virus evomit , & fortè fortuna è Templo digressus iterum incidit in ALOYSIUM , qui eum ad-movens pectori , artissimis amplexibus priores colaphos compensavit, verbo nul-

lo in utroque congressu utrinque prolato. Nec semel accidit, ut oculis ipsis, tacitus feriret ad Pœnitentiam. In quo genere illud è multis seligo. Dum in Panormitano degeret domicilio monuit manè socium, se à prandio iturum esse piscatum. Itur ad litus, ibique sistitur, & confabulantem ibi Triremis Celeusten crebris adortus obtutibus, non antè destitit, quàm ille oculorum ictibus, aliò se convertens, sæpius declinatis; tandem se dedit, in eas voces erumpens. Teneo quid innuas, eluam sordēs, desine tandem in me obtutus figere, quibus ferior. Tunc ALOYSIUS manu prehensum, & ad proximum Templum Patrum, quibus à Mercede est nomen, ductum, monitumque quàm grave crimen esset abjecta cōjuge hærere pellici, quo ille morbo laborabat, fatentem crimina cæpit audire, sed ad eò hærentem sordibus, ut vix octavo post die ablutum ritè dimiserit.

SED major in eo vis ad depellenda vel

antiquissima odia, pacesque firmandas, quæ justum volumen implerent: illud unum præteriri non potest, quod Aloysii sanctimoniam mirè deprædicat. Lucius Pisanus fædissimo ab hoste accepto vulnere Syracusis objerat: viduam conjugem ex acerbissimo mariti funere penè perditam, lacrymisque confepultam, solaturus convenit ALOYSIUS; & primo illo congressu vix extorsit, ut in templo, in quo vir jacebat, ipsa, filiaque sumerent divinas dapes. Invisit secundò, nuncians virum jam frui DEO; & ter, inquit, prò illo ad aras feci; primùm gratias agens DEO, quòd tam benè parato lethum immisisset. Secundùm orans ut à Piaculari igne abstraheret quàm citissimè. Tertiùm, ut cælo reciperet, quod aperiri sibi illico Stephanus vidit, cum lapidantibus pepercisset; imitatus autem est Stephanum Lucius, non ignoscens modò sicario, verum villius vitæ ita consulens, ut eum proderè nun-

nunquam voluerit: imitetur igitur
Sanctum virum Coniux; hoc tamen
illa irritata sermone, invehitur in ALO-
YSIUM, quæstans, quod, qui hæc resci-
ret, virum occidendum non antè mo-
nuerit, ut sibi ab hoste caveret. Cui
ille negligendam esse chirothecam,
modo integræ sint manus, & digiti;
animum in tuto ponendum, corporis
facilem esse iacturam. Illa dolore amens
negat se recente adhuc vulnere hosti
esse parsuram etiam num temerario, à
quo uno ictu vir esset perditus: simul-
que in quatuor filias præsentem inten-
tans digitos, utrumque quinta prole-
tumentem, parvulumque nepotem, &
in semiplenam frumento arcam, con-
versaque penè furens ad ALOYSIUM: aspice
inquit, tot pullos sine cibariis, & suade
deinde si pòtes, ut ignoscam. ALOY-
SIUS videns totum odii pondus in an-
gustias rei familiaris incumbere, Deo-
que fretus, quid si, inquit, & alen-

bāt dissolvi, & esse cum Christo, cu-
 jus hostēs acerrimos tamdiu tulerat, &
 exugendo curaverat, tot haustis foeci-
 bus, ut tandem ipse disrumperetur; &
 frequenter illud ALOYSIO erat in ore;
 quod fuerat in votis, Iniquius cer-
 nenti peccata paciscendum
 esse cum morte. Ipse
 compos voti factus
 plures sibi vitæ
 annos a-
 demit.



C A P V T V

*Corporis afflictatio penè
justo severior.*



QVÆ de hoc sparsim tacta sunt,
dicta sufficerent, nisi longè
plura fugissent, in loco dicen-
da; & ex his nonnulla adeò
præter morem, ut nisi juratis testibus
firmarentur, præter fidem essent; ut
igitur omittamus tum ea omnia crucia-
tuum genera, quibus ad mortem addu-
ctus est, tum alia complura, quæ ei
cum nostratibus Sanctis fuere communia;
cujusmodi sunt creberrimæ, sævissimæ-
que diverberationes, vestes cilicinæ,
celebriorum dierum pervigilia uno cibarii
panis, & aquæ victu traducta; præter
stata singulis hebdomadis sextæ feriæ,
& consequentis diei jejunia; ad ea ve-

A a nio,

antiquissima odia, pacesque firmandas, quæ justum volumen implerent: illud unum præteriri non potest, quod Aloysii sanctimoniam mirè deprædicat. Lucius Pisanus fædissimo ab hoste accepto vulnere Syracusis objerat: viduam conjugem ex acerbissimo mariti funere penè perditam, lacrymisque consepultam, solaturus convenit ALOYSIUS; & primo illo congressu vix extorsit, ut in templo, in quo vir jacebat, ipsa, filiaquesumerent divinas dapes. Invisit secundo, nuncians virum jam frui DEO; & ter, inquit, pro illo ad aras feci; primùm gratias agens DEO, quòd tam benè parato lethum immisisset. Secundùm orans ut à Piaculari igne abstraheret quàm citissimè. Tertiùm, ut cælo reciperet, quod aperiri sibi illico Stephanus vidit, cum lapidantibus pepercisset; imitatus autem est Stephanum Lucius, non ignoscens modò sicario, verum illius vitæ ita consulens, ut eum prodere

nun-

nunquam voluerit : imitetur igitur
Sanctum virum Coniux ; hoc tamen
illa irritata sermone, invehitur in ALO-
YSIUM, quæstas, quod, qui hæc rescie-
ret, virum occidendum non antè mo-
nuerit, ut sibi ab hoste caveret. Cui
ille negligendam esse chirothecam,
modo integræ sint manus, & digiti ;
animum in tuto ponendum, corporis
facilem esse iacturam. Illa dolore amens
negat se recente adhuc vulnere, hosti
esse parsuram etiam num temerario, à
quo uno ictu vir esset perditus : simul-
que in quatuor filias præsentēs inten-
tans digitos, utrumque quinta prole
tumentem, parvulumque nepotem, &
in semiplenam frumento arcam, con-
versaque penè furens ad ALOYSIUM: aspice
inquit, tot pullos sine cibariis, & suade
deinde si pòtes, ut ignoscam. ALOY-
SIUS videns totum odii pondus in an-
gustias rei familiaris incumbere, Deo-
que fretus, quid si, inquit, & alen-

daſ familiae, & filiabus nuptui tradendis idoneus ſponſor accedat? ſimul homine major, deoque plenus ad arcam accedens, hanc, inquit, ea benedictione impertio, qua Deus benedixit Abram, Isaac, & Iacob. Arca nunquam deficiet de domo tua. Filiae tuę in circuitu menſę tuę. Labores manuum tuarum quia manducabis, beata es, & benè tibi erit. Eſt ne quod quæras ulterius? Flavia, hoc viduę nomen, attonita primùm, ſenſimque Deo illuſtrante, mutata, publico monumento hoſti pepercit; ſemper magis, magiſque mirata, cum quę ille prædixerat, videret impleri. Non modò nihil unquam illi defuit, ſed res omnes, modò arcam contingerent, ita amplificabantur, ut & ædes extrueret, & filias in matrimonio honeſtiſſimè collocaret; ex quibus natu maxima ter nupſit dote non contemnenda, fretaque primogeniturę beneficio in erciſcunda hære-

hereditate Arcam elegit, tantæ in ea familia existimationis, venerationisque, ut nulla res, nisi inde prius extracta, uterentur, non cibo, non veste, non suppellectili, non pecunia; & in quadam maxima caritatè annonæ, bini frumenti modii, qui spectabant ad consanguineum, ibidem clausi, ad quadraginta excreverunt; quin ab illo Arcæ persolutis, non immemore beneficii. Diu nos diuturnum prodigium tenuit: breviora nunc omittentes, ad eam Charitatis ALOYSII in proximos radicem veniamus, qua aliis semper profuit voce, manu, consilio, precibus, sibi tantum erat exitio. Opem, sedulam, assiduamque ferebat corporibus ALOYSIUS, quò permearet in animos; & ubi in hos pervasisset, totum ab eis peccati virus exurgeret; quòd cum non posset omnino concoquere, post insignem præsertim aliquam conversionem ægrotabat, tanto in injuriis Deo illatis discruciabatur dolore. Iamque pertæsus cupiebat

bat dissolvi, & esse cum Christo, cu-
 jus hostes acerrimos tamdiu tulerat, &
 exugendo curaverat, tot haustis foeci-
 bus, ut tandem ipse disrumperetur; &
 frequenter illud ALOYSIO erat in ore;
 quod fuerat in votis, Iniquius cer-
 nenti peccata paciscendum,
 esse cum morte. Ipse
 compos voti factus
 plures sibi vitæ
 annos a-
 demit.



C A P V T V

*Corporis afflictatio penè
justo severior.*



VÆ de hoc sparsim tacta sunt,
dicta sufficerent, nisi longè
plura fugissent, in loco dicen-
da; & ex jis nonnulla adeò
præter morem, ut nisi juratis testibus
firmarentur, præter fidem essent; ut
igitur omittamus tum ea omnia crucia-
tuum genera, quibus ad mortem addu-
ctus est, tum alia complura, quæ ei
cum nostratibus Sanctis fuere communia;
cujusmodi sunt creberrimæ, sævissimæ-
que diverberationes, vestes cilicinæ,
celebriorum dierum pervigilia uno cibarii
panis, & aquæ victu traducta; præter
stata singulis hebdomadis sextæ feriæ,
& consequentis diei jejunia; ad ea ve-

A a nio,

nio , quæ afflictationem corporis æquè , ac ingenium , totumque ALOYSIUM in eo positum ostendunt ; ut catenato veluti altero alterum se excipiente tormentorū genere corpus arroderet , ac dilaniaret . Binis cuspidatis catenis ferreis ab humeris hinc inde pendentibus ad ilia , ibique fibula junctis semper incedebat armatus ; utramque tertia Zona secabat ferrea medium cingens : has per se crudeles ad feriendum excitabat ea artuum , corporisque agitatione , qua expertus fuerat eas acrius efferari ; cujusmodi erat ita brachia in crucem conformare , ut altero alterum esset erectius , quò latus utrumque impari laniena , pari dolore vexaretur , hinc coacervatis cuspidibus , inde cursim fodicantibus . Et quamvis ad arrectarium sedilis tergum corpus nunquam applicaret , admovebat tamen , & quidem validiùs subinde , quò altiùs fingerentur cuspides catenarum ; quæ proinde , uti etiam alia flagra ferreis rotulis
af-

asperata , quibus se in suggestu diverberabat , respersæ sanguine cernebantur.

SED demus equum in cursu tam inclementer habitum , extimulatumque : at illi neque in capiendo cibo , somnoque parsum , quis ferat in immiti agasone , nedum in domino ? Cum interdictis sibi jejuniis pranderet lautius , in escarum tractatione , secando , intingendo , miscendo , condiendo non modò nitebatur fallere oculos accumbentium , & velare abstinentiam suam , verùm etiam gulosus videri . Et verò id impetrasset , adeò solerter id faciebat , nisi cum tota vitæ series prodidisset , quæ omnium oculos ad observandum excitabat , tunc spectatores attonitos , testes nunc locupletes .

ERGÒ illi solemne fuit interdicto sibi omni deliciarum genere , quæcumque vilia , quæcumque essent inamæna , amaraque conquerere ; si quis bolus saperet palato , eum admove-re ori , quò gulam acriùs irritaret ; ir-

ritatamque denegando magis magisque cō-
primeret: detractos ficibus cortices vorare,
jis integris in mendicabula dispertiendis
relictis; crudos, atque immites in cibum fructus
seligere, maturis DEO libatis. Reje-
ctaneis etiam malorum aureorum adhuc viri-
dantium globulis detractum corticem, quo
ad frangendum guttur nihil aptius exco-
gitari potest, conscissum, minutatimque
concisum miscebat eduliis: cum rus per-
geret, capnum legebat in cibum, herbam
scilicet amarissimam, cumque rogare-
tur, cur hujmodi gulę venena gustaret;
illud fovendo stomacho, hoc jecinori
purgando experientissimus videlicet do-
mandi palati medicus utile dictitabat.
Lac diluebat aceto, amarulentis succis
vinum; nec ulla erat potio, vel cibus,
quę non antè corrumperet, quàm ori ad
supplicium admoveret. Ad hæc velle-
bat & temporibus pilos, & succe-
scentia in unguibus fila, quę nec tangi
sine maximo doloris sensu possunt. Nec
rarò

rarò cultro manibus levia infligebat vulnera sale, acetoque infuso sananda, hyeme nudis humeris nives, in summis caloribus calidam pectori, ferventemque aquam admovebat; & maximis itinerum molestiis illud addebat, ut immittens dumetis manus sanguinolentas extraheret; tormenti genus, quo multa cælitùs impetrabat. Inter quæ illud, dum arator quidam ad exhomologesim se parat, ne quid operæ ei depereat, admovet ALOYSIUS stiue manum, eoque terram versante, bovis pes vomere vulneratur: Sed facilis remedio via: ALOYSIUS manus spinis lancinat; bosque è vestigio sine vulnere; uti & arator p homologesim sine noxis apparuit.

VERUM ne ALOYSII manibus humeri inviderent, eos sæpè in mediis campis lumborum tenuis nudatus in dumeta, Benedictum imitatus, injecit. Quod quamquam ipse conaretur occulere, cavere tamen non potuit, quin in Sancti Stephani propè Messanam campis
bis

bis observaretur, semel à Bernardino Giardina, & Paulo filio; iterum à Francisco, & Maria Vitali conjugibus; à quibus se deprehensum sceleri sibi adscribens, ut in se lapides jacerent, impetravit. Sed quota hæc ejus inclementiæ pars? non abdomen modo, humerosque, & serviles artus subegit, verum etiam alias affectiones, & flecti nescias, & dedignantem servitium misit sub jugum. Mitto injurias non æquo tantum animo, sed etiam hilari toleratas; id enim ad sui despicientiam magis spectat, quam cruciatum. Cursim quæ sunt hujus loci perstringo.

Dvo erant; in quæ Aloysius suopteferebatur ingenio, exquisitissima mundities, & delicatissimum in convictu fastidium; utrumque vicit, jis victoriæ monumentis, ut verendum maximè sit, ne eorum enarratio nauseam pariat. Et munditiem quidem commendatione dignam, si intra fines suos sistat, quoniam

niam videbat ad alterum extremum ver-
gere , convertebat ad alterum ; &
quæ sibi ad sui victoriam licere pu-
tabat , obibat egregiè , lacer , suffarci-
natus , malè præcinctus , obversa gerens
tibialia , pilei latera ad mentum demis-
sa , & alia hujusmodi ; petens enixè , ut
alia etiam sibi in hanc rem usurpare lice-
ret , oleo , jure , fæcibus vestes comma-
culando .

• MARVS opus in vincendo stomachi fasti-
dio nullis legibus obnoxio : ad hanc vi-
ctoriam prælusit , Nosocomia , Trirèmes ,
Ergastula , Stabula obeundo . Carnium
analecta in mensa edendo , & victitan-
do rejectaneis ; & calidam quibus illa
perpurgantur exorbendo . Ægerrimè à
se ferri sentiens labia admoveere calici , in
quo alter bibisset , ex osseo calice viato-
rio , quo utebatur , bibendi copiam facie-
bat mendicabulis , bubulcis , agafoni-
bus . Movebat illi nauseam quidam è so-
ciis immodicè excreans inter edendum .

Non

Non moveri, non conqueri, non declinare convivam, cum posset, aliorum præclarum facinus fuisset, ALOYSII illud fuit, assidere; & frustulum panis, seu casu, seu arte in terram decidens resumere, fædaque illa excreatione intinctum, abligurire, socio, qui id advertit, attonito, & emendato.

ADERAT Messanæ morienti mancipio; fordes, fœcesque cum anima egerenti; excipiebat eas suo sudariolo ALOYSIUS, qui ut sensit reflantem stomachum, domiturus rebellem, exuxit sudarium, stupente æquè mancipio animam agente, quod in posterum tenuit excreationem, ac ALOYSII socio; qui factum, quamvis rogatus enixè, ut taceret, non se tenuit, quin Rectori totum aperiret, maximo suo stupore, & virtutis compendio, dictitans: Tanti viri exemplo ad omnia toleranda paratum.

MÆNIS quartam horæ partem solidam lambendo porriginoso insumpsit.

MES-

MESSANÆ cubiculum quoddam ingressus, offensusque odore intolerabili; quasi verò humana ista pati, crimen esset, ollam glutinis corrupti, quæ tum tetrum afflabat odorem, totam exhaustit, tanto horrore viscerum, ut ea panem effuderit, nec minore Æditui, qui eum deprehendit. Fateor me nauseam tenere diutiùs non posse scribendo, quam ille constantissimè retinuit sorbendo ea, quæ aures ipsæ ferre non possunt. Vincat tamen, uti ego calamum, ita lector oculos, in eo tantum contemplando, in quo ALOYSIUS Franciscum Xaverium, & Catharinam Senensem felicissimè est æmulatus. Dum apud Leontinos degeret verno jejunio concionator, nocte concubia audit in trivio mendiculum ejulantem. Corripit se è stratis, & ad jacentem cum cibis accurrit: negat ille flere se famem, quam præ doloris acerbitate minimè sentiret; usu pedum se à cancrena pri-

vatum ; depasta jam digitos : ignem unicum morbi remedium , majori sibi horro-
ri esse , quàm mortem ; id se timen-
tem fugisse Omodei Pharmacopolæ do-
mo , in qua tractabatur humanitèr ,
opem igitur ferret , & quoniam san-
ctus esset, redderet sanitatem . Suscepit
id se facturum ALOYSIUS , modò silen-
tium se servaturum promitteret ; dete-
ctisque ulceribus , quæ sævam exhalab-
bant Mephitim , vel in trivio non fe-
rendam , quò se magis repelli ,
stomacho nauscente , sentit , eò avi-
diora sugendæ saniei labia admovit ;
nec cessit , donec toto pure exucto ,
æger levatum se dolore clamans cæna-
tus quievit . Postridiè ægrum à viro no-
bili domi suæ exceptum invisit Aloy-
sius , & remotis arbitris , in speciem e-
jus pascendi , & solandi , ad teterrimi ,
qui succreverat humoris succum sitiens
rediit : idque per dies undeviginti lu-
ce , noctuque factitatum : quo transa-
cto

cto tempore , dimisit incolumem , ea lege , ut aliò commigraret : nec diuturnitas curationis quidquam prodigio detrahit ; nam sanare distulit adeò usque , dum ipse abscedens , si ille promissam silentii fidem violasset , absentia saltem plausus , acclamationesque consecuturas effugeret.



CAPVTV. VI.

*Humilitas , & sui
despicientia .*



RIA in sanctorum virorum
gestis maximè stupeo ; pri-
mum est, eos in tanto divino-
rum donorum affluentia , quæ
pumilionem eveherent , cogerentque se
circumspicere , de se tamen tam demis-
sè, abjectèque sentire. Alterum, certamen
eos inter , & DEVM , ut quò se magis
ipsi deiiciunt , deprimuntque , à DEO al-
tiùs attollantur. Tertiùm, DEVM in tanto
eorum efferendorum studio, ità tamen sa-
pientissimè omnia moderari , ut summos
inter honores, quos jis vult haberi, con-
temptus tamen , & injuriarum etiam ma-
teriam non rarò suppeditet . Et priora
quidem duo in ALOYSII vitam curiosiùs
intuenti meridiana luce ipsa apparent ;
qua-

quare hîc ex postremo tantum nonnulla delibo .

Drepani dum ludi magistrum ageret ,
efferatus quamvis iusta verberatione discipulus , tot eum contumeliis oneravit ,
ut auditores omnes exhorrescerent . Ipse
ad conviciantis pedes abjectus , eosque
exosculatus , sibi ab irato rogat ignosci .
Pollicetur se in posterum alterum cum
eo futurum . Stetitque promissis , tam
enim humaniter , tam blandè eum deinceps
habuit , blanditiis , munusculis , honore ,
& omni amoris significatione declinans ,
ut ipsi adolescentes hærent stupore defixi .
Discolo huic adolescenti de sancto præceptore
tam pessimè merito pessimè omnes ominabantur ;
sed DEVS monstra vertit in bonum ; nam ei eam
mentem immisit , ut religioso severioris
disciplinæ cætu nomen daret ; quod ingens
ille beneficium ALOYSII precibus referebat
acceptum . Quærat Petri Fabri sententia :
Sinere DEVM maximas irrogari
ser-

servis suis iniurias , quò eorum magnanimitate , & inimicorum tantoperè sibi grata dilectione permotus , ignoscat jis , quibus non fuerat alioqui parsurus .

Non tam prosperè cesserunt aliis collatæ in ALOYSIUM injuriæ: Discessurum ex oppido, cui nomen Eniso, jam jamque insilientem in equum , obvallatumque oppidanis ultimum vale præstolantibus sistit uterque magistratus sacer, & profanus, suboffensus, quòd in templo maximo concionatus fuisset, petente id populo, spreta sua ipsorum Ecclesia; quæriturque elato supercilio, qua facultate indulgentias promulgasset . ALOYSIUS, nihilo commotus facculum evolvens inventas patentes literas, per quas id sibi liceret, ostendit . Hæc est illa eadem charta , inquiens , quam huc ingressus ostendi Vicario recusanti . Atqui, Vicarius excipit , tunc nolui , nunc volo ; est ne quod carpas ? Bene est, inquit , ALOYSIUS , imo laude dignissimus , qui
fun-

fungitur munere suo . Illi conjecturi fortasse ALOYSIUM in vincula si , fontem deprehendissent; ubi eum viderunt facultate satis instructum , inurbanissimè insalutato ALOYSIO discesserunt . Qui ea moderatione non contentus , in trivio illis occurrens ; ex equo desiliit , & veniam , pacemque orans , amplexatus est arctissimè . Sed omnes intra tres menses extinctos non sine viscerum dolore acerbissimo , arbitratus est populus dedisse inurbanitatis suæ pœnas , & irrogatarum ALOYSIO injuriarum .

PROCACIOR fœmina , quæ non impetrato per eum Virgunculæ filia ingressu , quem sperabat , in Parthenonem , cui nomen Monti Pietatis , in publicis viis incedentem prosequuta est eo contumeliarum apparatu , quem aures castæ non ferrent , inter quas illud horrendum dictu . ALOYSIUM Scortis faventem , à Virginibus abhorrere . Silente placidissimè ALOYSIO , & confluen-

ente

ente jam ad clamorem multitudine , Socius, ut furentem leniret , turbamque, à muliere excitatam comprimeret, significavit iratę, potentioribus negatum idem , quod ALOYSIUS non impetraverat , proinde quiesceret : tum ALOYSIUS æquę silentio , ac voce pacatior . Ità est , audisti soror, quiesce .

NEC meliùs habitus est ab impudico, quem domi suę conventum , ut à libidinum ceno extraheret , expertus est hostē acerrimum , à quo domo pulsus non sine verberum minis , atque conviciis .

TANTA in subitis casibus animi moderatio publica ortum trahebat ab ea contemptus sui palæstra , ubi se se in umbra exercens proludebat ad prælium . In quo genere facilius est principium invenire, quàm exitum . Compluribus igitur id genus industriis, jisque quas suprà commemoravimus , omïssis; ad alia omninò integra veniamus .

INGRESSVS quispiam in ejus absentis cubicu-

biculum , tot sædis nomenclationibus , quibus se identidem compellabat, refer-
tissimum indicem reperit ; ut si unam
tantùm ex jis in mediastinum è fæce
populi quis jaceret , peccaret lethali-
ter ; ipse in eorum cœno innatabat ,
qui cum non posset , ut voluisset ,
dulciori modulatione audire ab aliis , ipse
sibi ea accinebat : atque ut manarent
ad alios , eo usus est astu , ut probra
majuscula chartulis exarata , signorum
loco libello precum clauderet , quò per
aliorum manus , ut sæpè fit , eunte ,
irent etiam suæ ignominiaë ; quod ubi
rescivere Antistites severo interdicto ve-
tuerunt . Hunc libellum edi voluisset in
lucem ; uti ex altero , quem suo nomine
præfixo vidit venalem lingua Castellana ,
eo titulo : *Antidotum contra tartare-*
am pestem noxa lethalis , Nomine au-
ctoris , & operis titulo uncialibus literis
præ Bibliothecariis foribus suspenso ;
C c ubi

ubi vidit impetrari non posse, ut suum nomen abraderetur; omnia coëmit exemplaria, daturus flammis, quæ Typographus in lucem ediderat.

NIHIL illi fama sua, celebritate nominis, opinione Sanctitatis infestius. Hinc publicum, & Magnates vitabat: vocatus sæpè à Marchione Velenfi Prorege, in postremo morbo desiderari se passus est usque, eò dum iussus accessit. Ad Marchionis Tarifæ Proregis unigenæ adventum in domum Professam cohonestandum, dum domestici omnes certatim accurrunt; vocatus à sociis ALOYSIUS subterfugit; mox veritus ne iterum vocaretur, inter ligna in subterranea crypta delituit: Iussu Principis sæpè vocatus, diù quæsitus, nusquam inventus, donec qui ejus astus callebat ratus id quod erat, inter ligna abditum, obtentu præcipientis imperii extraxit è specu. Comitibus Stabuli Columnæ filii Panormo discessuri Romam, dum qua erant humanitate, com-

commeatum à Patribus petunt , & innuunt ALOYSIO oratum iri à se Christi Vicarium , ut eum Romam vocet : Atqui , inquit ipse , ego Christum rogabo , ut vobis mei memoria excidat ; cumque vocato à Cardinali Triultio magnos ei honores ominarentur ; respondit : minimè vereri se , ne tam cordatus Princeps in istiusmodi laberetur ineptias : si secus faceret tot ei , tamquæ enormia sua probra detecturum , ut abstineret . Desideratum in aulis Procerum , non se eorundem desiderari patiebatur in stabulis ad equifones , rhedarios , aliosque infimi servitii famulos , vel erudiendos in Christi doctrina , vel juvandos in morbis ; atque honores sibi à principibus viris habitos , ne meraciùs hausti nocerent , huiusmodi forbitiunculis diluebat . Quo in genere , Messanæ se ipsum vicisse videtur . Concionatus ibi summos plausus tulerat ; quos more suo temperaturus , cum vacabat , nosocomium in paucis celebre obibat , in

quo præter insanas substructiones , proventusque regios flos Procerum ægris curandis advigilat ; in illo igitur nobilitatis trophæo egregia contemptus sui positurus monumenta præter alia mediastinorum munera trullas , & lasana , aliaquè id genus vasa per ingentia illa ambulacra suspensa purgaturus ferebat, referebatque perpurgata, attonitis spectaculo omnibus, socio etiam rubore suffuso quòd victum se videret ab ALOYSIO , qui à se fuerat vincendus ; quare is manum operi admovit ; respuit tamen ALOYSIUS socium , addens , si se sequi vellet, non deesse alia ejusmodi fercula ; quare quisque onus suum portaret . Nec fatitatum id semel .

Ac in oppido propè Catanā postremos suos quadragesimales labores insigni aliquo facinore censuit obsignandos. Discessurus ex Urbibus , quò honores sibi haberi solitos, declinaret , vel antè lucem , vel simulato in vicinis locis negotio, digressus , quasi mox reversurus , in salutatis civibus evadebat .

debat . Acenses id odorati benè matutini conveniunt , & atrium occupant ; rogat Aloysius , ut abeant . Vbi se videt non exaudiri , ut ex tanta multitudine insignem aliquam sui reportaret victoriam ; arrepto vase in quo ventrem exoneraverat , per confertam multitudinem ducit , reducitque , consensuque asino jubet plaudire equo , & equiti consueto sarcasmo , quo lepide jumentum nomen infessorem deflectunt . Postremus hic apud Acenses actus ridentem habuit ALOYSIUM , serios verò , semperque mirantes Auditores . Postremus item apud Alicatenenses utrosque plorantes , singultantesque . Alicatæ postremam concionem his verbis clausit Apostoli *Quod faciem ejus non amplius essent visuri* ; Et satis id erat ad uberrimas à concione lacrymas exprimendas ; sed non satis erat ALOYSIO alienus proventus , quare ut compendio etiam suo postremus

mus ille actus absolveretur , ea sibi probra objecit , tam foedas appellationes indidit , ut non modò auditores ejulatibus complerent omnia , sed ipse etiam solutus in lacrymas , non ferens ruborem, quo suffusus erat, quamvis hujusmodi ictibus jam callum obduxerat , obvoluto vultu singultiens abjerit .

HÆC, & alia plura, quæ eminent, plurimi æstimat vulgus , minutiora pluris faciunt sapientes , cujusmodi erat , vitare conspectum , quasi verò sociorum impar esset convictui : si quando colloquendum esset , humilioribus semper hære ; tacere ferè semper , nisi in Coadiutores incideret : sentire , & seriò dicere, nisi DEVS sibi aliquam ad excursiones facultatem indidisset , ejiciendum è Societate, fuisse, cum tamen omnibus corporis, animisque dotibus abundè esset instructus ; ad laudes etiam privatas , & inter amicos non expallescere modò , sed & irasci ; & cum mitissimus esset in ea etiam
cum

cum primariis viris , quos impensissimè colebat erumpere , quæ nisi à sui despicientia ortum habuissent , minimè probarentur , fastumque iracundiæ mixtum subolerent . Memoratus super Clavellus Dominicanus , quo utebatur familiarissimè , commendabat ejus labores , lucrumque inde proveniens , sanctitatis opinionem , in qua apud omnes erat , teste se oculato , qui insulam concionando peragraverat . Tunc ALOYSIUS severiorem induens vultum suboffensus , negavit de homine tam nefario dici , quæ ille memoraverat ; & aliquanto commotior monuit laudatorem , ni vellet veterem amicitiam tunc scindi , ab hujusmodi sermonibus abstereret . Nihilo mitiorem expertus est quidam è nostris Sacerdos , futurus ejus comes expeditionum . Hic invisentem se ALOYSIUM rogavit , ut juberet morbum , quo laborabat facessere , quò expeditior esset ad iter alioqui differendum . ALOYSIUS immotus ad contumelias , hoc enim
verò

verò tulit ægerrimè , & ægro inſalutato diſcedens , recta adiit Antiſtitem ; impetratoque alio ſocio , ægrum , pro quo tantùm eò acceſſerat , reliquit nunquam reſumpturus in poſterum . Cætera omitto , id unum enarraturus , ex quo liceat conjecturam facere reliquorum .

FACIEM ſibi contundi diù irritis votis optaverat ; verùm quia , quod diù mente concoquimus , tandem aliquando erumpit in opus ; modum excogitavit , quo tamdiu concupitis calcibus frueretur ; à Domus Præpoſito impetravit , ut liceret ſibi ſacris operari in ſacello domeſtico , quò & ſacrum longiùs traheret , & vitaret eam , quam ipſe maximam putabat injuriam , cum poſt ſe in templo ad ſacrum peragendum egredientem , concurſum fieri videret , audiretque ſe mutuo invitantes , ut ad Sancti viri miſſam accederent . Miniſtrum ſibi addi petiit domus famulum , qui Societatem petebat ardentiffimè , nactus opportunitatem

Aloy-

ALOYSIUS simplicem hominem circumvenit egregiè . Docet per unam cæcam obedientiam patere in Societatem aditum; si quæ ipse imperaret , impigrè exequeretur , admittendum ; si renueret excludendum ; & quò magis arduum quid juberetur , & in speciem crudele , & impium , promptiùs faciendum , modò idoneum suasorem haberet . Hinc lata cinctum indagine innocentem juvenem urget pressiùs , rogatque num dicenti sibi fidem habeat , num obtemperaturus sit imperanti ? annuit : quid enim diceret ille doctus tantum in patinis ? Igitur ALOYSIUS certus promissi , abjectus , humerosque sacelli januæ obvertens firmissimè , nequis improvisus accederet , Iubeo te , inquit , pedibus sceleratum hoc caput contundere . Hæsit miser ille attonitus , reus promissi , si detrectaret ; sacrilegii , si pareret . ALOYSIUS additus portæ pro pefulo , prohibebat egressum , & interclusum in Societatem aditum minabatur , si

renueret, & obligatam falleret fidem. Ille diu reluctatus, diu animi dubius, tandem ineundę Societatis amore victus, minisque viri sanctissimi territus, dedit tandem manus, ægrius pedes; & venerabunda planta jacentem vix contigit. ALOYSIUS, ut erat solertissimus, vidit se nihil non impetraturum ab eo, à quo applicitos ori pedes extorsisset: perge porro, inquit, fili, tam suspensum pedem in Societatem minimè inferes. Tunde, retunde merentem; ne dubita. Si me fontem existimas, fonti ne parcas, si non malum, bono tuo jubenti pareas: His homo simplex captiunculis, & sophismatis irretitus, & illius sanctimonia æquè retardatus, ac motus; ubi semel verecundię fines transierat, fuit naviter impudens, valenterque contudit jacentem ALOYSIUM, qui sputa etiam obtinuit, & post sputa etiam contumelias: quid enim ab eo non impetraret, à quo calces extorserat? Imperato denique silentio, ALOYSIUS benè
con-

contusus, plenusque vibicibus, voti compos abscessit. Tragicus actus longo post tempore desiit in lepidum. Io: Baptista, hoc illi bipedum simplicissimo nomen, fidem fefellit; & tutis, ut ipse putabat, auribus factum deposuit; sed fracti pœnas silentii luit, in pede innocenter sacrilego, illo laborans; donec ad

ALOYSII tumulum, urnamque fassus noxam, repente convalluit.



CAPVTV VII.

*Vita Integritas , & cura
innocentia .*



ETSI videri cui poterit ex
pervulgata ALOYSII divinitus
accepta internoscendarum
abditissimarum quarumcum-
que rerum , & animorum facultate or-
tum habuisse eam mixtam timore ve-
nerationem ; ut non nemo vereretur
ad eum accedere , non antè deposita a-
pud confessarium noxarum sarcina . Ego
quamvis non diffiteor , hoc etiam in-
causa esse potuisse ; aliò tamen tanquam
in fontem præcipuum refero , in opi-
nionem scilicet exquisitæ munditiei , &
sanctimonix , qua veremur illoti sacra
tractare .

ET verò quisquis eum , plusquam de
facie nosset , venerabatur tanquam ho-
mi-

minem de cælo delapsum . Fuit qui integras horas in eo aspiciendo insumeret , sentiretque eo conspecto ad cælestia se rapi . Fuit qui ibi se sisteret , quæ illi transeundum erat , ut conspectus ab illo tantum , ad divina incallescere . Fuit qui nihil tale cogitans ex fortuito occurso melior fieret , obtutu illius usus pro monitore . Nec defuit qui solo Aloysii intuitu abactas à se lubricas , quibus conflictabatur , molestias fateri non erubesceret . Iam verò pedum ejus vestigiis oscula figere , siccare salivas , lambere pulverem , vestes contingere & clam discerpere , pendere ab ore , hære in vultu , petere salutare sibi signum imprimi , & cætera hujusmodi quantam præ se ferunt sanctimonie non vulgaris admirationem ? & verò non admirabantur ex nihilo ; non enim quacumque erat præditus sanctimonia , sed ea , cui innocentia diuturna , & maximi aliorum bono suscepti labores , cum minuta minimarum . quarumque legum
cu-

custodia incredibiles conciliare solent amores, & plausus. Octo tantum menses eo modo traducti, quo quinquaginta annos traduxit ALOYSIUS, Stanislaum aris ad-moverunt. Nec innocentius in Tyrocinio Stanislaum vixisse; nec in studiis etiam Gonzagam, idonei testes affirmant.

P. ANTONINVS Blandus, qui in instituen-dis tyronibus ipsos triginta annos posuit, ejus vitæ, dum studiis daret operam, attē-tus, assiduusque explorator non aliud ex-piscatus est crimen, cujus eum publicam jussit in triclinio poenam luere, quàm cal-ceos ejus semel deprehensos non æquè à pa-riete distare; ex quo æquissimus rerum æ-stimator conjecturam fecit, quàm esset is innocens, in quo nil peccatum esset ul-tra crepidam; & quàm verè facta facul-tate se publicè reprehendendi ea sibi oc-cineret, quæ scelestum apud ignotos proderent, apud notos redderent etiam sanctiorem. Scelera enim sua deprædica-re, vel est perditæ nequitiae, vel sancti-tatis

tatis eximiæ . Sed jam à calceis veniamus ad pedes . Pulchri hi quidem evangelizantium aliis pacem , pulchriores indicentium sibi bellum , interdicto sibi omni alio præter , quàm ex obedientia motu . Non illum loco procures moverent , ac Dynastæ , si vetitus legibus esset incessus ; secus si illæ innuerent , nulli parcebat itineri . Quoties domo egressus inutilem relegat iter , ut ianitorem moneret ubi quærendus esset , si quæreretur à quopiam ; vel ut tabellæ nominum apponeret calculum , absentix indicem , quod domo digredientes ritè consuevimus usurpare ? Quoties rure inambulans dato domesticarum precum signo , ubi erat , procidebat in genua , consuetarum precum pensum exoluturus ? Verrebat noctu alternis diebus cubiculum , cum per diem aliis districtus curis minimè posset ; & in excursionibus impetrabat à sociis , ut unus verreret , quod omnes incoherent . Sed fuerit ejus demissionis animi quòd

quòd tam crebro sordes converreret è cubiculo, quod eas nullo negotio contrahit. At non erat cur in suæ conscientiae latebras tam frequens speculator labes quæsiturus, quæ nullæ erant, inspiceret. Sæpiissimè, Missionum vero tempore, semper brachiis in crucem expansis, se ipsum singulis horis curiosius introspiciebat. Sanctissimum parentem in hoc imitatus Ignatium, qui statis diei horis in semetipsum descendebat, suaque omnia dicta, facta, cogitata, coram DEO diligentissimè reputabat; cumque scrupulosius intuentibus atomi lapidum speciem induant, deprehensa, ut sibi videbatur, noxa, ad Sacerdotis se pedes abiiciebat, solutionem exposcens; ille verò repellebat nullius criminis reum, admiratus videri in se ipso à reo, quæ iudex non videret; veneratusque aciem oculorum, qua sancti viri sunt præditi, adeò acrem, ut ea pervideant, quæ reliqui ne optico quidem admoto tubo inspicerent, caperent-


rentque; deputarique inter labeſ, quæ ipſis appareant ſanctitate pleniffima: quo uno ille itinere duo conſectabatur; ut ſcilicet, quod fieret purior, eò maculoſior appareret; in quorum alterum quantum collineavit, tantundem aberravit ab altero; nam quod à ſe ſanctimoniæ famam ſtudioſius conabatur avertere; eò ſibi illius opinionem magis aſſerebat; & quod ipſe ſæpius ad lavacrum accurrens, apparere volebat fœdior, eò innocentior habebatur. Nec ad altiffimam ejus innocentiam pervēſtigandam aptiorem, hæc bolidem ejus confefſarii habuerunt; nam qui labecularum adumbrationes deſteſtabatur tantopere, ut toties excipientibus ejus confeſſiones obtruderet, qui calaſſet, ſi graviori noxæ unquam fuiſſet obnoxius? Quot quot autem eum conſitentem audierunt, ſanctè affirmant, vix in illo unquam tantum labeculæ reperiffe, quin illi abluendæ guttula una eſſet ſatis, ſuperque. Ad ſuæ munimen-

E c

tum,

tum, & incrementum innocentiae non modò erat in internoscendis labeculis oculatus, & lynceus; verùm etiam æquè erat in sequendo divino ductu celer, & alipes. Incredibile dictu est, quàm attentè DEVM audiret loquentem, quàm exquisitè pareret ejus nutibus, & sibilis, ne dum verbis. Hinc erat ut sæpè ab incepto desisteret, DEO ad aliud impellente: quod adeò frequentè accidere etiam focii advertebant; ut apud illos esset in paræmia, quoties illum videbant à destinato opere re infecta ad aliud converti: iam posuit, flante altero, ventus prior. Iam verò quàm illimem, purumque necesse est eum fuisse, qui in se custodiendo, tam vigil, cæloque usus tam propitio, ad innocentiam velis, remisque contenderet? Sed ad ea, quæ eminent veniamus; nam licet sit maximus labor in tenui; non tamen par est apud omnes gloria; cum minuti operis pauci oppidò æqui

qui æstimatores reperiantur : quis, enim
satis capiat inexpertus, quantæ molestiæ,
quàm intolerandi laboris sit minutissimis
legibus alligari, & undecumque cir-
cumretiri, non liberum habere pedem,
non manum, non nutus, nusquam sui
juris esse, nihil sibi integrum relinqui ?
Hujus immitissimi, & nunquam pœna-
rum saturi Equulei ærumnas is tantum
novit, qui indè pendet; Aspicientes mi-
nimi faciunt, cum non videant vulne-
ra, & sanguinem, nec pendentium
ejulatus exaudiant; jisque
ferendis se pares existimarent,
nisi votorum religiosorum
clavis, quibus crucifi-
gendi essent, exter-
rerentur.



CAPVTVIII.

*Diligens Votorum
custodia.*

VÆ semel ALOYSIUS DEO vota nuncupavit amantissimè, reddidit semper cumulatissimè. Et Paupertatis quidem fuit non modo cultor eximius, sed amator; eam in deliciis, eam loco parentis habuit; cui non famulatum modò, sed obsequia, & blanditias se debere putabat. Et quoniam illud est cupiditatis ingenium, ut malit totam pati repulsam, quàm uno, vel altero impetrato, cætera denegari; & æquiùs ferat se totam excindi, quàm vel ramusculum unum, aut folium integro trunco concuti; securim ad radicem, admovit ità, ut nihil illo spoliatus, nihil esset egentius. Humus illi nuda,
vel

vel asseres prò strato ; nisi eum moderatores culcitis , ac lodici affixissent : in crucem enim agi se putabat , cum ejusmodi sibi , ut videbantur , præciperentur deliciæ ; eratque in jis undè cruciaretur , impetrandis , effugiendisque commodis tam importunus , tam efficax , ut tandem aliquando ejus precibus , lacrymisque fatigati , & rationibus in hoc genere acutissimis victi , eum sibi relinquere , hosti scilicèt sui infestissimo cogerentur . Dormientis lectulus , vigilantis vestibus non multum invidebat , nam dempta sacerdotalis decoris cura , cui Antistites advigilabant , nihil illius amictu obsoletius . Vilia semper indumenta , plerumque conscissa , nonnunquam etiam sordida , vel casu , vel industria , totum corporis indumentum ità attritum , ut si custos vestium ad mortuum aliquem amiciendum deterrimum quæreret , fuisset sumendum ab ALOYSIO . Iuvabat ejus paupertatem

popu-

populorum pietas ; qui ejus pallium ad osculum arripientes , vel particulas ad asservandum mordicùs abscindentes , cogebant attrito semper pallio incedere ; Et pallium quidem idem erat urbanum , ac viatorium . Gaufapinam senex jussus induere , induit , sed eam quæ non minus obedientiæ serviret , quàm paupertati ; nec temporum injurias prohiberet , sed plausum hominum , quem ante abiecta viatoria penula , in difficillimis itineribus conciliabat . A chirothecis semper abstinuit ; hinc manus minimè protectas , semper diffractas habebat , & sanguine diffuentes ; quas ; ad doloris coronidem , sale , acetoque perfricabat . Nec multum absimilis supellex cubiculi ; quam ab Eliseo mutuatum diceres , cujus totus census *Erat lectulus , sella , candelabrum* . Erat etiam vis magna icuncularum , sed charthacearum , quæ omnes vanirent teruncio : Erat in ejus gaza pergrandis lapis

pis metallicus, cujus pellucido puluisculo resperſe charthaceæ icuncule inter pueros diſpertiendæ collucebant: hunc lapidem, vel quòd pretioſum duceret, vel quòd erga eum ſe nimis affici videret ad Præpoſitum Meſſanenſem primùm, tum ad Panormitanum duxit, eo ſe ſpoliari velle dicens; à quibus edoctus has eſſe Iri, non Creſſi divitias, non acquievit, donec acciperent. Quo demum, abdicato omnes ſuas facultates, univerſamque cupiditatem dilapidavit. Sed hoc commune cum multis; illud hætenus, quod ſciam, nunquam auditum: conciones etiam à ſe ſcriptas Bibliothecario tradidit, ut publici juris faceret; & ingenii ſui partus, quò magis vileſcerent voluit eſſe expoſitos ipſo ſuperſtite, quòd alii facere conſuerunt ab obitu. Ejusdem paupertatis ſtudio nummos nunquam contigit, eamque curam alteri ſociorum demandabat, quamquam ad eum ſpectaret,

populorum pietas ; qui ejus palliū ad osculum arripientes , vel particulas ad asservandum mordicū absceindentes , cogebant attrito semper pallio incedere : Et palliū quidem idem erat urbanum , ac viatorium . Gausapiam senex jussus induere , induit , sed eam quæ non minus obedientiæ serviret , quàm paupertati ; nec temporū injurias prohiberet , sed plausum hominum , quem ante abiecta viatoria penula , in difficillimis itineribus conciliabat . A chirothecis semper abstinuit ; hinc manus minimè protectas , semper diffractas habebat , & sanguine diffuentes ; quas ; ad doloris coronidem , sale , acetoque perfricabat . Nec multum absimilis supellex cubiculi ; quam ab Eliseo mutuatū diceres , cujus totus census *Erat lectulus , sella , candelabrum* . Erat etiam vis magna icuncularum , sed charthacearum , quæ omnes vanirent teruncio : Erat in ejus gaza pergrandis lapis

pis metallicus, cujus pellucido puluisculo resperse charthaceæ icuncule inter pueros dispartienda collucebant: hunc lapidem, vel quod pretiosum duceret, vel quod erga eum se nimis affici videret ad Præpositum Messanensem primum, tum ad Panormitanum duxit, eo se spoliari velle dicens; à quibus edoctus has esse, Iri, non Cresi divitias, non acquievit, donec acciperent. Quo demum, abdicato omnes suas facultates, universamque cupiditatem dilapidavit. Sed hoc commune cum multis; illud hætenus, quod sciam, nunquam auditum: conciones etiam à se scriptas Bibliothecario tradidit, ut publici juris faceret; & ingenii sui partus, quò magis vilescerent voluit esse expositos ipso superstite, quòd alii facere consuerunt ab obitu. Ejusdem paupertatis studio nummos nunquam contigit, eamque curam alteri sociorum demandabat, quamquam ad eum spectaret,

etaret ; utebaturque sua facultate in abdicatione pecuniæ . Sed pecuniæ , supellectilis , vestiumque neglectus partus quidem est paupertatis ; non tamen primogenitus , quo jure gaudet cibi , potusque egestas ; cum videamus mendicabula , magis de ventre , quam de veste sollicita . Et bruta ipsa , quæ indumentorum cura minus tanguntur , optimæ quæque conquirunt pabula , nec sine falammento oves pascuntur , & piscium maximi à retibus , & fuscina tuti , hamo tamen capiuntur ; & escis . Quantum verò gula suæ tortor fuerit ALOYSIUS ; etsi ea , quæ sparsim dicta sunt ostendunt ; non nihil tamen libabimus , quod , & cruciandi corporis , & præseferendæ studium paupertatis evincat . Et quidem omphacio merum diluere , amarissimis succis condire edulia , utrumque tam parcè sumere , ut esuriret semper , & sitiret , omni interdum potione abstinere , macerare sumptum cibum aqua ,
quam,

quam, manus, osque abluens, vola-
forbebat, & alia hujusmodi plurima il-
lum voluntariæ paupertatis, & crucia-
tuum sitientissimum fuisse ostendunt. Il-
la puram sapiunt mendicitatem. In tri-
clinio ad aliorum pedes abjectum sume-
re cibos, quos, modò stipem à seden-
tibus in mendiculi morem corrogando,
modò, qui aliis supererant colligendo in
patinam unam redactos, non nunquam
etiam ex olla in quam prandii, cænæ-
que reliquæ conjiciuntur, erogandæ in-
famulitium, extractos, sibi apponebat;
& quidquid ab aliis rejectum esset, ipse
regustabat; si quem verò adipatum, car-
nosumque bolum, quod non rarò fit,
socii reliquissent, illum pauperibus de-
peculandum, atque exugendum, refer-
vabat; & opiparè secum agi putabat, si
eorum tantum analectorum retractatio-
ne reficeretur, quæ ipsa mendicula
fastidirent. Ad hæc, jis fratribus, à qui-
bus in cænatione stipem acceperat, oscu-

lo pedum agebat gratias, ita ut non tam se in coenaculo videretur reficere, quam egentissimi mendiculi partes agere. Qui autem fuit sibi semper egentissimus, erat in largiendo, & aliena inopia sublevanda effusissimus; nunquam sibi satis elargiri videbatur, & alias aliis effusionibus cumulabat: corradebat hinc inde, ingentem vim auri; & cum humanæ liberalitatis vena deficeret, confugiebat ad superos, à quibus in miserorum subsidium, etiam pecunias impetrabat, easque aliquando tam nitidas, & micantes, ac si tùm primum ex officina prodirent.

Corpori tam inclementer habito, secundum Deum, aliisque id genus industriis, servatum pudicitie nitorem illum, ac labis expertem, referebat acceptum. Quod in aula, in milite, præservidique ingenii fuit propè miraculo. Nemo domesticorum, dum vestes sumeret, poneretque, pedem ejus nudum vidit: in nullam unquam faminarum, coactus cum jis semper agere

gere , oculos defixit . Neminem ad manuum admisit osculum , si socium demas , & agens animam , magna jam sui parte præmortuus . Cum mulieribus verò non modo cautus , sed inurbanus , agrestis , & ferox . Vitabat etiam cum piis matronis de rebus divinis miscere colloquia . Quod si ad ea adigeretur , jussu moderatorum , invitus , non modò oculos nunquam attollere humo , verùm etiam quantum urbanitas pateretur , facie aliquantulum loquebatur averfa . Ad aversionem vultus , ut eum assequeretur , & in conspectu haberet , vertebat se matrona , & dignum erat cælo spectaculum , mutuas illas aversiones , conversionesque vultuum cernere , nunquam se consequentium . Cum matronarum rhedas in compitis cerneret , in vicum proximum fugiebat clamitans ad socium *Inimici hominis* ; quod illæ advertentes jussu auriga consequi fugientem , semitarum angustiis rhedas non capientibus

protectus victor elabebatur. Si jubere-
tur prænobilem aliquam; & benemeri-
tam de Societate decumbentem matro-
nam invisere; tunc enim verò ita tor-
queri, & angî, & ad tam infimas pre-
ces, & lacrymas descendere; ut Mode-
ratores animi ejus angustias miserati,
liberum dimitterent; sed ne illæ offen-
derentur asciscebant illum in socium;
quæm dolum cum non posset eludere,
ægra nec visa, nec salutata, precibus ad
DEVM prò ejus incolumitate fufis, ac si ad
templum se contulisset, excedebat. Vnæ
cum meretrices, cum quibus tamen degebat
non sine arbitris, & adducto supercilicio,
nō tam experiebantur agrestem, si resipuis-
sent; sin minus & lupæ, quod erant,
esse etiam num vellent; leonem expe-
riebantur dilaniantem. Tantus castimo-
niæ cultor mirum non est, quod in aliis
etiam oculorum, verborumque licen-
tiam supercilio ipso conpesceret; nec au-
deret quis eo præfente vel profari libe-
rius,

rius; vel agere petulantius: neque illud mirum quod alienas etiam lateentes fordes, & odoraretur sagaciùs, & confidentiùs etiam in Presbytero increparet, ipsoque contactu castimoniam allineret: quod etiam P. Antonino Antinoro contigit, qui dum in nostro Panormitano Collegio Theologiæ operam daret, post molestissimam duorum mensium luctam cum immundissimo hoste, tandem cælitus ad ALOYSIUM mitti se sensit, qui salutari crucis signo fronti ejus impresso, immundum gregem procul abegit, pugna, quam ille non dum aperverat, conscius. Illud non sine admiratione dici potest, quod tam juratus hostis lasciviæ, inter lupanaria degeret, ferè semper, & dupas; quorum quoniam incidit mentio non omitam id narrare quod ejus pudicitiam illustret egregiè. Pia quadam, ac matura femina ALOYSIUS ad extrahendas à cæno turpitudinis meretriculas tanquam manubrio utebatur. Accidit,

cidit, ut, cum de suo mercimonio attentius agerent, piæ venatricis puellula per scalas corruerit, & ad utriusque pedes tantum non extincta occiderit. Soluta in muliebres questus matre, & pene dolore confecta, ALOYSIUS jacens corpusculum humo sublatum, acceptum intra pallium abdidit, contrectabatque non secus ac suis luxata locis officula redderet: ubi verò ex matris ejulatibus filiolum inclamantis, foemellam esse advertit, velut ignem è sinu excuteret, filiam matri reddidit nondum incolumem. Dumque hæret dubius præstet ne sanitatem tangendo reddere, an contactu foeminei corpusculi exanimis abstinere; illa subiit cogitatio, posse se, & morientis incolumitati, & scrupulo sui pudoris consulere; interjectaque charta salubrem illi manum imposuit, quo facto puella repentè convaluit, duplici prodigio sanitatis, & honestatis.

VERUM bonorum fortunæ facilis jactura, voluptatis, & illecebrarum levis victo-

ria ; difficilior triumphus de mente , iudicioque alterius arbitrio, nutuique sponte subactis ; hunc etiam prioribus ita nexuit ALOYSIUS , ut servitio natus, non ad imperium factus videretur . In quo genere ne longus sum , ubi ille est exspatiatus latissimè , nonnulla perstringam ; & quamvis supervacaneum videri cui posset ostendere moderatoribus suis morem gerere illum , qui æqualibus etiam , & vilissimæ plebeculæ se subderet ; longè tamen aliud est gravem aliquam afflictationem interdum spontè subire , ac semper ei suscepta obligatione se subdere ; cum videamus unciales literas ab iis artificibus graphicè exarari , qui minuto caractere expeditè scribere minimè caleant . Nemo illo fuit obsequentior , nemo vel dicto, vel nutu magis audiens ; nihil illi magis curæ , quàm Moderatores suos tanquam DEVM venerari , & DEI loco habere . Chirographum quo summus Societatis Præfectus suas
obsi-

obsignat literas, in libello precum tantam rem sacram servabat; nunquam de moderatoribus conquestus; nec passus coram se alios conquerentes; cumque semel quemdam audiret de suo Antistite obloquentem, clausis digito auribus, fugiebat clamitans: *Bone Iesu quid audio? posuerunt in calum os suum*. Ab eorum ore, & nutu penderbat; iussa non exequi tantum, sed etiam repræsentare, imperia divinare, ne dum sanctius imperium, potestatenque præcipientem expectare semper studebat. Hinc illud fiebat, non omnino probandum, sed tamen humanum, ut quemadmodum colles, & prærupta à defluentibus vix perluuntur pluviis quæ, tamen in humilibus locis, & vallibus stagnant, & conquiescunt; ita cum parum morigeri vix arduorum operum, laborumque particula aspergerentur, dura, & laboriosa omnia, in unum Aloysium tanquam in bibulam sitientemque terram spon-

tè

tè confluerent . Obtemperatio scriptis legibus, institutis, temporariis jussis fuit in illo incredibilis ; nullam vel tenuissimam sui Ordinis legem spontè violavit ; à nullo, quod in bono more positum esset, latum unguem deflexit ; non manus , non pedes, non oculos movebat contrà præscriptum, vetitumque ; quod quàm non proclive sit , & in medio positum , is tantum novit , qui nostrarum legum vim, incredibilem percalleat , ad earumque præscriptum sub idoneo coactore diutiùs vixerit : nec jussa tantum celeritèr , hilariterque exequebatur, verùm etiam prompto , hilarique operi intelligentiæ , ac mentis addebat obsequium . Quo parenti modo, quem obedientiam cæcam vocant , Præceptores Ascetici, nihil altius, nihil divinius excogitari posse statuerunt . Hinc erat , ut plurima jussa exequeretur Antistitum ; qui, si superventura novissent adiuncta , à jubendo utique abstinissent ; & quod fidem omnem videtur

tur excedere, non sine maximo sensu parebat etiam in jis, quæ adversari Deo quodammodo viderentur. Concionaturus Messianæ in sacro jejunio, monitus à Præposito non arridere illi Vrbi concionales strepitus; placere prædicari sibi Christum Crucifixum, non verò hunc arrepta ejus effigie lignea manibus semper obtrudi; meminisset sibi apud cordatos viros rationum magis agendum, quàm suppositione manuum, & sacrorum ostentatione signorum, quæ ut in vicis, & pagis plurimum valent, ita in magnis Urbibus frigescunt. Aloysius non nescius, se eo anno oleum, & operam perditurum, concionem, & fructum, si pareret; quod quantopere Apostolicum cruciet concionatorem, nemo est qui non videat; parvit tamen, *Peratus*, ut dè Servatore nostro inquit Augustinus, *Perdere omnia, ne perderet obedientiam*. Et jam mutato dicendi genere, aliter, ac ante prò concione dice-

dicebat . Auditores mirari primò , mox inter se quærere , num is esset LA NYZA ? tum sensim diffluentibus omnibus , ad vacua dicebat ALOYSIUS subsellia ! Amicus rei novitate attonitus , desertumque cernens , quem alibi præ conferta multitudine resciverat vix potuisse pervadere , & rostra conscendere ; percontatus ab ipso est , quid hoc tandem rei esset ? cur ità frigescerèt ? cur tam subito gelu , qui modò ignis erat ? cur ALOYSIUM in ALOYSIO quærerent ? qui fieri posset , quin religione tam ingentis damni tantę urbis tangeretur ? facundum tandem pectus concuteret , & ad se rediret . Cui ALOYSIUS : Abjecit hoc anno DEVS , sic meis poscentibus meritis , meam operam . Tunc ille , quid hoc audio ? num plectit DEVS propter te reum infantes ? vide ne falso aliquo , atque inani alicujus timore labeculæ , vero te , atque ingenti obstringas crimine , neglecto tantæ Urbis profectu .

Fare si quod est : expediam , si quas tri-
cas , nodosque induisti . Ad hæc ALOYSIO ,
volente DEO , excidit ; se suggestum con-
scendere *Ligatum veluti manus , & pe-
des institis* , præcepto Præpositi , qui ius-
serat , ut stylum mutaret . Excanduit
tunc enim verò amicus ; Et hoc , in-
quit , illud erat causa mali tanti ? & hoc
chartaceo monstro Diabolus triumphabit ?
Falleris , ALOYSI ; reus es tot ani-
morum , ni resipiscas . Næ tu perpe-
ram Præpositum intellexisti . Spondeo
me erroris tui vadem ; & simul ad
Præpositum contendens , redit solutis am-
bagibus : Quare ALOYSIUS ad se rediit ,
ad ALOYSIUM concio tam frequens , ut
præteritam compensaret absentiam .

MAGNI hoc apud omnes momen-
ti , sed fortasse majoris apud æ-
quos æstimatores quod adnecto . Sa-
cerdos è nostris , qui recens absoluto
Romæ studiorum suorum curriculo ,
Panormum advenerat Domus Professæ
Mini-

Minister, facturus periculum; num
magnifica illa, & penè incredibilia, quæ
dè ALOYSIO fama vulgaverat vero respon-
derent; an volitantia per ora virorum;
quod in opinione Sanctitatis accidere
consuevit, excrevissent; ALOYSIUM ad Ly-
dium tolerantia, obedientiaque lapidem
examinare decrevit. Igitur illum in spe-
ciem contemnere; idque, quò magis eum
ureret, tanta solertia, ut omnino serio
agere videretur: aspicere eum semper
cum supercilio: imperiosè præcipere:
ejus increpandi, & arguendi ansam op-
portunè, importunè quærere: denega-
re ei ad concionandum, vel quid aliud
peragendum digressuro socium, aliasque
facultates, quæ cæteris omnibus obtru-
duntur: nulla in re obsequi: nunquam
ad voluntatem fluere: idque illi præci-
pere, à quo eum videret, quàm maxi-
mè abhorrere. In triclinio, dum more
suo mensas pererrat, jubere hoc comedat,
ab illo abstineat, idque non assa, ut fit,

voce ; quo infueto cum veteranis agendi genere , omnium oculi in ALOYSIUM convertebantur ; nec illi licebat , vel dum cibum caperet , esse quieto ; cum ad ipsius cubiculum accederet ALOYSIUS , non auditus dimittebatur , post horam reversurus ; qua , clepsydra teste , transacta hilarior quàm antè redibat ; quibus tamen obsequiis ille minimè se flecti demonstrabat . Vno verbo , illa omnia cum ALOYSIO facere , quæ rigidissimus Magister vix ageret cum Tyrunculo , facturus constantiæ ipsius periculum . In quo maior virtus expromitur , quàm in perpeffione , cuiusvis durissimi cruciatus . Sic enim sumus , ut viri faciliùs toto pectore latissima excipiamus vulnera , quàm puerorum in morem manum ferulæ , vel ad levissima verbera extendamus . Quare abruptos in medio cursu excursus , in æstu dicendi conciones , in maximis deliciis , preces , ad moderatoris nutum , nihili duco præ hac virili , quam præ se tulit

tulit puerilitèr habitus , tolerantia ; illud
Paulinum non sine laude in rem confe-
rens: *Loquebar ut paruulus, sapie-*
bam ut paruulus, Et de suo
addens, *Cum autem vir,*
essem, Non evacu-
avi qua e-
rant par-
vuli.



CAPVTV IX.

Aloysii vaticinia.

ALOYSIVS, qui se parvulum existimans, infra omnes ponebat, - adeò familiariter est usus DEO, cujus est arcana parvulis revelare; ut ex inexhausto ejus scientiæ penu, depromeret plurima, quibus futura quâ adversa, quâ prospera præsentiret, atque prædiceret. Nonnulla alibi enarrata vaticinia; hîc ex centenis seligam pauca, quæ tamen rem omninò conficiant. Ad Leontinos quadam in concione: Hesterna vos, inquit, alluvio terruit, sed non omnes; non enim defuere, qui hac nocte cum pellice urbem circumeuntes, *Iram sibi Divinam thesaurizarunt*. Nec longa dies; expectate feriam quintam Sanctioris hebdomadæ. Tunc enim verò videbitis; num.

DEVS

DEVS derideri se patiatur: nec plura profatus. Exeuntem jam vaticinii diem nocte intempesta tam terrificæ terræ succussiones exceperè; ut nihil tale unquam incolæ meminissent.

OPPIDI cujusdam Vicarium, qui, ne eum concionaturum audiret, aliò commigrarat, per literas invitavit, ut prò munere suo rediens, resideret; id nisi faceret, paratum à DEO, nec longinquum supplicium. Ille furore percitus discriptam, concisamque epistolam pedibus proterens, minitansque se ulturum eos, qui ALOYSIO, & sordes suas nunciaissent, & fugam; quanto veriùs, justiusque sibi minitatus esset ALOYSIUS, sensit, in platea pugione penè confossus, & tantum non mortuus.

DISCEDENS Pintia, ut erat sublimis equo, Antonii Gonzalez signiferi, à quo fuerat è sacro fonte susceptus, domum ingressus, tanti non immemor beneficii, vicinam mortem prædixit;

H h ad

ad eamque ut se compararet monuit : & consecutus suo tempore obitus paratum, ad arduum illud iter invenit .

OBVIVM sibi in itinere fortuitum adolescentem monuit , mox apud Sacerdotem peccata deponeret : paruit ille , & ad monitorem reversus , audit : Quàm benè tecum actum est ; perieras ferro , nisi obtemperasses ; distulit tamen DEVS cruentam mortem , non abstulit : brevi discedendum , sed non sine Sacramentorum subsidio . Sub Pentecosten vaticinium ; sub proximè insequentem sextilem nex , non tamen adeò festinata , quin cælesti dape refectus , & munitus abscederet, & adesset ALOYSIUS morienti.

HÆC scitorum Dei videndorum facultate ALOYSIUM præditum fuisse demonstrant. Illud majorem admirationem meretur. Carolo Chirco post triduum mortem denunciat . Ille totus in universæ vitæ homologesi , dum à Sacerdote distinetur , veritus ne infecta re abiret ,

per

per confessarium consulit ALOYSIUM , à quo illud oraculum : mortem quidem , uti dixerat , imminere ; averti tamen posse , si polliceretur menstruam homologum instituturum . Suscepit ille libentissimè ; & triginta jam annos obligatam semper fidem explevit .

Non tam prosperi successus cum pellice , cui modò resipisceret , vel dotem nuptui , vel Gynæceum receptui obtulit . Aspernata infelix est promissa , promissoremque conviciata , dictitans se vivere pro libidine velle ; quisque sibi consuleret . Illud tamen à mærente audiit ALOYSIO : O te miseram ! intra paucos dies , non profecturo conatu tuæ te pænitebit audaciæ . Non effluxerat hebdomas , cum icta apoplexia disperiit .

SED trucibus exemplis læta misceamus . Panormi dum ad morientem Sacerdotem juvandum accederet , Artificem sculpturæ suæ incumbentem ad se vocat , monetque triduum tantùm illi vitæ reliquum fore . Ille

jusso valere scälpello, totus in se rediēs eademque, qua injusta fruebatur uxore legitimo sibi matrimonio jungens, ex ea susceptam sobolem legitimam efficit; rebusque omnibus ritè compositis, sordidę vitæ, quod rarò fit, bonum nactus est exitum.

INGRESSVS Patris Francisci Balsami levissimè febricitantis cubiculum, intonuit læuum. *Requiem aternam dona ei Domine*: ille, & si rideret contemnendam, commotiunculam sæpè depulsam, territus tamen est vaticinio; nec falsus est, brevi extinctus. Ad P. Franciscum Sparacinum amicissimum sibi caput literas dedit, quibus ei ultimum vale dicebat. Putavit is mortem imminere ALOYSIO, & discessurum eum, qui missionis prior mentionem injecisset: sic enim sumus omnes, ut ominosa facilè exoneremus in alios: sed brevi intra mensem moriens, vidit illud exitus sui fuisse vaticinium, non amici, valere jubentis, urbanitatem.

FELICI Politicę quærenti, ecquì valeret filius,

lius ; quem Societati dederat : benè habet inquit ALOYSIUS ; docebit tres annos grammaticen ; tum Theologos audiet , initiatus sacris , mox avolabit ; quò , illa excipiente , digitos ALOYSIUS intendit in Cælum ; quò Sacerdos novellus , alia in ara facturus commigravit . Velociùs evolavit Faber murarius . Erat is inter multos , dum Domus Professæ atrium excitaretur . Prudentibus jis improvisus adfuit ALOYSIUS ; hortabaturque hujusmodi artifices , si qui alii , debere semper esse paratos ad mortem ; quippè quibus in editissimis locis degentibus , volatus esset facilius ; simul acetum , quod inibi erat digito suo tactum , vertit in vinum ; quod omnibus propinatum , primus omnium ebibit is , qui paulo post ex alto præceps ruit , destitutusque sensibus intra duas horas obiit .

MESSANÆ rogatus , ut binis pueris , quadrimulo alteri cæco , alteri phthisi jam tacto incolumitatem impetraret , nil aliud

liud respondit , quam Paradisus ! Paradisus ! quò brevi animulæ illæ convolarunt . Illud dè cæco adjiciens : DEVM quandoque fenestras citò claudere , quò citiùs noctescat , & dormiant . Cætera omnia , quæ idem sonant vaticinii donum , libens omitto . Duo tamen quæ documenta habent adjuncta , stimulosque ad retundendam licentiam , & testes , duas scilicet principes Siciliæ urbes , præterire non possum .

CÆSAR Caccabensis comædus circumforaneus nominis non obscuri , conspicatus Hyacinthum Fiorisi veterem amicum , solito , ut sibi videbatur , mæstior rem : næ tu , inquit , recens es à colloquio cum aliquo Iesuita ? cui ille : divinasti colloquium . Sed quid inde mali , minimè video . Quid ? Cæsar excipit ; omne enim verò ; nam his in more positum est , ut terriculamentis , atque inanibus terroribus omnia compleant : cum verò viderint pavore perculsos , arbitrio suo ita
fin-

frangunt , & refrangunt , ut cogant , quos ipsi infederint , contabescere . Rem tibi narro incredibilem: inambulabam pro foribus Domus Professæ ; cum rectà ad me ALOYSIUS LA NVZA magni in Sicilia nominis venit, monuitq; per DEVM abstinere à comædia: secus, imminere mihi adeò horrendum lethi genus, & repentinum, ut exemplo equè, atque horrore omnibus futurus essem . Duodecim adhuc indultos mihi annos ad pœnitendum ; quibus dictis , aculeo relicto , mox abiit . Offendit me iterum cum quibusdam Panormitanis colloquentem ; & vocato seorsum , eandem cecinit cantilenam ; cumque se derideri adverteret, sumpto supercilio, me coram sociis tam acriter increpuit ; ut repetitis minis hominis prò sancto habiti consternatus, diu somnum non caperem ; & qui aliorum semper risus cum plausu excitaveram , mærore tabescerem . Sed abjecti tandem timores aniles , & Neapolim , Romam , Liburnum , Cispadanam Gal-

Galliam ; universamque Italiam latus ;
valensque percurri . Imò Melitæ in va-
do mortis fui , & evasi . Vnde igitur
tantæ Iesuitarum tragædiæ ? Quin etiam
nunc duodecimus completur annus , intra
quod spatium mihi infelicitè morien-
dum sæpè sinistra prædixit cornix ; &
nunquam me sensi valentiorè : si sa-
pis igitur exemplo meo abjice mæro-
rem , indulge genio ; & accede ad co-
mædiam , quam daturus sum intra pau-
cos dies , fabulam scilicet , licèt minus fa-
bulosam , quàm fuerit vaticinium dè
me à LA NUZA prolatum . Hyacinthus,
valere jussu amico cum suis fabulis ,
stomachabundus abscessit . Iamque ade-
rat destinatus fabulæ proximus Saturni
dies ; cum Caccabensis stricto gladio ,
jam jam proditurus in scenam erat cum
rivali , æmuloque in libidine ; singulari
certamine , mox occidendus ; & à per-
sonatis in mali Genii speciem fociis de-
trudendus ad tartara ; cum apoplecticus
è vesti-

è vestigio cecidit ; & moestum inclamans
Heu , animam efflauit ; exceptusque salta-
triculæ manibus , & personatorum , qui
propè aderant geniorum , nimis ex ve-
ro absoluit fabulam ; plaudente primùm
Theatro , dum putat ad viuum rem ex-
primi , mox exhorrescente ; præsertim
ubi innotuit ALOYSII vaticinium , quod
nonnullis equitibus auritis testibus non
erat ignotum .

NIHILO mitius actum est Messanæ cum
Lupa : cælo pluvio, vergente jam die in-
vesperum, in D. Galli festinat , rogatque
Dominicum Lanza Sacerdotem , ut ad
se ducat adolescentulam , quæ uxorio e-
quiti turpibus erat in amoribus . Renue-
bat Presbyter, repulsæ timidus ; confir-
matus tamen ab ALOYSIO , suscipit se du-
cturum ; & renitentem adduxit tandem:
humanissimè primo congressu habita-
ab Aloysio; qui collaudata forma, quâ ta-
men, quippè dono Dei eximio, non abu-
tendum , monet ut ad eum redeat , à

quo tam effrenatè recesserat . Deberi hoc DEO , sed multò magis in eo vitæ , mortisque confinio constitutæ . Injecta mortis mentione , ridebat procax adolescentula : cum ALOYSIUS tot , tamque validarationum momenta deridentem , affirmantemque, nunquam se meliùs habuisse, ita urgeret, ut memoratus Sacerdos, quem voluit esse sermonum testem, falsus sit , toto se corpore contremvisse ; ubi obfirmatam vidit , & à DEO destitutam : Abi , inquit, in malam crucem pestilens carcinoma ; ejectamque jis est vocibus prosequutus : Serò te pœnitebit ; actum est jam dè te: Fidem fecit eventus oraculo : nam prima ejus noctis vigilia , correpta apoplexia cecidit , tam fædè distortis artubus , & divaricatis cruribus , ut crederent energumenam; atque, ut idem Sacerdos vocatus ad extremam illam luctam non profuturus , affirmabat, in morem Cerberi latrabat, efferatis oculis, quoties spiritum duceret , mox reddendum tartarò , cujus ignibus vivens arserat .

Alia

ALIA longè plura vaticinia habentur
in actis , quæ prætereunda fuerunt mi-
hi , scribenti epitomen ; epitomen au-
tem voco , non quòd pauca dicam ,
sed quòd multa relinquo . Nunc pau-
ca tantum feligenda supersunt ex
plurimis , quæ DEVS , seu vi-
vente , seu jam è vivis
digressio ALOYSIO pa-
travit prodi-
gia , ad
ipsi-
us
memoriam hone-
standam .


Finis Libri Secundi .





LIBER TERTIUS.

C A P V T I.



*Prodigia ab Aloysio patra-
ta dum viveret .*



I postquam Apostolicis San-
ctarum excursionum labo-
ribus se totum tradidit
ALOYSIUS, cum tanta es-
sent consecuta prodigia ;
pronus esset asserere, fuisse ea con-
suetam vitæ Apostolicæ appendicem :
cum


cum verò viderimus , tanto ante tempore mira fuisse ab illo patrata ; fatendum enim verò est , eam illi non uno tantùm ex capite contigisse virtutem , verùm etiam ad absolutissimæ Sanctimonix contestationem . Quæ duo DEO proposita esse , cum famulos suos ad ea perpetranda euehit , quæ naturæ vires excedunt , concors est Doctorum sententia . Relictis igitur tum jis , quæ in loco retulimus , tum quæ fama tantùm incerto auctore vulgavit ; raptim postremo hoc libro cætera persequar , quæ idoneis testibus ritè exceptis probata reperio.

DVM ultimum Aci concionaretur Aloysius , Petra Contarina Sebastianum nepotem gestans , animam agentem ob ejectionem purulenti , adeoque atrii humoris , ut atramentum crederet ; quo eodem morbo paulò antè morientis jam jam pueri germanus frater occiderat ; se sistit Aloysio , ejusque opem matertera infelix implorat : ille misera-



LIBER TERTIUS.

C A P V T I.



*Prodigia ab Aloyſſo patra-
ta dum viveret .*



I postquam Apostolicis San-
ctarum excursionum labo-
ribus se totum tradidit
ALOYSIUS, eum tanta ef-
sent consecuta prodigia ;
prorum esset asserere, fuisse ea con-
suetam vitæ Apostolicæ appendicem :
cum

cum verò viderimus , tanto ante tempore mira fuisse ab illo patrata ; fatendum enim verò est , eam illi non uno tantùm ex capite contigisse virtutem , verùm etiam ad absolutissimæ Sanctimonix contestationem . Quæ duo DEO proposita esse , cum famulos suos ad ea perpetranda euehit , quæ naturæ vires excedunt , concors est Doctorum sententia . Relictis igitur tum his , quæ in loco retulimus , tum quæ fama tantùm incerto auctore vulgavit ; raptim postremo hoc libro cætera persequar , quæ idoneis testibus ritè exceptis probata reperio.

DVM ultimum Aci concionaretur Aloysius , Petra Contarina Sebastianum nepotem gestans , animam agentem ob ejectionem purulenti , adeoque atri humoris , ut atramentum crederet ; quo eodem morbo paulò antè morientis jam jam pueri germanus frater occiderat ; se sistit Aloysio , ejusque opem matertera infelix implorat : ille misera-

tus mulieris lacrymas , prehenso inter manus languentis capite , & sanctæ crucis tessera obsignato ; mox exilienti præ gaudio ægrum incolumem reddit , & ab eodem morbo tutum in posterum .

IBIDEM diuturniore quidem curatione , mirabilem sanitatem Anna Leonarda Sororis filio , tres jam menses sinistro oculo capto , ab Aloysio extorsit : huic enim pulsanti fores , opemque petenti , in nepotis pupilla , lumini oculorum suorum , reclusa fenestra, ALOYSIUS : I ad Divi Antonii , inquit ; eumque per dies novem conventum , & oratione Dominica , & salutatione Angelica salutatum , cum oleo cæcum inunxeris suæ lampadis benevolum experieris , atque beneficium : qua medicina Iatroleptica sæpè eum usum videbimus . Paruit jussis mulier : Annuit ALOYSII dictis Antonius ; non tamen in nonum diem distulit beneficium ; & ut plus daret , quàm sponderat ALOY-

sius, citius promisso dedit, quinto scilicet die.

ADOLESCENTI capto oculo, mente captum Iuvenem adiungamus; quandoquidem in eo curando Aloysius eodem Antonio usus est medico. Percrebuerat jam ALOYSII cubiculum Pharmocopolum esse, à quo nullus nisi sanatus abscederet. Accessit igitur ad illud spei plenus Placidus Russus ducens Iosephum Trabiam Generum amentem, eundemque furentem; quem morbum licet ex insanabilium genere, sperabat ab ALOYSIO posse depelli; nec falsus animi est; nam Aloysius applicito malè sano capiti sancto capite, ad D. Antonii utrumque dimisit, brevi futurum Socerum voti, Generum mentis compotem; quod septimo die contigit.

ALTERVM etiam Panormi de potestate mentis exturbatum panis frustulo reddidit sanitati. Idem Messanæ contigit non minore admiratione, majore compendio.

dio . Ioannulus quidam impos sui , evaserat jam fabula Urbis , infimęque plebis ludibrium , à qua ad fædissimas, blasphemęque voces adigebatur . In sacrilegas hæc nugas primùm è suggestu Aloysius est invecus acerrimè ; proscindens tantę fæditatis incentores, per os fatui virus suum urbi inhalantes : tùm misericordiam illum amentem ad se vocatum, domi nostrę exceptum, decimo tandem die rus suum dimisit incolumem .

SED ad Acim Oppidum redeamus, ubi extructo Calvario res mirabiliores patravit. Imminet Oppido Ætna mons ille quidem nobilissimus Sicilię , sed malus vicinus , quippè qui subinde ignes eructans , prægrandesque bituminatos voluens lapides, ferventibus fluviis innatantes, oram amænissimam sæpè funditùs perdit , terret semper . Hic dum extruentibus Calvarium imminet Aloysius, in via complananda; importunus ferreus lapis, bisseos altus palmos, contumax, ferratisque malleis

leis cædere nescius, opus interturbabat :
lapidæ labori penè immortui , quinis in
illo cædendo horis frustrà insumptis , A-
LOYSII opem implorarunt. Ille subridens ;
terque Crucis signum in lapidem diri-
gens , In nomine , inquit , Patris , &
Filii , & Spiritus Sancti frangere . Quo
dicto , ALOYSIUS abiit, abütque pariter la-
pis in pulvisculum .

Hoc cum lapide ; quod sequitur cum
homine, qui quandoque lapidibus ipsis est
durior. Antonio Leonardo aleatori perdi-
tissimo, nitenti tamen à ludo emergere ,
tantam divinitùs abalienationem impetra-
vit ab aleis , ut ipsum nomen exhorresceret ;
quin etiam, si ludentes aspiceret, cacode-
mones in stygiis illis papiris saltantes vi-
debat , tam tetrum odorem exhalantes ,
ut fugere cogeretur . Sed , quæ mentis
humanæ inconstantia est , post annum
ad aleas rediens, nec odorem sulphureum
amplius hausit ; neque malum Genium

K k

vidit

vidit in aleis , semper quidem ibi latitantem , non semper apparentem .

Pavlo Vecchio Molario neglecta assula carnem inter , & unguem sinistri indicis intercepta , brachium ità contabuerat , ut postremus abscindendus fuerit articulus , ne totum gangræna absumeret . Ille dolore amens , ejulansque noctu per villas errabat . Serpens ulcus dum alia abscissione compescere Chirurgus meditatur , & Parens misera , ægris cincta sororibus , illi suadere nititur , ut medico acquiescat , si se vivum velit , & matrem , filiasque incolumes . Ecce tibi sub secundam noctis horam pulsatis foribus ex disertæ voces auditæ : Defer Antonia natum ad ALOYSIUM ; reddet enim ægro sanitatem . Paruit monenti Numini mater ; vixque illuxit , cum accurrit ad ALOYSIUM , quem totum diem præstolata , ubi redeuntem è Villis , in quas agricolis concionaturus excurrerat , videt ; Succurre , inquit , Pater funditus perditæ ,

ditæ, ac profligatæ familiæ, in unius manu, cujus laboribus victitabat. Flexit Aloysium triste spectaculum, attrectatoque ter putrescente brachio, non sine Crucis signo, ægrum ire jubet ad D. Antonium, suum illum erogandæ stipis præfectum, terque affectam partem oleo lampadis illius inungere. Primam unctio- nem placidus præter morem somnus excepit; ad alteram fœdè manus intumuit, quam pungere meditans Chirurgus, ut suppurationi viam faceret, sponte ruptam vidit, ac decidente pure exoneratam. Ad tertiam candidus nerviculus, morbi radix, extans, facile se passus est extrahi; & Paulus paucos intra dies sanitati redditus, labori se reddidit ad alendam, sustentandamque familiam.

SED jam è valetudinariis veniamus ad tumultum; & tot viris sanitati redditis redditum etiam vitæ pupulum adjungamus. Fuit is Io: Franciscus Foresta anniculus, qui morbo sacro laborans, quàm-

vis interdum ab eo relinqueretur brevi temporis intervallo exanimis ; semel tamen per tres ipsas horas , intercepto omninò spiritu , omnique calore , arteriarumque motu destitutus , & capite ; brachiisque in cadaverum morem contortis , pro mortuo habitus est ab omnibus , & comploratus . Sub tertiam noctis horam , occlusis jam januis , vident ALOYSIUM mixtum familiæ , veluti solaturum superstites ; & modò extinctum contrectantem manibus ; modò illi Crucis signo benè precantem ; modò jubentem , ejulantes bono animo esse ; pupulum citò excitandum : matre verò respondente , minimè rediturum ; firmiùs tamen pollicentem . Post multa , chartacea icuncula infanti applicita , ille velut ex arcto somno evigilans , vagitus edidit ; versoque familiæ in ingentem lætitiàm luctu , desiit videri ALOYSIUS . Tanta verò fuit prodigii celebritas , ut puer in Vrbe à notis , ignotisque non jam Ioannes Franciscus appellaretur , sed

Mor-

Mortuus redivivus . Visusque est ante sex annos in ALOYSII gesta inquirenti etiam tùm incolumis , expers ejus Morbi , qui pharmacis minimè cesserat .

GEMINVM huic dè redivivo infante prodigium patravit , tot adjunctis vallatum , tot , tamque idoneis munitum testibus ; ut sit fusiùs describendum . Maria Caccioppa in Vrbe Corleonensi uterum gerens , ubi inaudiit conjugem , fune torquendum , ità inhorruit , ut accerrimis correpta sit partus doloribus , sexto à conceptu mense ; quo mense partum minimè futurum vitalem Medicorum Schola pronunciat ; & in utero parturientis jam extinctum obstetrix affirmabat . Curritur ad comparandum proficiscenti ad Superos matri viaticum , & prò extrema lucta , & certamine unctionem ; & hanc , illac aliis discurrentibus , currit socer morientis ad ALOYSIUM . Actutùm is socium misit , qui consentienti aures daret ,

ret : sed eò loci res erat , ut vix extortis
nutibus , deficientem absolveret . Redit
domum cum socio ALOYSII socer ; eum-
que rogat enixiùs , ut nurus , fætusque
discrimini suis precibus consulat . Susci-
pit ille totam noctem se ducturum in-
somnem , ad averruncandum utriusque
periculum . Quid remotis arbitris , egerit
ALOYSIUS , eventus ostendit . Maria in-
tendentibus se semper doloribus , concu-
bia nocte supra omnem naturæ vim , &
præter spem omnium , si Socerum demas ,
qui ALOYSII verbis suffultus contrà spem in
spem credidit , aliosque benè sperare ju-
bebat , est enixa puellam , sed rigescen-
tem , tanto nigrore suffusam , adeòque
destitutam motu , ut mortua omnibus vi-
deretur ; obstetrici verò etiam citrà du-
bitationem ; præsertim ubi diù fotam
nihilo se melius vidit habere ; quare pan-
nis involutam abjecit in angulum , sepeli-
endam postridiè in agro , quippè quam
baptismi aquis abluere nequissent . Inter-
eà

eà Mater visa sibi pupulam vagientem audire, mittit exploratum num filia viveret: domestici convolant, & frigidior, tetrioremque fœtum informem quàm antè reliquerant reperientes, ubi semel, iterumque id exploratum est clamante matre, hanc demum vi morbi aberrare crediderunt. Clamat tertium, mater, visa sibi disertiùs exaudire vagientem; accurrunt omnes, & mirum dictu, stupore, lætitiæque attoniti ridentem puellam inveniunt digitulo labiis admo-
moto non secus, ac aliquid ex illo exugeret. Student omnes certatim fovere, ob-
voluere calentibus fasciis, & obstetricem accersere; quæ illudi sibi putans, accessit invita; ast ubi hausit oculus: quod minimè crediderat absens, attonita & ipsa spectaculo, lætitiæque exiliens, nulla interposita mora redivivam sacris aquis abluit; ablutæ Mariæ nomen dè nomine matris imponit; benè manè ducit in Templum
pupu-

pupulam, reliquis baptisini ritibus expoliendam; reductamque domum, matrique redditam, inter genitricis brachia evolantem ad Superos, mente profecutus est Aloysius, primarum in ea scena partium actor, licet intra proscenium.

MULTA fuerunt, quæ fidem fecere, miraculo. Concors domesticorum sententia obstetricis vallata testimonio. Tum recens ab utero corpusculum prò mortuo habitum, adeoque vix semitectum, ne crearet horrorem, nocte illa nivalli, & in paucis prægelida occumbere debuisse; etiam si vivens prodiisset: Accessit ad Matris imperium vagitus sibi visæ audire exploratio iterata. Confirmavit has omnes conjecturas, & adminicula, primariorum Medicorum Panormitanorum ritè interrogatorum sententia, quæ stetit contra naturæ vires prò patrato prodigio. Sed nulla major suffragatio facta, quàm quæ accessit ab Aloysio. Ipse jis auditis primùm gavi-

gavissus tacitè ex animo , tum pro concione obortis lacrymis totum vulgavit uberrimè , disertissimè appellans miraculum : quod tamen à se in SS. Ignatium , & Xaverium transferebat ; quorum icunculam ad se occultandum , puerperæ dono dederat . Hac illa deinde usa est ad maturandum aliarum mulierum laborantium partum : constante facile virtute ad minora patranda , maximo illo omnium jam patrato prodigio ; cujusmodi procul dubio est è mortuis excitare : quas voces grandiore sono ipse ALOYSIUS tam sedulus aliqui sui occultator , non est veritus usurpare .

A tumultis ad valetudinaria reditus esset importunus; & mortuis vitæ redditis, alios salutis redditos accersere, ordo præposterus . Verùm ne, vel sanitati restitutorum gratum animum , vel industriorum quæditorum laborem præteream ; alia etiam cursim perstringamus; & mino-

ris licèt subsellii prodigia adnectamus in coronidem tumulorum , & quandam veluti projecturam coronarum .

DREPANI Iacobum Fardellam , tumore ouum æquante orto in capite , iustum oleo Sancti Ignatii inungi , sanitati pristinæ , evanescente tuberculo , reddidit ante unctionem ; quippe quam in sui occultationem magis , quàm in ægri pharmacum præscriperat .

VIBONE Iosephæ Cottæ sex iam annos ex diuturno morbo reptanti , petentique ab ALOYSIO stipem ; jisdem , quibus olim Petrus , usus verbis : *Argentum, & aurum non est mihi ; quod autem habeo hoc tibi do* : Vade , inquit , ad Mariam Roccaforte , quæ te reddet Sanitati (fuit hæc Virgo integræ , sanctæque vitæ laude , & Cælestium rerum contemplatione , divinisque favoribus celebris ; cujus cadaver in Ecclesia illius nostri Collegii aservatum , aliquot ab obitu annis integrum omninò , atque incorruptum in-

ven-

ventum est) Anceps hac responsione Iosepha, repetiit elatiori voce ab ALOYSIO stipem; qui jisdem omninò verbis iterum respondit. Quare illa reptans, ut solebat, contulit se ad templum; convenit Virginis tumulum; defunctæ perinde ac si viveret ALOYSII mandata retulit; & stupentibus omnibus illicò erecta convalvit. Mox adfuit Aloysius, à quo etiam longiorem vestem, qua regeretur, accepit.

IBIDEM fæminam sesquiannum quartana laborantem reddidit sanitati. Avolæ à Didaco Medoro Vicario duplicem tertianam. Ruri nostro in Bagharia à Iuliano dè Stephano S. I. Adiutore luxationem amplexu gemino depulit.

THERMIS Leonardum Zangara difficili urina, & hæmoroide laborantem, post salubria monita sanum reddidit.

PANORMI Iosephum Serium ex testium timore jacentem surgere è cubili jussit incolumem. Antonium Forteno-

me , & Iulium Castelluccium , utrumque jam conclamatum , precum recitatione excantato veluti morbo , ab interitu vindicavit .

IN Parco Rusticum incuruum ; invalidumque operi , opem petentem primò depulsum , mox iterum adductum ab ALOYSII Socio , ad quem confugerat anteaetæ vitæ noxas homologesi expians ; aquæ lustralis amulam totam in ægri caput infundens , jussit ad labores redire : eodemque temporis momento jam prævalidus rediisset , nisi imminens nox quietem suafisset .

APVD Leontinos Antonius Omodei lethaliter febriens , ubi vocem ALOYSII audit petentis per compita stipem prò Orphanis ; nudus uti jacebat , una tectus subucula , ad eum accurrit ; qui Crucifixi , quem manu gerebat , signo dimisit incolumem .

MESSANAM longiùs accitus ut D. Andree Avernæ vitæ consulere , jussit eum
benè

benè sperare ; vitæque ejus sese vademi exhibuit : tanti fidem sponsoris veritas , statim abscessit .

ENNÆ D. Mario Petraro rimosas quotannis è regionis frigore gestanti manus sanavit, non amplius rûpendas in posterum.

CATANÆ quadrimulus puer ad ejus scæ genua provolvens dolorem dentium, quo afflictabatur , abigeret , rogavit . Riserunt alii candidissimi pueri innocentiam ; risit & ALOYSIUS , qui Crucis signo incolumem , exilientemque dimisit .

VIBONE etiam in Calabria puer quidam Leo Lucas capitis dolore, comitiali morbo , & sanguineo è naribus fluxu laborans , puerilibus precibus incolumitatem ab ALOYSIO , impetravit .

EODEM sanguinis stillicidio Liparæ Pina Vapa laboraverat quindecim dies ; cum jussu oleo, quod antè divinam arderet Eucharistiam , nares inungere ; stetit sanguis .

STETIT Liparæ statore ALOYSIO sanguis ;

guis; Mascari eodem jubente, eandemque olei unctionem præcipiente, lac è siccis uberibus cujusdam Antonia fluxit uberrimè, quo pupulam aleret; tamque irrigua fluxit vena, ut quærendi illi fuerint infantes, qui mammas exonerarent.

IBIDEM præstolabatur ALOYSIUM Anna Barbagallo, quæ cadens, brachium fregerat, inepta proinde labori, quo alebatur. Declinabat ille mulieris conspectum: sed Paulus Grassus Sacerdos, languentis fæminæ levir, rem ità architectatus est; ut fratricam circumfusam mulieribus sisteret ALOYSIO; qui gregi illi fæmineo signo Crucis benè precatus, ægris consuetam inunctionem olei præcepit: qua peracta, ægra intrà biduum omninò convaluit: id verò cum omnes in stuporem adduceret, vir ejus: *Mirum quidem*, inquit: *Sed magis mirarer, si Sanctus hic non patraret miracula.*

C A P V T. II.

Prodigia ab obitu Aloysii.



VIDIMVS ALOYSIUM, dum viveret, elementorum potentem ; seu cum inter imbres , inundantesque fluvios siccus incederet ; seu cum sterilem humum fecundaret ; seu cum ad terrendos noxios sereno Cælo deduceret fulmina : obsequentibusque ei aëre , terra , aqua , unus videbatur ignis minimè famulatus ; qui tamen longè majora obsequia parabat extincto , quàm viventi cætera exhibuissent elementa , quippè quæ ejus viventis jussis parverant ; ignis verò defuncti tenuissimam umbram inauditis est prosequutus prodigiis .

CASTRI non procul Messana Angela Ruys papiracæ attactu icunculæ , ALOYSIUM referentis , sibi Panormo missæ ; ubi
ad

ad Populi fovendam pietatem , & ALOYSII desiderium leniendum , fuerat impressa ; è lethifero , comploratoque Medicorum judicio morbo repentè convaluit . Hanc illa beneficii memor præteriti , futurorum morborum depultricem semper pectori applicitam gestabat . Semel verò fortè fortuna ad res domesticas surgenti in subiectas, quibus assidebat, prunas icuncula decedit: sensit mulier , amisso amuleto, aliquid cordi suo deesse; quod dum hæc illac cursitans quærit sollicita, post quartam tandem horæ partem in igne reperit ; quo libentiùs præcordia sua , quàm ALOYSII effigiem concrematam voluisset . Verùm dum sanctos cineres legere, parat , & servare , ubi propiùs accedit, illæsam ab igne extrahit icunculam ; absumente tantùm igne purioris chartæ reliquias , & à coloribus abstinente . Procidit amens gaudio in genua ; petitque festivis lacrymis incuriæ veniam ; & Evangelicam imitata fæminam , convocat

cat vicinas; effusisque lætitiæ vocibus, tota penè civitas interfuit prodigio. Et videre erat ignem artificem ità inutilem circumcidisse chartam cuspidibus supernè, & à lateribus subtus extantibus; ut ex ea crucem formasse videretur, cui effigiem ALOYSII alligasset: quasi verò ille, vel pictus sine cruce esse non posset. Digressis omnibus stupore defixis, Angela redit ad lacrymas, seipsam detestata; quòd medicum suum tam malè habuisset. Tandem ò Dive, inquit, quem tam mala hospes, & infida igni tradidi; aliò abi fidiùs, honestiùsque tractandus; & discedentem hospitem amplexa, osculataque, Laurentio ab Alexandro Archipresbytero Vicarioque tradidit honorificentius custodiendum.

NEC semel ALOYSII effigiem veneratus est ignis. Eodem anno gemino prodigio, sed luculentiore, furens ignis rusticus pepercit illius imagini, cui domesti-

cus blandior ignis antè pepercerat . In-
pago ; cui Palma nomen, Franciscus Cal-
varus, Ioseph Vecchius cum Iosepho Sac-
co in campum , vepretis , aliisque no-
xiis fruticibus ignem admoturi , descen-
derant , quò ad sementem aptarent no-
valia: ac primùm undè flaret ventus, qui
ferret quò ipsi vellent flammam attentè di-
spiciunt . Tum senticeto averso, & proinde
à vento, incendioque tuto vestes, rusticam-
que supellectilem imponunt ; & flamma
excitata, aliò commigrant . Sed quæ vento
fides ? qui ante secundus flaverat , nunc
reflat adversus ; & tutam illam recula-
rum suarum stationem corripit ; corre-
ptamque momento succendit . Sub me-
ridiem ad senticetum pransuri coloni
dum redeunt, incensa omnia reperiunt ; &
vix locum , in quo sua omnia deposue-
rant agnoscunt ; scrutatique omnia, nec
amplius de jactura dubii ; cujus jam fi-
dem rerum suarum reliquæ quædam fa-
ciebant ; latrante fame , scruta , pan-
no-

nosasque vestes sibi ereptas, tanquam purpuras lacrymantur : Ioseph Saccus , qui in mantica nummos , & iconem ALOYSII inter alias chartas habebat repositam , ad senticetum accurrens , cineresque effodiens , sua omnia prorsus absumpta reperit . Nummi in rude , infectum , denigratumque metallum abierant . Vna ALOYSII effigies illæsa , incendii victrix inventa est . Octo spectaculum illud numeravit oculatos testes idoneos , quos in admirationem , venerationemque rapuit . Saccus factus tanto prodigio doctior ; supraque rusticum sapiens ; ratus celebriori jam ex incendio hospiti suo aptius quærendum hospitium , ad Palmæ ducem accurrit , eum tanto dono muneraturus : ille absumptam igne pecuniam largiori muneravit ; atque ALOYSII iconem, una cum nummis, quos ignis penè absumpserat inter Sanctorum Reliquias reposuit; factumque totum sanctissimo oculatorum testium jure ju-

rando obſignandum curavit .

IAM verò non miror victos ab ea morbos imaguncula , quæ vicit incendia . D. Honufrius D. Placidi Rizzo S. Annæ Domini filius lethaliter decumbebat , intercluſis pituita faucibus ; quo Epidemico morbo Drepani graſſante plurimi perierant . Inſlato, & averſanti mammas infantulo jam parabantur inferiæ . Cum commodum Parens Panormi eo tempore degens , quo tempore ibi ALOYSII impreſſæ nuper imagines diſtrahebantur per compita ; emptam pictam paginam illigat epiſtolę, pium ut ipſe putabat piæ uxori munuſculum ; ſed veriùs deficienti filio amuletum . Nam vix eam ſpei plena parens agenti animam puero apprimat ; cum ille craſſis egeſtis humoribus, morbi feminibus, repentè convaluit, incredibili genitricis lætitia , & pueri ſuo tempore gratiſſimo animo; cum natu grandior acceptam vitam referat ALOYSIO .

VINCENTIA Planella Panormi ; Antonia Nun-

Nungrò in Collifano ruptum à suis infantulis attactu icuncule depulere, tanta sanitatis constantia; ut prioris filius è fenestra decidens, ab illo morbo, quo ab ortu tentatus fuerat, immunis evaserit: dum enim agentijam à casu animam Vincentia parens Aloysii imaginem applicat; & ab interitu vindicavit; & rupti ne vestigium quidem ipsum apparuit.

HACTENVS de Icunculis, quæ umbræ sunt hominis: quid de vestibus, aliisque, quæ ex Sanctorum attactu nescio quid latenter haurire videntur? sed ne longus sim; percurram potius aliqua, quam narrabo.

HYCCARÆ audita ALOYSII morte Petra Baldātia vestis ejus frustulo capiti applicito, quadrimum, quo laborabat dolorem depulit.

IBI DEM Catharina Serra decumbentem duos menses virum, precariorum globulorum ferto, quo Agathā Gritti ALOYSIUS donaverat, contingens; adeò vegetum reddidit, ut postridiè rusticos labores repetierit.

SALEMI Iacobo Vesco torminibus

bus laboranti particula indusii ; Ioannæ Alicatenſis ſtrumis capilli reddidere ſalutē ; quos D. Angela Formica Ioannæ parens ſemel experta ſalubres, in filia; in atrociffimis partus doloribus adhibuit, tanto proven-
tu, ut ferè non ſentiens fætu ſe exoneraverit, abſente obſetrice, quæ diſceſſerat rata partum eſſe immaturum, dolores vero præteritos non ab appetente partu, ſed à Novilunio fuiſſe excitatos.

MONET me locus, ut quam propitius parturientibus, partuumque ſoſpirator fuerit ALOYSIUS paucis aperiam; longe pluribus relictis, ne pariant ejuſdem generis prodigia coacervata ſaſtidium.

ALICATÆ Anna Paſtorello edendæ proprior animæ, quàm fætui, poſt trium dierum defectiones, & ſpaſmata, deſecta viribus, naturalique virtute, tandem morti concolor nigruit. Vocatur Sacerdos, qui deficientem Divino pane reficiat, adeſt ille impiger, ſed re infe-
cta rediit : quod ubi vulgatum eſt, om-
nibus

nibus gemino commotis periculo ; præ-nobilis fœmina pileum clericalem , quo A-loysius utebatur , misit præsentì sub-sidio ; vix hic admotus miseræ est ; cum illa elegantulum in lucem infantem edi-dit ; qui quindecim natus dies , matre , superstitè , & incolumi , ritè ablutus , evolavit ad Superos :

IBIDEM imploratio Aloysii non tam partui prosperè cessit , quàm matri Ma-riæ Streuæ ; cui , cum ex parturitionis do-loribus ipsas viginti quatuor horas frustra exantlatis certa mors immineret , Fran-ciscus Palatius ejus sobrinus vestis Aloy-sii particulam adhibuit : quo contactu extinctum fœtum edidit incolumis , raro prodigio ; cum mortuum fœtum mors Matris consequatur .

PANORMI D. Rosalia Termini inter par-turiendi dolores , à Principe S. Annæ , cum qua arctissimis consanguinitatis vinculis jungebatur , jussu Aloysii parientibus præ-sentissimi opem implorare : contacta e-

jus effigie , primùm acerbissimo , quo se morituram putabat dolore , levatam sensit ; tum ad maturandum partum eadem , quæ adstabat Matrona , subuculæ Aloysii filia propinavit in aquæ haustu laboranti; vovitque mater si pareret, partum ex Aloysii nomine denominandum: mox parvulus in lucem Aloysius prodiit .

ISDEM omninò pharmacis Princeps Villæ Francæ parturienti, non sine magno timore, Conjugi felix puerperium impetravit .

CATHARINA, Rubina, tertium iam diem absque partu parturiens, vix eius imagine tacta, prosperè fudit infantem: quod Iosepham obstetricem in tantam admirationem rapuit; ut immemor aliorum Cælitum, unam in posterum Aloysii opem imploraret , cum adstabat parturientibus .

AGATHA Cristalda infelix admodum experta fuerat semper puerperium . Eam ob rem Natalis appetente partu coniugis , divinam exponi Euchari-
stiam populo impetraverat ; qui ab ea
prof-

prosperitatem partus obtineret . Anno verò salutis MDCLIX. cum illam segmento vestis ALOYSII Nuntia quædam contigisset , felicissimum ei contigit puerperium : ut etiam Annæ La-Ganæ, eo tantum discrimine ; quòd hæc morti propior , non panno discrimen evasit , sed pane, qui ALOYSII mensæ supererat ; quo etiam illa reddidit sanitati, equum , & gregem porcorum , ferali lue correptum.

ANGELA Trigona iudicio medicorum, conclamata , quòd post exclusum abortum secundas non egereret ; quarta tandem die indusii particula tacta, secundo usa remedio secundas abiecit , mortemque propulsavit .

COSMAS Mosconus Sacerdos Græcus ; admota ALOYSII Epistola Onuphriæ uxori, viribus in partu destitutæ, prosperum , & doloris omnis expertem partum obtinuit . Felicitatem partus, per ALOYSII Epistolam impetratam , epistola dè alio felici partu firmet , & caput obsignet ; scri-

psit hanc ad Socios ALOYSII Abbas D.
 Marcus de Georgio Archipresbyter Clu-
 sii in hunc modum .

REVERENDI PATRES MEI.

POST vestrum discessum placuit Deo,
 deprecatore magno illo suo famu-
 lo Aloysio , prodigium patrare , omnium
 consequentium temporum memoria di-
 gnum . Quinto Kal. Septembris, sub pri-
 mam noctis horam dum domum rure re-
 direm , audio Margaritam Campesi
 agere animam; imminentis mortis cau-
 sam esse partum , fatumque transuer-
 sum, quem in cacis illis itineribus in vi-
 am reponere solius Dei supra natura vi-
 res operantis esse ; certè Medicos , &
 pharmaca omnia id minimè potuisse .
 Miseranti mihi gemina vita , & in
 animula illa etiam æternæ jacturam , ve-
 nit in mentem frustuli , quod ex Aloy-
 sii veste resectum RR.V. mihi dedere; il-
 lud

lud minutatim concisum famula tradidi;
 quæ ad morientem deferret, eique iuscu-
 lo mixtum propinaret. Illa, hausto salu-
 bri poculo, benevalens in lucem edidit in-
 fantem; qui sacris ablutus aquis, intra
 paucas horas evolavit ad Superos. Tan-
 tum, tamque evidens prodigium mi-
 rum quantum amoris, & venerationis
 Aloysio conciliaverit; cujus nomen to-
 to in Dei laudem celeberrimum orbe
 percipio. Valete Patres mei, memo-
 resque famulum vestrum Aloysio com-
 mendate. Clusii tertio Idus Sept. 1665.



CAPV T. III.

*Alia mira Aloysii ope
patrata .*



D levandum Lectoris fastidium, una , eademque benè longa prodigiorum via incedentis, inter sedimus; eandem nunc repentes , illud referimus commodi , quòd statione recreemus , quem varietate non possumus . Io: Vecchius difficili , & per biduum nulla urina, inter dolores atrocissimos , interclusa calculo via , usus pulvinari , quod olim Aloysio hospiti suo apposuerat , repentè convaluit , ingenti arenularum vi explosa cum calculo; tanto medicorum stupore, ut Sylvius Olivierius Physicus tam præproperam sanitatem in sene præsertim decrepito Superis omninò adscribendam censuerit. Hoc beneficio factus fidentior, cum Panormi ischiadicus

dicus uno pede debilis, penè jaceret immobilis, alteri innixus, spe fultus tandem in nostrum Templum pervenit, unde in ALOYSII Sepulcro volutatus, sanus abscessit.

SALEMI puella bimula Iosephi Nuc-ci filia', ejulatu maximo dolorem viscerum quo poterat modo prodebat. Admovent lugenti ALOYSII effigiem, & velut excantato morbo in risus effusissimos solvitur.

D. Margaritæ Cajetanæ filio Xaverio, quem eo nomine Parentes Societati oppigneraverant; & ALOYSIUS dum viveret, extra se raptus fasciis involutum, aræ impositum, Deiparæque vovens susceperat; mortuus favere non destitit: nam pueri lethali morbo correpti salutem Mater manifestè adscripsit ALOYSIO; usa, ubi alia remedia vidit invalida ad curationem, Clericali ALOYSII pileo, quem in divitis Domus gazasservabat; in quo præter omen (dedi-

dit enim deinde puer Societati nomen) illud etiam non sine admiratione fuit , quòd æger admoto pileo levaretur , afflctaretur remoto ; ut citrà dubitationem orta salus ad ALOYSIUM pertineret .

Hoc tam præclaro , perspicuoque prodigio Nari patrato , alia ibidem patrata occultari se patiantur . Cujusmodi sunt Angela Iubilato , & Antonius Pecora è molestissimis morbis convalescentes uno hausto pharmaco aquæ ALOYSII lipsanis medicatæ . Quo eodem medicaminis genere , vel non longè dissimili ; lipsanis scilicèt ALOYSII vel haustis , vel deglutitis , vel gestatis , vel tactis plurimos saluti redditos turmatim recenseamus , morbis tantùm , morbosisque percursis . Matthia Cannava , Philippus Cornabacius , Franciscus Pinnisi , Carminus Bua , Franciscus Bella , Maria Rizza , Agatha Presti , Antonii Patanei quadrimus filius tertiana ; Antonia Zappalà molestissima brachii fractione ;

Gra-

Gratia Ventura morbo cardiaco ; Maria Rizza , & Gratia Salerna cephalico ; aliique aliis morbis Aloysio sospitatore depulsis , repentè conualuere .

PAVLVS Cannavus jam moriturus Aloysii subuculam simul & vitam , induit ; libitinariis indumentis , quæ jam parabantur , abjectis .

CATHARINAM Labruzzam Corilionen-
sem à Dæmone obsessam esse non levis
conjectura erat ; non dum se tamen pro-
diderat malus genius : ducta Panormum
est ad D. Mamiliani sacra lipsana, ad quo-
rum conspectum mali illi genii solent
torti torquere quos insident , miserabi-
lesque strepitus edere . Tacitus tamen
Dæmon , ne cogeretur faceßere , tor-
menta cohibuit . Quod tamen non sue
virtuti , sed Aloysii gloriæ adscriben-
dum citò sensit infelix : nam cum fæ-
mina Cacodæmonis hospita urbem ad-
venarum more lustrat , princeps Socie-
tatis nostræ Templum adit ; quod ut
su-

subiit, è vestigio conturbata latentis hostis deprehendit insidias. Gauisa, ibi malè habitare hospitem suum, ubi ipsa nesciens asylum repererat, ad Aloysii tumultum rectà contendit. Non tulit nefarius Sacri cineris penetrabilem ignem; foeminamque solo afflictam reddit exanimem; ipse inconditas voces, ejulatusque stygios per jacentis corpus ejaculatus, diuturnam post luctam, tandem victus, nunquam rediturus abscessit.

CLAVDAT tot languentium agmen, puella cæca, & quæ præ oculorum orbitate aliis via præire non potuit, præeuntes longo ordine languentes sequatur.

SALEMI defluvium acre, pertinax, diuturnumque Catharinæ Antoninæ Lagrutta filia oculis invasit; quos septimo tandem anno ità corrumpit, ut lumen omninò ademerit; accessit orbitati tam acerbus dolor, & doloris comes mæstitia; ut ad fletum oculos; caput damnaret ad genua, quibus illud, standi impotens

tan-

tanquam pulvinari semper hærebat. Ex quo situ sensim curvescens, gibbera tandem evasit: mater eo percussa spectaculo, nec medicis, nec pharmacis parcebat; quibus frustrà tentatis, fortè fortuna incidit in pauperulam, stipem corrogantem, ad eamq; faciliùs impetrandam Aloysii laudes cæcorum more canentem. Incidit mens, non factum sine numine, ut Cæca Aloysium vocaret; monerique se, ut ejus opem prò cæca filia imploraret. In spem igitur venit Sanitatis, cujus ea spes vivida solet esse præludium; & anili simplicitate cum Aloysio non secus, ac illum præsentem haberet paciscitur, si intra diem oculis filiæ lumen reddat, filiam ab se pul- la veste indutum iri, quali Societati Iesu addictæ fæminæ uti solent. Vix illuxerat; cum accurrit ad Collegium; Rectorem exorat, primùm ut panno, quo conficienda erat tunica bene precetur, tum ut à prandio natæ oculos sacris

Aloysii reliquiis dignetur contingere . Vix prænata cum filia accurrit ad Templum ; quod , cum importuno illo tempore clausum offenderet ; veritate tranfactis à fœdere inito horis , à pactis Aloysius resiliret , pulsat , clamat , vociferatur , homines , superosque contestatur se pactis stetitisse ; nontribuendum sibi si statum contractui tempus labatur ; & ad proximum Collegio Sanctimonialium Templum se confert ; ubi etiam tam largo fletui indulgebat , moræ impatiens ; ut Anna Maria Rocca , & Francisca de Blasi spectaculo percussę singultientem interrogarint , ecquid sibi accidisset ? tum illa rem totam aperit : subditque expectare se ipsam Aloysii , ut cum illo contraxerat . Cui Anna : Si nihil aliud deest ; confici possunt tabule ; apud me enim est indusii illius particula , quam libenter elargior : eamque charta rectam demisit ; quam illa veluti cælitus
delap-

delapsam arripit , veneratur , exosculatur ; tum utrique pupillæ admovet cæcæ filiæ ; quæ statim videre potuit , quantum satis erat , ut posset sine duce rectè ad aram pergere , ut Deo gratias redderet , suadente id Matre . Hæc jam præ lætitia gemens illigato , implexoque Catharinæ capillis indusii frustulo , cum nata domum revertitur , inclamans quaquâ transit Miraculum . Quibus vocibus gens excitata , dum plauderet ; Gaspar Vescus periclitaturus , num mulieri tam sanctè affirmanti prodigium esset credendum , percontatur à Catharina , ecquid esset illud , quod ipsi erat in manibus ? cui illa statim , tale scilicet nummorum genus , quamvis aliquot passus aberat Gaspar : Viciniæ voces , gratulationes , gaudia , facilè est conjicere . Mater inter fletus irriguos illud ingeminabat : Aloysius eam reddidit sanitati ; & adventantibus natæ pupillas ostendebat . Vbi æstus ille resedit accedentium , gratulantium , percontan-

tium, in Catharinæ oculis pars quædam, prisci albuminis apparuit. Quod ubi mater advertit, audacter exclamat: Quid hoc est ALOYSI? si ita res est: rescindo contractum; nolo partem morbi, nolo vestigium: aut totum, aut nihil; aut redeat cæcitas; aut cæcitatis etiam illud facessat crepusculum. Mirum dictu, stultas illas voces, sed ex præfidenti ortas animo veluti timuisset Alóysius, illud Servatoris nostri visus est repetere: *O mulier magna est fides tua, fiat tibi sicut vis*; Et protinus evanueret illæ non tam præteriti morbi reliquiæ, quàm futuri prodigii semina. Postridiè mater pulla, uti voverat, veste indutam filiam grati animi ergo ducit ad Asceterium: ubi excepta festivo æris Campani pulsu, Sanctimonialumque concentu, gratias Deo egerunt cantico illo Eucharistico, quod Ambrosio; Augustinoque adscribitur. Et veluti prodigium ex prodigio nasceretur, ut ab oculis cæcitas, sic à dorso gibbus abscessit.

Illud hìc postremò addendum prò coronide, prodigio vaticinium non defuisse : nam Salemi Aloysius rogatus ab Antonina , ut cæcitatem à nata depelleret, ne desperes, inquit; nam citò voti compos eris : *Ipse enim sciebat quid esset factururus ,*



CAPVT. IV. ET VLTIMVM.

*Aloysius post obitum
visus .*



VM Viri Sancti patrant prodigia, sua largiuntur; cum verò videndos se exhibent, se ipsos: gratius proinde donum, & pluris etiam faciendum ad sanctimonix contestationem; præsertim cum mira, & visa se se invicem complectuntur, & excipiunt: nec valdè timendæ sunt, aut oculorum, aut mentis præstigiæ, cum vel in quiete, vel vigilantibus nobis ji se se videndos exhibent, quos maximarum virtutum fama evexit ad Sidera; & prodigiorum turba suffulcit. Neutrum autem horum in ALOYSIO desiderari hæctenus luculentè ostendimus.

OLIVAM Rogeriam excitatam illucescente die æris campani funebri sono, qui

qui extinctum ALOYSIUM urbi nunciabat, Sanctum virum veneratam iterum amplexus est somnus. Cum ecce visa sibi est videre propè cubile ALOYSIUM, tanta delibutum lætitia, ut licèt se Cælo donatum jam proderet, sciscitata tamen ab illo sit, ubi nam degeret? cui ille: fruor, inquit, jam DEO, quæ eorum, qui ipsi serviunt merces est. Tu verò memineris, esse post fluxam hanc vitam, tum beatas sedes, tum stygias: quo dicto videri desuit; quasi etiam è cælo concionabundus, animorumque venator. Mulier læta viso, dicto hæsit attonita.

OLIVÆ dormienti, Onuphrio Rizzo vigilanti, videntique apparuit. Fervabant ab Aloysio patrata prodigia; cum miser ille post atroces oculorum dolores captus lumine, ab eo, dè quo tanta inaudiret, opem implorare constituit; & melioris in posterum vitæ proposito, priorisque exhomologesi, particulam vestis ALOYSII admovet oculis; quos illi-

cò

cò dolore levatos somnus oppressit. Quem tamen citò Aloysius vehementi impulsione discussit ; & videnti , sentientique , Pone , inquit , metum , optimè convalesces . Ille duplici lætus beneficio , & depulsæ molestissimæ cæcitatibus , & visi Aloysii , oculis prosequutus est abeuntem.

Quod sequitur viso adiunctum habet prodigium , & vaticinium : Mariæ Magdalenæ la Grua ultimum vale dicens Aloysius , precarium B. Virginis sertum dono dedit , singulis tamen diebus per integrum biennium piè percurrentum , Excepit lætissima mulier sanctum à Sancto viro munusculum ; pensumque quotidie sanctè persolvit . Transacto biennio præceps è scalis , La Grua caput fregit fædissimo vulnere . Apparuit lethaliter decumbenti Aloysius , eamque reddidit sanitati . Illa arctissimè complexa corollam , obsidem beneficii , & temporis , quo patrandum erat prodigium indicem , nunquam de manibus posuit , Contigit
ali-

aliquando , ut iter faceret ; energumē-
namque offenderet clamantem , ut rosari-
um , quo torquebatur abjiceret ; illud
ipsa valentior ex ejus collo suspendit ;
excantatumque Psalterio minimè perso-
nante malum Genium , victum coëgit
abscedere . Habes quadruplex in una nar-
ratione prodigium .

BREVIORA hæc visa ; illud diuturni-
nius ; brevius tamen narrandum contra-
henti jam vela . Leonardo Mangiò ex
fracto omento intestinum ad ovi instar e-
ruperat ; consecutus egressionem est vo-
mitus , & gelidus sudor , mortis prodro-
mus. Nihil proficientibus medicamentis ,
Antonia Mater icunculam ALOYSII ado-
movet filio , quem mox somnus corri-
puit . Hic illi visus ALOYSIUS , à quo jus-
sus benè sperare , sua ad sanitatem fide
obligata , ductus est in amēnissimos
hortos ; ubi inambulantes jucundissimos
habuere sermones . Expletis quatuor in-
ambulationis horis , atque colloquii , ex-

pergiscitur puer ; tum viſo recreatus ,
 tum morbo depulſo , præ lætitia geſtiens ,
 exclamat : Sanus ſum , ſanus ſum , ſani-
 tati me reddidit Aloysius . Accurrit
 Mater , & non modò tuber , ſed ve-
 ſtigium ipſum vitii evanuiſſe deprehen-
 dens , exilientibus præ gaudio domeſti-
 cis omnibus , Aloysio ſuo agit amanti-
 ſimas gratias .

AGRIGENTI Franciſca Iubilato noctem
 inſomnem traduxerat inter atrociffimos
 dentium dolores , & preces ad ALOY-
 SIUM , ut levaretur dolore ; quo ità ur-
 gebatur , ut infelix , ne potum quĩ-
 dem niſi per fiſtulam poſſet haurire ; ne
 compreſſis fortè gingivis , ſpasmate , ut
 ſibi videbatur , occideret . Admovit den-
 tibus particulam ſubuculæ ALOYSII : ſed
 is ſurdus ad preces fuit , pluſquam ro-
 garetur mox daturus . Semianimem
 dolore ſceminam ſeu ſtupor , ſeu ſom-
 nus oppreſſit . Tunc ei ſe videndum
 præbuit ALOYSIUS , qualis in ſacris ex-
 curſi-

curfibus solebat incedere. Ecquid est inquiring, quod homines, superosque fatiges? fume calentis mellis haustum; cui dentes parumper innatent, & convalesces: abiit ille; ipsa cælestis medici præscriptione usa, repentè convaluit; tanta admiratione viciniæ, cui ex assidujs ejulatibus notus simul, ac molestus erat Franciscæ morbus; ut exinde non alio prò dentibus sint usi remedio, fructu non pœnitendo.

Rosa Rinello Corilionensis tam gravi correpta est angina; ut se triduo crederet morituram;angebaturque non minus quàm morbo, quòd interclusis faucibus sine, sacro viatico cogeretur abscedere. Imploratur Aloysius, ejusque vestis fragmenta sumuntur, sed frustra omnia: illa dolore amens, repulsæque impatiens, versa in minas: Aloysi, inquit, nisi mihi tam præsens aderis, ut manè des surgere, te sanctum esse minimè credam. Ineptientem

pergiscitur puer ; tum viso recreatus ,
 tum morbo depulso , præ lætitia gestiens ,
 exclamat : Sanus sum , sanus sum , sani-
 tati me reddidit Aloysius . Accurrit
 Mater , & non modò tuber , sed ve-
 stigium ipsum vitii evanuisse deprehen-
 dens , exilientibus præ gaudio domesti-
 cis omnibus , Aloysio suo agit amanti-
 simas gratias .

AGRIGENTI Francisca Iubilaro noctem
 insomnem traduxerat inter atrocissimos
 dentium dolores , & preces ad ALOY-
 SIUM , ut levaretur dolore ; quo ità ur-
 gebatur , ut infelix , ne potum quĩ-
 dem nisi per fistulam posset haurire ; ne
 compressis fortè gingivis , spasmate , ut
 sibi videbatur , occideret . Admovit den-
 tibus particulam subuculæ ALOYSII : sed
 is surdus ad preces fuit , plusquam ro-
 garetur mox daturus . Semianimem
 dolore foeminam seu stupor , seu som-
 nus oppressit . Tunc ei se videndum
 præbuit ALOYSIUS , qualis in sacris ex-
 cursi-

cursibus solebat incedere. Ecquid est inquiring, quod homines, superosque fatiges? sume calentis mellis haustum; cui dentes parumper innatent, & convalesces: abiit ille; ipsa cælestis medici præscriptione usa, repentè convaluit; tanta admiratione vicinæ, cui ex assiduis ejulatibus notus simul, ac molestus erat Franciscæ morbus; ut exinde non alio prò dentibus sint usi remedio, fructu non pœnitendo.

Rosa Rinello Corilionensis tam gravi correpta est angina; ut se triduo crederet morituram;angebaturque non minus quàm morbo, quòd interclusis faucibus sine, sacro viatico cogeretur abscedere. Imploratur Aloysius, ejusque vestis fragmenta sumuntur; sed frustra omnia: illa dolore amens, repulsæque impatiens, versa in minas: Aloysi, inquit, nisi mihi tam præsens aderis, ut manè des surgere, te sanctum esse minimè credam. Ineptientem

somnus corripuit ; in quo visa sibi est videre eo aspectu Aloysium , quo concionantem alba in veste viderat : quo viso excitata est , ruptoque ulcere , & magna vi puris egesta , illicò guttur detumvit ; mox, depulso mortis metu, convaluit ; eoque pluris in posterum estimavit Aloysium , quò nocentiori sibi faverat imploratus .

VIDENDVM etiam in quiete se dedit, D. Andreæ Equiti Messanensi, Elisabethę Messinæ viro ; eumque de familia percontatus , audit Equitem de uxoris salute esse sollicitum , quartum jam mensem ex luxatione decumbentis : iussit de exitu morbi non esse sollicitum ; atque ad Elisabetham accedens , motum loco pedem Crucis signo tangit , & abit . Hic tum præ gaudio excitatus Andreas , conjugem excitat , & visum narrat : Elisabetha strato se corripit , factura sanitatis periculum ; & primò alteri innixa ; tùm sine fulcro benè progreditur : quod in obesa fæmina , atque nigrescente ,

in-

inflataque nuper miserum in modum, non sine vitæ discrimine tibia, vulgò habitum est prò prodigio; uti etiam à Pa-
normitanis Medicis, in eo benè expen-
dendo intentis. Quod verò sequitur, citrà omnem dubitationem narrata ha-
ctenus, longo superat intervallo.

NUPER è vivis excefferat ALOYSIUS; cum Petrus Cotta è sella quatuor præalta palmos, qualis solet esse puerorum, præceps in terram ruit; cumque forficulas haberet in manibus; eæ, seu ad-
versis teneret naribus, seu casus intule-
rit; tanto impetu narium per meatus sunt introrsùs adaectæ, ut ipso exanimi, & exangui, sanguine solum innata-
ret. Infelix pater, furentium in morem currit ad medicum; mater ad ALOYSIUM, cujus prodigiorum fama gliscebatur; & flosculum cum globo precario, quæ illum contigerant nato admovet. Vocatus adfuit ALOYSIUS, visusque puero, candenti insidens nubi, radiosque ejaculans;
quis

quis ipse sit aperit; tactoque vulnere, absolutam numeris omnibus incolumitatem reddit; quare puer in ipso cubili saltus edens, venatoria arma poscit ad fallendas aves: se à *Beato Aloysio* persanatum clamans; quo illum adiuncto semper quoad vixit nominare consuevit in leütaneticis precibus, Deiparæ encomia semper jis vocibus obsignans, *Beate La Nuzza ora pro nobis*. Quis fuerit adstantium sensus, stupor, jubilus conjici facilius poterit, quam enarrari. Maxima certè medicorum admiratio, qui expenso vulnere, ex cuspidulis, quæ cuncta capitis organa fædissimè læserant, sanctè, disertèque pronunciarunt: Prodigiorum ab *Aloysio* patratum hoc maximum extitisse.

HACTENUS *Aloysius* visus ad ferendam opem mortalibus in terrâ descendere; iuuic à mortalibus visus in cælo. Palmæ in celebri Parthenone, Mense Martio MDCLXXI. Sanctimoniali N. N. probatæ virtutis, oranti dignatus est *Deys* ostendere *Aloysium*, altissimo

simò Throno insidentem; triplici radio ab augustissima Triade manante sic circumfusum ; ut satur ipse reliquam ingentem lucem in subjectam immensam turbam throni scalis insidentem , eumque contemplantem, diffunderet. Viso accessit notitia, qua docta est, agmen illud confertissimum, ex jis confici, quos cælo lucratus fuerat ALOYSIUS, Throno dignus in Cælo , qui imum semper locum elegisset in terris . Hæc Confessarius Sanctimonialis contigisse affirmat , dum illa se se exerceret in commentationibus S. Ignatii ; cui de ALOYSII gloria ostendenda sollicito , filii gloria , magna ex parte est adscribenda ; utriusque verò gloria DEO Opt. Max. ejusque sanctissimæ Genitrici Deiparæ ,



PROTESTATIO

AUCTORIS.

CVM Sanctissimus Dominus Noster Vrbanus Papa Octavus die decima tertia Martii anno MDCXXV. in Sacra Congregatione S. Romanæ, & universalis Inquisitionis Decretum ediderit; idemque confirmaverit die quinta Iulii anno MDCXXXIV. quo inhibuit imprimi libros hominum, qui Sanctitate, seu Martyrii fama celebres è vita migraverunt, gesta, miracula, vel revelationes, seu quæcumque beneficia, tanquam eorum intercessionibus à Deo accepta continentes; & hæcenus impressos nullo modo vult censi approbatos. Idem autem Sanctissimus die quinta Iunii MDCXXXI. ita explicavit, ut nimirum non admittantur Elogia Sancti, vel Beati absolutè, & quæ cadunt super personam; bene tamen ea, quæ cadunt supra mores, & opinionem, cum protestatione, quod jis nulla adsit auctoritas ab Ecclesia Romana, sed fides tantum sit penes Auctorem. Huic Decreto, ejusque confirmationi, & declarationi observantia, & reverentia, qua par est, insistendo; iterum profiteor me haud alio sensu quidquid in hoc libro refero, accipere, aut accipi ab ullo velle, quàm quo ea solent, quæ humana dumtaxat autoritate, non autem Divina Catholicæ Romanæ Ecclesiæ, aut Sanctæ Sedis Apostolicæ nititur: jis tantummodo exceptis, quos eadem Sancta Sedes Sanctorum, Beatorum, aut Martyrum Catalogo adscripsit.

INDEX CAPITVM

LIBRI PRIMI.

A LOYSII Natalis, & Pueritia Cap. 1. pag. 1.	
Quis fuerit Aloysius cum Societatis Iesu ageret candidatum.	12
<i>Aloysii Ingressus in Societatem Iesu.</i>	21
<i>Aloysius La Nuza Concionator Euangelicus.</i>	32
In Aloysio rerum futurarum predictio, atque arcanorum presentio.	53
<i>Aloysii excursus, & Missiones.</i>	67
<i>Quem Aloysius e Sacris excursionibus fructum percepit.</i>	78
<i>Aloysius prodigiorum patrator.</i>	89
<i>Aloysius uni Caelo propitio, sic Tartaro usus adverso.</i>	101
<i>Postremus Aloysii, morbus & Sanctissimus obitus.</i>	108
<i>Qua mortem praecesserint Vaticinia, Qua exceperint prodigia.</i>	121
Egregiorum Virorum de Aloysii heroica virtute iudicium.	134



LIBRI SECVNDI

ALOYSII VIRTUTES.

V IRTUTES, qua Deum in se respiciunt	Cap. 1
pag.	146
<i>Aloysii Cultus Sanctæ Trinitatis ; Pia Cruciatuum</i>	
<i>Christi Domini recordatio ; Religio in Deiparam ,</i>	
<i>& Calites ; Orandi studium.</i>	155
<i>Aloysius divina patitur.</i>	166
<i>Charitas erga proximos , in iisque iuvandis Indu-</i>	
<i>stria.</i>	173
<i>Corporis afflictatio penè iusto severior.</i>	185
<i>Humilitas , & sui despicientia.</i>	196
<i>Vite integritas , & cura Innocentie.</i>	212
<i>Diligens Votorum Custodia.</i>	220
<i>Aloysii Vaticinia.</i>	240



LIBRI TERTII

ALOYSII MIRACVLA:

P RODIGIA ab Aloyſio patrata dum viveret.	
Cap. 1. pag.	252
Prodigia ab Obitu Aloyſii.	271
Alia mira Aloyſii ope patrata.	284
Aloyſius poſt obitum viſus.	294



LIBRARY THEATRE

ADVISORY BOARD

THEATRE OF THE FUTURE

THEATRE OF THE FUTURE
THEATRE OF THE FUTURE
THEATRE OF THE FUTURE
THEATRE OF THE FUTURE
THEATRE OF THE FUTURE













